


170911



國家圖書館 NATIONAL CENTRAL LIBRARY 登記號 TA12774.0.0

類號	
類別	
全書	高 6 冊



彙輯薛立齋內科醫錄小引
蓋聞不涉江湖。安識風波之險。不親畎畝。豈知稼穡之艱。故眼見者胸中斯了。親嘗者知味必真也。予弱冠抱羸疾。此時未解岐黃之術。悉聽時師所為。既罔效。乃廣閱方書。得先生所著甚契。如法治刀圭。試之先生醫道。正似純王。必世後仁。予服之旬月未効。遂謂先生之言平。耳輒更方而



國家圖書館 NATIONAL CENTRAL LIBRARY, TAIWAN, R.O.C.



治之。於是病情數變。藥餌雜投。百無一驗。蓋瀕死者屢矣。賴兢、慎攝。至強仕之季。稍愈。然孱弱弗勝。勞終未脫病網。嗣患指麻。慮中風。徧求治之。時名手陳月坡勸余勿作風治。以補中益氣湯為丸服之。予博証方書。覩先生旨。與陳君言。昭合。遂乃恪遵。而久服之。近數年來。覺精神漸旺。大脉少壯時。因甚悔當年求速效。不久服先生方。致二豎徽纏。幾廿載。豈意純王之藥。非漸涵數載。則弗奏功。而禩霸之術。徒傷元氣。迄無所濟。是後襲之奚囊中。每有所患。即簡先生書而用之。試無不效。益奉為聖書。而寶之如貝玉。信之若蓍蔡。二十季來。數歷中外。馳驅四方。幸保殘喘。則此書力也。予乃傷弓之鳥。脫網之魚。此中險阻艱難。皆身所親歷。凡方書所載之症。十患其

inches 1 2 3 4 5 6 7 8 centimetres

Centimetres
TIFFEN Color Control Patches
© The Tiffen Company, 2007

Blue Cyan Green Yellow Red Magenta White 3/Color Black

載其中。即所載醫案。尚有出前兩卷外者。予掛冠歸里。山居之暇。會為一編。細加評註。其有耳目親歷之症。治間附載于後。以告世之同患者。不復罹矰網之苦。則予之一丘婆心也。先生於外科。女科。幼科。無不精妙。另出手眼。各有全書。然最切吾儕為座右行囊所不可一日缺者。則無若茲編要矣。

三四。本草所載之藥。亦十嘗其三。四。故確信此書。發前賢之未見。開後世之拘攣。為當世正法眼藏。非敢泛稱而謬述也。曩見士大夫亦知寶是書者。宋司寇樺于址。李司農樺于虔。皆序其歷試歷驗。可信可從。可為先得我心矣。但所樺止醫案兩卷。惜其未完。昔王節齋先生有明醫雜著。立齋先生從而註之。已久行于世。先生妙旨多

Centimeters 1 2 3 4 5 6 7 8

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

Black

崇禎己卯秋日楊李黃承昊謹題



評註薛氏醫案目錄

卷上

醫論

元氣虧損中風昏暈等症

附痰症痺症

飲食勞倦虧損元氣等症

脾胃虧損心腹作痛等症

脾胃虛寒陽氣脫陷等症

卷中



命門火衰不能生土等症

腎虛火不歸經發熱等症

脾胃虧損吞酸嘔腐等症

附論噎隔反胃等症

脾胃虧損停食泄瀉等症

附論噎隔積傷食

附論能食而難化

脾胃虧損停食痢疾等症

脾胃虧損瘧疾寒熱等症

脾肺虧損咳嗽痰喘等症

卷下

脾腎虧損頭眩痰氣等症

附論各項痰症

肝腎虧損血燥結核等症

脾腎虧損小便不利肚腹膨脹等症

附論喘脹二症

脾胃虧損暑濕所傷等症

附論食生冷入房

附論傷暑諸症

肝脾腎虧損目耳鼻等症

附論齒痛



附論陰痿
附論疝氣

脾肺腎虧損小便自遺淋瀝等症

脾肺腎虧損虛勞怯弱等症

脾肺腎虧損遺精白濁吐血便血等

症
附論盜汗
自汗

脾肺腎虧損大便秘結等症

附論嶺南諸病

末卷 附方

彙輯薛氏內科醫案卷上




古吳薛 已立齋著

樵李黃承昊履素評輯

醫論

愚按經云治病必求其本本於四時五臟
之根也故潔古張先生云五臟子母虛實
鬼邪微正若不達其旨意不易得而入焉
徐用誠先生云凡心臟得病必先調其肝



附論陰痿
附論疝氣

脾肺腎虧損小便自遺淋瀝等症

脾肺腎虧損虛勞怯弱等症

脾肺腎虧損遺精白濁吐血便血等

症
附論盜汗
自汗

脾肺腎虧損大便秘結等症

附論嶺南諸病

末卷 附方

彙輯薛氏內科醫案卷上




古吳薛 已立齋著

樵李黃承昊履素評輯

醫論


愚按經云治病必求其本本於四時五臟
之根也故潔古張先生云五臟子母虛實
鬼邪微正若不達其旨意不易得而入焉
徐用誠先生云凡心臟得病必先調其肝



腎之臟。腎者心之鬼。肝氣通則心氣和。肝
氣滯則心氣乏。此心病先求於肝。清其源
也。五臟受病必傳其所勝。水能勝火。則腎
之受邪必傳於心。故先治其腎。逐其邪也。
故有退腎邪益肝氣兩方。或診其脉。肝腎
兩臟俱和。而心自主疾。然後察其心家虛
實治之。
餘做此詳見玉
機微義小兒部

蕙按異法方宜論云東南之域。下卑濕熱。

其人腠理疎通。汗液妄泄。陽氣內虛。故宜
食樹薑辛熱之物。以助其陽也。西北之域。
高陵風寒。其人腠理緻密。汗液內固。陽氣
充實。不宜食椒薑辛熱之物。反益其陽也。
東坡先生仕黃州。其民疫癘流行。先生以
聖散子治之。其功甚效。是其地卑濕。四時
鬱熱。腠理疎通。汗液妄泄。陽氣虛寒。是以
相宜。西北疫癘。民用之死者接踵。此余之



目擊也。

論陰陽氣血

愚按經云。脾胃為氣血之本。若陽氣虛弱。而不能生陰血者。宜用六君子湯。陽氣虛寒。而不能生陰血者。亦用前湯。加炮薑。若胃土燥熱。而不能生陰血者。宜用四物湯。若脾胃虛寒。而不能生陰血者。宜用八味丸。其餘當更推五臟互相生尅。而調補之。

愚按人以脾胃為本。納五穀。化精液。其清者入榮。濁者入胃。陰陽得此。是謂之橐籥。故陽則發於四肢。陰則行於五臟。土旺於四時。善載乎萬物。人得土以養百骸。身失土以枯四肢。東垣以飲食自傷。醫多妄下。清氣下陷。濁氣不降。乃生膜脹。所以胃脘之陽不能升舉。其氣陷入中焦。當用補中益氣。使濁氣自降。不治自安。




愚按大病後穀消水去。精散衛亡。多致便
 利枯竭。宜當補中益氣。為要。蓋脾為中州。
 澆灌四傍。與胃行其津液者也。况大腸主
 津。小腸主液。亦皆稟氣於胃。胃氣一充。津
 液自行矣。燥甚者。別當以辛潤之。以苦泄
 之。補中益氣湯 黃芪 黨參 人參 甘草 白朮 陳皮 不
 歸身 芍藥 枳殼 升麻 柴胡 三棱 加為三片 芫二枚

論飲食勞倦

愚按飲食勞倦頗同而理異也。王安道先

生曰勞倦傷飲食傷二者雖俱為內傷。不
 可混而為一。夫飲食受傷而留滯下化。則
 有餘矣。有餘者瀉之。傷饑失飽。致損脾胃
 非有積滯。則不足矣。不足者補之。如東垣
 枳朮丸之類。雖曰消導。固有補益於間。然
 亦施於不甚傷者耳。原非以為通行之藥
 也。蓋停滯之物。非枳朮丸之力所能去者。
 若泥於消導而弗知變。則不善用前人之



意矣。

論發熱

王節齋云。內傷發熱。是陽氣自傷。不能升
達。降下陰分。而為內熱。乃陽虛也。故其脉
大而無力。屬肺脾陰虛發熱。是陰血自傷。
不能制火。陽氣升騰。而為內熱。乃陽旺也。
故其脉數而無力。屬心腎。經曰。脉大而無
力。為陽虛。脉數而無力。為陰虛。無力為虛。

有力為實。立齋先生云。愚按陽虛發熱者。
宜用補中益氣湯。以升補陽氣。陰虛發熱
者。宜用六味地黃丸。以培補陰血。總論一
症。雖有陰陽氣血之分。實則皆因脾胃陽
氣不足所致。其發熱屬形病俱虛。余故禁
服黃栢知母。恐復傷陽氣耳。


閣老李廖菴。有門生饋坎離丸。喜而服之。
余曰。前丸乃黃栢知母。恐非所宜服者。內



經有云。壯火食氣。少火生氣。今公之肝腎
二脉。數而無力。宜滋其化源。不宜瀉火傷
氣也。不信。服將兩月。脾氣漸弱。發熱愈甚。
小便澀滯。兩拘腫痛。公以為瘡毒。余曰。此
肝腎二經虧損。虛火所致耳。當滋補二經
為善。遂朝用補中益氣湯。夕用六味地黃
丸。諸症悉愈。予見脾胃素弱。肝腎陰虛。而
發熱者。悉服十味固本丸。與黃栢知母之


類。反泄真陽。令人無子。可不慎哉。

王節齋云。傷寒發熱。是寒邪入衛。與陽氣
交爭。而為外熱。陽氣主外。為寒所傷。而失
其職。故為熱。其脉緊而有力。是外之寒邪
傷衛也。治主外。立齋先生云。愚按前症。反
覆變遷。若治失其宜。命在反掌。蓋寒邪自
表入裡。治法雖有三陽之異。然不可拘泥
日數。亦有其邪終止於一經。而不傳他經。



者嘗治陳湖一男子患傷寒。仰卧一月。且
耳聾。余意其病尚在少陽。故脇痛不能轉
側。及耳聾也。與小柴胡湯加山梔。一劑即
能轉側。尾閭處內瀆皆蛆。耳亦有聞。蓋少
陽屬風木。而風木能生蟲也。其在少陽明
矣。

王節齋云。傷暑發熱。是火邪傷心。元氣耗
散。而邪熱入客於中。故發為熱。汗大泄。無
氣以動。其脉虛遲而無力。是外之熱邪傷
榮也。治主內。立齋先生云。愚按夏月陽氣
浮於外。陰氣伏於內。法當調補陽氣為主。
而佐以解暑。此推內經捨時從症之良法
也。故前症當究其所因而治之。不可泛用
香薷飲之顯。走散陽氣。導損真陰。而益其
病也。又有夏間用薄荷煎湯以代茶。殊不
知散人之真氣。即久用川芎湯。令人暴死。




之類也。詳見後

論處方

愚按方做也。做彼而準此也。至於應用更貴權宜。非曰確然不可移而屹然不可動者也。是以素問無方難經亦無方。漢時纔有方。蓋做病因以立方也。

論寒熱水火

上太僕先生曰。大寒而甚。熱之不熱。是無火也。大熱而甚。寒之不寒。是無水也。晝見夜伏。夜見晝止。不時而動。是無火也。大抵病熱作渴。飲冷便秘。此症屬實。為熱故也。或惡寒發熱。引衣踈臥。或四肢逆冷。大便清利。此屬真寒。或躁擾狂越。欲入水中。不欲近衣。此症屬虛。外假熱而內真寒也。故虛勞發熱之症。治以寒藥而不愈者。為此故也。繇此觀之。則熱症嘗少。而寒症嘗多。




故無火者當用八味丸益火之源以消陰翳無水者用六味丸壯水之主以鎮陽光然其所以致疾者皆繇氣血方長而勞心虧損或精血未滿而縱情恣欲根本不固火不歸經以致見症難名雖宜常補中陰以制其火然而二尺各有陰陽水火互相生化當於二臟中分各陰陽虛實求其所屬而平之若左尺脈虛弱而細數者是

左腎之真陰不足也用六味丸右尺脈遲軟或沉細而數欲絕者是命門之相火不足也用八味丸至於兩尺微弱是陰陽俱虛用十補丸此皆滋其化源也設使槩服黃柏知母沉陰瀉火之藥反戕脾胃多致不起

詳見玉機微義

論針灸

愚按針灸之法各有所宜亦各有所禁經



曰形氣不足病氣不足此陰陽俱不足也
不可刺之刺之則重不足重不足則陰陽
俱竭血氣皆盡五臟空虛筋骨髓枯老者
絕滅壯者不復矣東垣曰脉浮數而發熱
咽乾面赤時渴者皆熱在外也不可灸灸
之災害立生繇此觀之所禁所宜不可不
慎


元氣虧損中風昏暈等症一

愚按難經曰邪在氣氣為是動邪在血血
為所生病經云陽之氣以天地之疾風石
之此風非外来風邪乃本氣病也故諸方
多言皆繇氣體虛弱榮衛失調或七情過
度以致真氣耗散腠理不密邪氣乘虛而
入忽焉中仆其在左半體者肝腎所居之
地肝主筋腎主骨肝藏血腎藏精精血枯




槁不能滋養。故筋骨偏廢而不用也。河間曰風病多因熱甚。俗云風者言末而忘其本也。經云汗出偏沮使人偏枯。如樹木一枝津液不到則此枝枯槁。被風所害。繇此觀之。實因肝腎二經精血枯槁之所致也。經曰三陰三陽發病為偏枯痿易。四肢不舉。亦未嘗必指於風也。其真中者當辨其中臟中府而治之。眼瞽者中於肝。舌不能

言者中於心。唇緩便秘者中於脾。鼻塞者中於肺。耳聾者中於腎。此五者病深多為難治。中血脉者外無六經之形。疔內無便溺之阻隔。肢不能舉。口不能言。用大秦朮湯主之。中腑者多兼中臟。如左關脉浮弦。面目青。左脇偏痛。筋脉拘急。目矐頭目眩。手足不收。坐踞不得。此中膽兼中肝也。用犀角散之類。如左寸脉浮洪。面赤汗多。惡



風心神顛倒。言語蹇澁。舌強口乾。忪悸恍惚。此中小腸蕪中心也。用麻黃散之類。如右關脉浮緩。或浮大。面唇黃。汗多惡風。口喎語澁。身重怠惰嗜卧。肌膚不仁。皮內瞶動。腹脹不食。此中胃蕪中脾也。用防風散之類。如右寸脉浮濇而短。必鼻流清涕。多喘。胸中胃悶。短氣自汗。聲啞。四肢痿弱。此中大腸蕪中肺也。用五味子湯之類。如左

尺脉浮滑。面目黧黑。腰脊痛引小腹。不能俛仰。兩耳虛鳴。骨節疼痛。足痿善恐。此中膀胱蕪中腎也。用獨活散之類。此皆言真中風之症治也。其間亦有氣血之分焉。氣虛而中者。右手足不仁。用六君子湯。加釣藤薑汁。竹瀝。血虛而中者。左手足不仁。用四物湯。加釣藤竹瀝薑汁。氣血俱虛而中者。左右手足皆不仁。用八珍湯。加釣藤薑




汗竹瀝。其與中風相類者。不可不別。如中
於寒。謂冬月卒中寒氣。昏冒口禁。肢攣惡
寒。脉浮緊。用麻黃桂枝理中湯之類。中於
暑。謂夏月卒冒炎暑。昏冒痿厥。吐瀉喘滿。
用十味香薷飲之類。中於濕。丹溪所謂因
濕土生痰。生熱。生風也。用清燥湯之
類。加竹瀝薑汁。因於火者。河間謂五志過
極。火盛水衰。熱氣怫鬱。昏冒而卒仆也。用

六味丸。四君子湯。獨參湯之類。內有恚怒
傷肝。陰火上炎者。用小柴胡湯之類。中於
氣者。繇七情過極。氣厥昏冒。或牙關緊急。
用蘓合香丸之類。食厥者。過於飲食。胃氣
不能運行。故昏冒也。用六君子加木香。勞
傷者。過於勞役。耗損元氣。脾胃虛衰。不任
風寒。故昏冒也。用補中益氣湯。房勞者。因
腎虛耗氣。不歸源。故昏冒也。用六味丸。此



皆類於中風者也。夫中風者，內經主於風，此真中風也。若內關主於火，東垣主於氣，丹溪主於濕，皆是因火因濕因氣而為暴病暴死之症。類中風而非真中風也。治者審之，卒中昏憤，口眼喎斜，痰氣上湧，咽喉有聲，六脈沉伏，此真氣虛而風邪所乘，以三生飲一兩，加人參一兩煎服，即甦。若遺尿手撒，口開，身睡為不治。用前藥亦有得

生者。三生飲乃行經絡，治寒痰之藥，有斬關奪旗之功。每服必用人參兩許以祛其邪而補助真氣，否則不惟無益，適足以取敗矣。觀先哲用芪附參附等湯，其義可見。愚按臨川陳先生云：醫風先醫血，血行風自滅。蓋肝藏血而主風，又肝氣為陽為火，肝血為陰為水。若肝火旺則肝血必虛，故凡風病多因肝經風火為患。當推五臟相



勝相生以益其血。

愚按前症多因飲食失節起居失宜虧損元氣腠理不緻外邪所侵或勞傷元氣怒動肝火皆屬內因所致也前藥六當審而用之。

車駕王用之卒中昏憤口眼喎斜痰氣上湧咽喉有聲六脉沉伏此真氣虛而風邪所乘以三生飲一兩加人參一兩煎服卽

甦

余少時未知醫余父母皆以卒中不起初中時輒以俗例進牛黃清心丸活絡丹等藥及時師診治率用隨嘗方藥全無一效每讀立齋先生此書輒自飲恨當年何不早為考究吾父母病時連進人參三生飲或能驅邪氣而復真元未可知也此理弗知未



手聽時師之奏技而竟以罔功余無以為人矣今恨已無補謹揭出以告世之為人子者語曰為人子者不可不知醫信夫卒中之病雖曰外邪乘之而中虛者居多余父蔡陽公得此症乃生久病之後雖是虛中非關外邪斷不宜服牛黃丸蓋此乃通經散邪之藥非大佐以補劑必不可輕

服者余父亦為此藥所悞立齋先生云不惟無益適足以取敗令人恨絕立齋先生立此治法昭然若揭日月於中天而粗工浪得時名何全不寓目此書也尤足恨人余二人既沒于此病余兄與參公亦以此病亡搃是虛中而為牛黃丸所悞耳如有火盛痰升一時昏冒者用童便灌之便



醒予從弟獲中季方強仕以鬱火患
此灌童便而醒聞名醫陳月坡云
凡在中者不宜雜飲以湯即薑湯亦
不可與飲便亂經脈

州判蔣大用形體魁偉中滿吐痰勞則頭
暈所服皆清痰理氣余曰中滿者脾氣虧
損也痰盛者脾氣不能運也頭暈者脾氣
不能升也指麻者脾氣不能周也遂以補

中益氣加茯苓半夏以補脾土用八味地
黃以補土母而愈後惑於乾坤生意方云
凡人手拍麻軟三年後有中風之疾可服
搜風天麻二丸以預防之乃朝餽暮服以
致大便不禁飲食不進而歿愚謂預防之
理當養氣血節飲食戒七情遠幃幙可也
若眼前丸以預防適所以招風取中也
余壬戌歲忽患手指麻軟時作時止



每夏愈而冬甚。素聞指麻當防中風。因講求預防之法。讀先生此訓而心了然。確如先生之法。專務補養調理。而一切祛風之藥。悉屏勿服。於今十有二年矣。初猶間服葶藶九并酒。見一友人稟賦原弱。單服葶藶九兩。月精神一時萎蕩。至不能步履。後改服補藥一月。始健。於是悟此藥亦是

耗損元氣之物。遂棄勿復服。飲方書贊此藥之妙如神。盡信書則不如無書。信夫。先生立見。專以滋養化源為主。化源者何。脾胃之氣是也。土為萬物之母。非土則萬物不生。惟脾土壯旺則百物皆昌。而四臟都有生氣矣。故先生以頭暈指麻痰滿皆推本于脾。而治以補中益氣湯。蓋諸藥非



寒非熱。皆稟春溫之氣。而可以生長萬物者。以此滋養脾土。元氣自生。不必防風。而風自無從中矣。試觀天道。大寒大熱。都能殺物。而陰涼亦不能生物。惟一種陽和溫煦之氣。能使萬彙榮昌。同此一理。故寒熱之劑。用以治病。中病即止。不可多服。即養血之藥。亦屬陰分。可以傷脾。况陽生則陰


長。亦未有專養血助陰。而陰血能生長者。故甘溫之劑。宜久服之。乃生長氣血之要物也。東垣先生特設補中益氣湯。以救萬世之疴羸。立齋先生闡揚而究析之。以開一時之聾瞶。功德均無量矣。余患指麻。醫家陳月坡以前湯加減為丸。而藥余服之。力勝于湯。此亦新法。余自少多病。弗

五子方
卷之三



能勝勞自服此丸覺勞而不病然則古人所製湯丸亦不可執膠柱之見也先生謂指麻乃脾氣不能周是確論惟脾氣不周而不加意調補以致虛而愈虛故忽有中風之症若認指因風而得麻而預餌祛風之藥以防之真所謂招風取中矣蓋搜風等丸多戕賊脾胃之藥斷不可輕餌凡人脾氣不傷雖病可療若脾氣一敗虛扁却走乾坤生意等書悞人不淺故非明理之儒醫書不可亂讀

一男子卒中口眼喎斜不能言語過風寒四肢拘急脉浮而緊此手足陽明經虛風寒所乘用秦芫升麻湯治之稍愈乃以補中益氣加山梔而痊若舌瘡不能言足痿不能行屬腎氣虛弱名曰痲症宜用地黃



飲子治之然此症皆繇將息失宜腎水不足而心火暴盛痰滯於胸也輕者自甦重者或死

要見此症痰滯於胸搃綠心火暴盛心火之盛搃綠腎水不足故能使真陰不虛必無是病

一男子體肥善飲舌本硬強語言不清口眼喎斜痰氣湧盛肢體不遂余以為脾虛

濕熱用六君子加煨葛根山梔神麴而痊此治法蓋為善飲之故惟善飲故致脾虛濕熱六君子所以健脾燥濕其加葛根神麴山梔蓋專治酒熱而然大約酒之為物少飲則通經壯氣甚益人多飲則助火生痰大傷人然舉盃忘懷誰能適可則止者凡人疾病因酒而成者甚多竊見多飲酒而少



食穀者每：不壽。蓋色之傷人也。易見而酒之中人也不知。斲色猶場。斲酒最難。明知其害而不能禁。吾儕其猶猩：也夫。葛根、葛花俱能解酒。然能散酒氣。六能散元氣。黃連、神麴能消酒積。然黃連大寒。神麴消血。亦不宜多服。王禎菴先生記治準繩載有解酒毒無如枝矩子之妙。一名枳

椹。一名木蜜。俗呼癩漢指頭。北人名曰爛瓜。江南謂之白后樹。杭州貨賣名蜜。屈立詩所謂南山有枸是也。樹形似白楊。其子著枝如小楮。長數寸。屈曲相連。春生秋熟。經霜後取食如錫美。以此木作屋柱。令一室之酒味皆淡薄。趙以德治酒人發熱。用枝矩子而愈。即此也。又曰此物蘓州亦有。




呼為蜜六曲。扁丘寺有市賣者。徽州最多。呼金鈎子。九月有之。余留意徧訪。尚未得見也。

知州韓廷儀先患風症。用疎風化痰養血之藥而痊。其腿膝骨內發熱作痛。服十味固本丸。天麻丸。益甚。兩尺脉數而無力。余以為腎水虛不能生肝木。虛火內動而作。非風邪所致也。不信。又眼羸活愈風丹之

類。四肢痿軟。遍身麻木。痰涎上湧。神思不清。余曰。皆脾氣虧損不能營養周身。不能攝涎歸源。又以八珍湯數劑。以助五藏生化之氣。而營養周身。而諸症漸愈。乃朝以補中益氣湯。培養脾肺。夕以六味地黃丸。滋補肝腎。如此三月餘而安。


吾師僉憲高如齋。自大同回。謂余曰。吾成風病矣。兩腿逸則痿軟而無力。勞則作痛。



如針刺脉洪數而有力余告之曰此肝腎
陰虛火盛而致痿軟無力真病之形作痛
如錐邪火之象也用壯水益腎之劑而愈
先生曰向寓官邸皆以為風恨無醫藥若
服風劑豈其然哉乃吾之幸也竊謂前症
往以為風疾輒用發散而促其危者多
矣

腎藏精而主骨故腎虛者則骨中熱或湧
泉穴或兩脛兩足內熱多患骨痿以致不
起屢足三陰虧損之虛熱耳滋其化源庶
可保其生也

余在官邸居恆日服藥一劑有疾即
止弗服人異之不知余所服者乃調
補之劑百無一失者也若遇有疾官
邸既少良醫已見未敢確信實虛
虛禍福反掌不如不服之為得策但



絕慾息勞。避風茹素。靜以聽之。爾已如高僉憲者。法當養陰血。倘於宦邸延醫。必快服風藥。豈不殆哉。余已酉夏應試南都。與姊丈吳太學公甫聯社課菽。見公甫步履微有不便。云苦腿痛。精神固無恙也。聽粗工之言。以為風濕。遂導服祛風燥濕之劑。形容日槁。八月間見咯血之疾。肌肉益削。至冬而歿。可見腿足酸疼。必力諸症。皆係腎病。非盡關風濕。腎病宜滋養。溫存。顛反服風藥。以涸之。寧不速其死。

風藥多燥。有凡列風者。之無陽則元氣受。是以及

培生刻耳

大尹劉孟春。素有痰。兩臂作麻。兩目流淚。服祛風化痰藥。痰愈甚。臂反痛。不能伸。手指俱攣。余曰。麻屬氣虛。因前藥而復傷肝。火盛而筋攣耳。况風自火出。當補脾肺。滋



腎水則風自息。熱自清。遂用六味地黃丸。補中益氣湯。不三月而痊。

養血則風自滅。順氣則痰自除。二語乃治風之綱領。先生所云風自火出。當補脾肺。滋腎水。則風自息。熱自退。痰自清。即養血滅風之意也。每見天道蘊熱至極。則大風隨之。故曰熱則生風。即風自火出之義。此風乃自內

生。非從外感也。人身若陰血充盛。熱何自生。熱且不生。風於何來。然則補中湯六味丸。孰謂非治風之聖藥乎。

一儒者素勤苦。惡風寒。鼻流清涕。寒禁嚏。噴。余曰。此脾肺氣虛。不能實腠理。彼不信。服祛風之藥。肢體麻倦。痰涎自出。殊類中風。余曰。此因風剽耗散元氣。陰火乘其上。位。遂以補中益氣加麥門五味治之。而愈。



惡風涕澆其症甚微一悞藥而遂得
顯中風之病藥可不慎與使不服藥
未必有此患余腠理最虛自幼畏
風寒一觸涕澆隨至甚則發熱汗
津不止少季不知醫理謂必先散
其風而後服參耆以實之豈知愈散
愈虛外感益易故雖嘗服參芪未見
奏效四十歲以後方悟此理遂以補

中湯為嘗服之劑如有外感禁不發
表亦不服補中湯第避風茹素以守
之自是前症漸可而神氣覺旺乃知
腠理虛豁之人即有感冒斷不可表
散者非徒體麻痰出更當防止陽與
勞嗽腠理虛為陽虛為表虛為衛
虛人身中清陽之氣上升達表所以
固皮毛而實腠理謂之衛氣衛氣象



天。天地外一氣之所攝持。猶衛氣包護一身。而使內者不出。外者不入。故衛得其養。則陽氣自覺嘗充。汗少表實。邪自不能中。內經云。陽密乃固。陽密即腠理密矣。此氣蓋本于胃。而主于肺。故胃充即衛充。肺虛即衛虛。補中湯以甘溫養胃。中生發之元氣。以升柴提下陷之清陽。清陽上升。衛氣

自實。汗不斂而自固矣。又謂脾氣一虛。肺氣先絕。汗乃大泄。故先以參朮壯其脾。使土王金生。腠理自密。而汗乃戢。蓋養胃助脾。即所以補肺之母。而充固衛氣。無他法也。若陽氣虛甚。而津脫不止者。前湯不能取效。須加桂枝。更甚則加熟附子。以回其陽。陽回。衛氣斯復矣。要知畏風多汗。易於



感冒等症。搃皆陽氣不足所致也。

外舅年六十餘。素善飲。兩臂作痛。恪服祛風治痰之藥。更加麻木發熱。體軟痰湧。腿膝拘痛。口噤語澁。頭目暈重。口角流涎。身如蠱行。搔起白屑。始信謂余曰何也。余曰臂麻體軟。脾無用也。痰涎自出。脾不能攝也。口斜語澁。脾氣傷也。頭目暈重。脾氣不能升也。痒起白屑。脾氣不能營也。遂用補

中益氣加神麴半夏茯苓三十餘劑。諸症悉退。又用參朮煎膏治之而愈。

凡臂痛指麻等症。粗工無不以風治者。至於口斜語澁痰湧。更無不確信以為風矣。先生獨推本于脾。而必以補脾之劑奏效。斯真元之本之論。不可為粗工道者。參朮膏補脾之功。最擅。余長兒寅錫嘗為余言。幼不




能噉食大服白朮膏每日多至二三
杯自後遂能噉物久病幸存得力于
此

秀才劉允功形體魁偉不慎酒色因勞怒
頭暈仆地痰涎上湧手足麻痺口乾引飲
六脉洪數而虛余以為腎經虧損不能納
氣歸源而頭暈不能攝水歸源而為痰陽
氣熇熱而麻痺虛火上炎而作渴用補中

益氣合六味丸料治之而愈其後或勞後
或入房其病即作用前藥隨愈

凡人形體壯偉不慎酒色多有卒中
之症而每得之於勞怒蓋勞則元氣
損虛而虛火暴熾怒屬肝木經云歲
木太過風氣流行風木一類故怒則
肝火熾而風即隨之也怒之傷人
也最甚肝火熾則血損肝火炎則氣



逆陰氣填滿胸臆遇食即不消化覺
一身氣血俱失其當至於害事忤人
又其外者故易稱懲忿然忿之發也
最為難制非可以強忍余謂欲講懲
忿之方先在恢其識量濬其靈源而
後可世緣原屬幻境安在有必宜怒
必不宜怒之定形槩在當人之識見
見以為當怒即怒矣見以為不當怒

即不怒矣苟靈源透徹識量恢廣方
且休有容等為虛舟飄瓦安有觸
之而遽怒者故曰聖人無怒橫逆之
來方思自反卒付之何難又安能滓
穢太清彼域醜雞井蛙之見者即欲
懲忿烏得而懲諸是以養身先在養
心馮開之先生暮年習御女之術
姬妾不離左右一日忽有拂意事大



怒即卒中以亡此亦一証也

憲幕顧斐齋飲食起居失宜左半身并手不遂汗出神昏痰涎上湧王竹西用參芪大補之劑汗止而神思漸清頗能步履後不守禁左腿自膝至足腫脹甚大重墜如石痛不能忍其痰甚多肝脾腎脉洪大而數重按則軟濡余朝用補中益氣加黃栢知母麥門五味煎送地黃丸晚用地黃丸

料加黃栢知母數劑諸症悉退但自弛禁不能全愈耳

愚按前症若因腎虛陰火而肝燥者宜用六味地黃丸生腎水滋肝血若因怒動肝火而血耗者用四物加紫桅丹皮茯苓以清肝火生肝血若因脾經鬱結而血耗者用歸脾四物二湯以補脾氣生肝血若脾氣虛而痰滯者用二陳加白朮紫胡健脾



氣以化痰。若因脾虛濕而風痰不利者。用
二陳加南星蒼朮防風。膠濕以化痰。脾經
濕而為痰者。用二陳加白朮防風。脾氣鬱
而滯者。用歸脾湯加柴胡半夏。腎經敗液
而為痰者。用六味丸。

先生素禁用黃柏知母。以其傷胃。而
此獨用之。豈以足腫重墜。非此不能
除。脈洪大而數。內真有熱耶。然仍以

補中湯為主。而佐以此二味。則所重
原有在。及用六味丸料。加此二味。亦
止服數劑。而即止。不敢久用也。先生
嘗自云。每看書勞倦。則足內微作疼。
治用補中湯加黃柏少許。又攷方書
云。生脈散加黃芪甘草。更加炒黃柏
少許。兩足氣力湧出。豈知母黃柏獨
宜於足疾耶。



庠生陳時用素勤苦因勞怒口斜痰盛脉滑數而虛此勞傷中風怒動肝火用補中益氣加山梔茯苓半夏桔梗數劑而愈

補中湯加半夏茯苓皆治脾胃補中氣之藥惟山梔佐治肝火用桔梗者想因痰壅以此少疏通之耳若時醫治口斜痰盛之症必主祛風化痰一意用南星竹瀝秦艽防風天麻蒺藜

等藥今先生所用全不相同而專主于補中少佐以治火疏氣一二味見解超出尋常萬：先生以此收功則世醫以彼殺人者不知若干命矣可嘆

錦衣楊永興形體豐厚筋骨軟痛痰盛作渴喜飲冷水或用愈風湯天麻丸等藥痰熱益甚服牛黃清心丸更加肢體麻痺余



以為脾腎俱虛用補中益氣湯加減八味丸三月餘而痊已後連生七子壽踰七旬外科精要云凡人久服加減八味丸必肥健而多子信哉

脾腎陰虛故火發于外而痰熱作渴飲冷脾腎治則火自歸源而痰渴自除矣治風則脾腎愈虧病乃益甚中風不宣服牛黃丸此亦其一証也加

減八味丸即六味而加肉桂五味子者主方能治發熱作渴蓋加肉桂五味子二種便有轉運生津之力此丸較之六味丸功效更大養生家所宜久服者

先母七十有五遍身作痛筋骨尤甚不能伸屈口乾目赤頭暈痰壅胸膈不利小便短赤夜間殊甚遍身作痺如蟲行用六味



地黃丸料加山梔柴胡治之諸症悉愈
肝腎陰氣不足故發諸火症及遍身
痛痺以地黃丸養其陰而以山梔柴
胡瀉其肝火和其筋骨則諸症退矣
若使時師治此症只山梔一味亦所
同用談及熟地黃必且謂痰壅胸膈
不利方將治以橘紅貝母天花粉祇
殼等藥而尚可服滯膩之物以助痰

痰孰知治病貴窮其本要知痰因火
動補其陰則火降而痰自消若專治
其痰痰未能消而元氣先傷矣人如
脾胃氣虛而飲食難消必以參朮為
主治而少佐以消導初服覺迷悶
後必得漸瘳若專治其食愈尅愈虛
而食愈不消矣故夫見病治病時師
所以大謬也




一男子時瘡愈後遍身作痛服愈風丹半身不遂痰涎上湧夜間痛甚余作風客淫氣治以地黃丸而愈

瘡後身痛而服愈風丹非其治矣蓋誤認為風故服斯藥豈知服斯藥而反得中風之症耶益信風病不宜輕服風藥先生治以地黃丸蓋血足則風自滅之意也

一老人兩臂不遂語言蹇澁服祛風之藥筋攣骨痛此風藥虧損肝血益增其病也余用八珍湯補其氣血用地黃丸補其腎水佐以愈風丸而愈

祛風之藥必燥單服即能害人先生以八珍湯地黃丸佐之便可奏效如謂風病必不可服風藥又拘泥矣

一婦人因怒吐痰胸滿作痛服四物二陳




不遂筋漸攣縮四肢痿軟日晡益甚內熱
口乾形體倦怠余以為鬱怒傷脾肝氣血
復損而然遂用逍遙散補中益氣湯六味
地黃丸調治喜其謹疾年餘悉愈形體康
健

逍遙散以理肝補中湯以補脾六味
丸以滋腎而之三陰皆治矣

一婦人脾胃虛弱飲食素少忽痰湧氣喘
頭搖目劓手揚足攣難以候脉視其面色
黃中見青此肝木乘脾土用六君加柴胡
升麻治之而愈更以補中益氣加半夏調
理而痊

時師遇此症必作中風治若問以參
朮必惕然駭矣先生初劑不用補中
湯蓋以歸芪太補恐稍凝滯耳子



姊丈周公美一日忽神呆目怒頃之
痰湧手揚足擲有類中風不服藥次
日自愈其非中風可知

一婦人懷抱鬱結筋攣骨痛喉間似有一
核服烏藥順氣散等藥口眼歪斜臂難伸
舉痰涎愈甚內熱晡熱食少體倦余以為
鬱火傷脾血燥生風所致用加味歸脾湯
二十餘劑形體漸健飲食漸加又服加味

逍遙散十餘劑痰熱少退喉核少利更用
升陽益胃湯數劑諸症漸愈但臂不能伸
此肝經血少用地黃丸而愈

一產婦筋攣臂軟肌肉掣動此氣血俱虛
而有熱用十全大補湯而痊其後因怒而
復作用加味逍遙散而愈

一產婦两手麻木服愈風丹天麻丸遍身
皆麻神思倦怠晡熱作渴自汗盜汗此氣



血俱虛用十全大補加炮薑數劑諸症悉
退却去炮薑又數劑而愈但有內熱用加
味逍遙散數劑而痊

鬱火傷脾鬱怒亦傷肝、傷即血燥
血燥即生風故多怒易得中風蓋肝
主東方風木動肝即動風廣識平情
是養生最要着也歸脾治脾開鬱逍
遙散治肝疎鬱而十全六味等藥則

以益其氣血全不用風藥所以為奇
臂軟手麻肌肉蠕動方書皆指為風
粗工便欲藥以愈風丹之類先生獨
主氣血虛熱並不治其風此論高出
等夷普救天枉予四十五六歲時忽
患手指臥醒而麻及肌肉蠕動頗深
憂其為風之兆因遵先生之遺教專
補氣血不復祛風今十有五年矣雖

風外分至

火動在中

水固於內


肝家自麻

因以生風

形多手麻

福壽務善

因



此症乍發乍止而不罹大害則先生
之言足徵矣 指麻之症天寒則發
天煖則稀明是氣虛不充非關風也
一男子善飲舌本強硬語言不清余曰此
脾虛濕熱當用補中益氣加神麴麥芽乾
葛澤瀉治之


時師治此症之擬中風先生獨以為
脾虛濕熱非精於脉理恐不能辨乾

葛神麴治酒澤瀉滲濕以佐補中湯

真治飲酒者之妙劑也

一婦人善怒舌本強手臂麻余曰舌本屬
土被木尅制故耳當用六君加柴胡芍藥
治之

一男子舌下牽強手大指次指不仁或大
便秘結或皮膚赤暈余曰大腸之脉散舌
下牽強~~燥~~大腸血虛風熱當用逍遙散加



槐角秦芫治之

一男子足痿軟日晡熱余曰此足三陰虛
當用六味滋腎二九補之

知拓沙力之方因桂子

先生治足三陰虛多用補中湯六味
九蕪服以滋化源此獨用滋腎九以
佐六味滋腎九乃苦寒之藥意病者
虛而有熱脾胃未損故以此治之耳
讀者詳之

一婦人腿足無力勞則倦怠余曰四肢者
土也此屬脾虛當用補中益氣及還少丹
主之俱不從余言各執搜風天麻二九并
愈風丹而殞

天麻生條守子蘇字仲文元活子音响不
能化耳 生必可 補虛多勿拘性三可

還少丹先生亦不多用此丹補而煖
與八味丸補火生土之義同豈婦人
不宜於八味耶此症全非風類而
確服風藥殊不可解脾虛而服搜風



九不須何待

附痰症痺症

愚按丹溪先生云痰病之原。有因熱而生。痰者亦有因痰而生。熱者有因風寒暑濕而得者。有因氣而得者。有因食積而得者。有脾虛不能運化而生者。若熱病則多煩熱。風痰多成癰瘰奇症。冷痰多成骨痺。濕痰多怠惰軟弱。驚痰多成癱塊痞滿。其為

症種。難名。竊謂前症若因腎水虛弱。陰虧難降。使邪水下溢。故多痰唾。宜滋其化源。其痰自消。若因肝木侮脾土而風痰壅滯者。先用南星半夏清其痰。後用六君子之類調胃氣。痰自不生。若槩用藥耗其陽氣而絕陰血之源。適足以成其風。益其病也。

冢宰劉紫岩因勞下體軟痛發熱痰盛用



清燥湯入竹瀝薑汁服之。熱痛減半。再劑而全愈。

陶天爵妾媵素多。時患頭暈痰甚。勞則肢體痿軟。筋骨作痛。殊顛風症。余以為腎虛不能納氣。歸源用加減八味丸。而痊。後因房勞。氣惱頭暈。項強耳下作痛。此肝火之症。仍用前藥。滋腎水生肝血。制風火。而愈。若人氣高而喘。身熱而煩。或揚手擲足。口

中痰甚者。屬中氣虛弱。而變症也。宜用補中益氣湯。若人形怯氣弱。畏惡風寒。或肢體蹇攣。而痰上湧者。屬脾氣虛弱。而不能攝涎也。宜用六君子湯。若夫口角涎流者。屬脾氣虛寒。而不能主涎也。用張氏溫脾散。如不應。急用六君子。加附子。若因命門火衰。不能生脾土者。急用八味丸。若人素腎虛發熱。或腎虛有痰者。兼以六味丸料。



若人素陽虛惡寒或腎虛有痰者兼以八味丸料

一儒者脾腎素虛而有痰或用導痰之法痰甚作渴頭暈煩熱余謂中氣虛弱而變症用補中益氣湯而愈後勞役發熱頭暈此氣虛不能上升也用前湯加蔓荊子而愈後又勞神畏見風寒四肢逆冷口沃痰涎今以為脾氣虛寒之真病以六君子加

炮薑肉桂而愈

一男子素腎虛而咳嗽亦用導痰之法虛症悉具痰涎上湧小便頻數余謂是三陰虛而復損也朝用補養脾氣湯培養脾肺之氣夕用六味丸加五味子收斂耗散之精而愈

愚按經云風寒濕三氣雜至合而為痺風氣勝者為行痺寒氣勝者為痛痺濕氣勝




者為著痺。丹溪先生云：大率因血虛受熱，其血已自沸騰，或加以涉水寒濕，熱血得寒污濁凝滯，不得運行，所以作痛。治以辛溫，佐以辛涼，流散寒濕，開通鬱結，血行氣順，無有不安。若因足三陰虧損，當補元氣為主。

愚按：前症江南之人所致者，多屬陰虛氣虛、濕熱相火，其癱瘓痿軟多屬手足陽明。

等經陰虛濕熱治者審之。





國家圖書館, NATIONAL CENTRAL LIBRARY, TAIWAN, R.O.C




國家圖書館 NATIONAL CENTRAL LIBRARY, TAIWAN, R.O.C





INDIAN NATIONAL CENTRAL LIBRARY, THIRUVARUR



820917E x 7

INTERNATIONAL

國立中央圖書館數位化影像製作中心




國立中央圖書館 NATIONAL CENTRAL LIBRARY, TAIWAN, R.O.C



飲食勞倦，虧損元氣等症二
進士王汝和因勞役失於調養，忽然昏憤，
母元氣虛火妄動，挾痰而作，急令灌童便，
神思漸爽，更用參芪各五錢，芎歸各三錢，
玄參、紫胡、山梔、炙草各一錢，服之稍定，察
其形倦甚，又以十全大補湯加五味、麥門，
治之而安。凡人元氣素弱，或因起居失宜，
或因飲食勞倦，或因用心太過，致遺精白



國立中央圖書館藏




濁自汗盜汗或內熱晡熱潮熱發熱或口
乾作渴喉痛舌裂或胸乳脹脇肋作痛
或頭頸時痛眩暈目花或心神不寧寤而
不寐或小便赤澁莖中作痛或便溺餘滴
臍腹陰冷或形容不充肢體畏寒或鼻氣
急促或更有一切熱症皆是無根虛火但
眼前湯圓其根本諸症自息若攻其風熱
則誤矣

忽然昏墮庸醫必作中風治則誤矣
先灌童便次用補氣之藥而佐以降
火後復大補其氣血兼涼其肺治法
最妙子從弟履中一日忽昏暈痰
升遺溺眼斜視逾時不醒醫者金尚
明亦灌以童便而甦俗遇此病輒灌
以薑湯及牛黃丸殊未見有益死者
多矣先生論元氣素弱之人所患



諸雜症皆是無根虛火皆以十全湯
固其根本發前人所未發救世俗之
天枉功莫大焉今時師不知道守每
每見病治病攻剋襍施多致害人如
所述遺精白濁等種：症候予也生
平經犯其半少幸不知醫屢致悞藥
增病比守先生之教得延此餘生讀
者幸毋忽諸

光祿高署丞脾胃素虛因飲食勞倦胸膈痛
喘汗吐瀉頻：時或昏憤脉大而無倫余
用六君子加炮薑四劑而安但怠倦少食
口乾發熱六脉浮數欲用瀉火之藥余曰
不時發熱是無火也脉浮大是血虛也脉
虛浮是氣虛也此因胃虛五臟虧損虛症
發見服補胃之劑諸症悉退



大黃乃將軍之劑。須審而用人脾胃
壯實。偶有大積滯。方可用之。脾胃素
虛。即有停滯。豈堪用此。先大夫老年
苦瘍。悞服大黃。致氣血損耗。肌肉瘦
削。竟致不起。余姊夫陸九芝。比部年
方強仕。而酒色過度。血氣亦虛。因患
痢。服大黃。盪之。後痢雖愈。而精神頓
減。肌肉亦削。百藥不效。延二三年而

殘。余甥孫陸文學。少年患痢。亦用
大黃太過。而遂不救。此皆目所親觀
者。是可畏也。五臟皆稟氣于胃。一
虛則五臟皆虛。故人無胃脈。則死胃
氣不可不慎。養消導寒涼之物。皆能
傷胃。服食者不可忽也。壯熱是火。
不時發熱。是無火。真火衰而浮火不
歸源。故反致發熱。六君子加炮薑



其功方大


大尹徐克明因飲食失宜口晡發熱口乾
體倦小便赤澹兩腿酸痛余用補中益氣
湯治之彼知醫自用四物黃栢知母之劑
反頭眩日赤耳鳴唇燥寒熱痰湧大便秘
痛小便赤澹又用四物芩連枳實之類胸
膈痞滿飲食少思汗出如水再用二陳芩
連黃栢知母麥門五味言語謔妄兩手舉

拂屢治反甚復求余用參芪各五錢歸朮
各三錢遠志茯神酸棗仁炙草各一錢服
之熟睡良久四劑稍安又用八珍湯調補
而愈夫陰虛乃脾虛也脾為至陰因脾虛
而致前症蓋脾稟於胃故用甘溫之劑以
生發胃中元氣而除大熱胡乃反用苦寒
復傷脾血耶若前症果屬腎經陰虛亦因
腎經陽虛不能生陰耳經云無陽則陰無



以生。無陰則陽無以化。又云虛則補其母。常用補中益氣六味地黃以補其母。尤不常用苦寒之藥。世以脾虛誤為腎虛。輒用黃柏知母之類。反傷胃中生氣。害人多矣。大凡足三陰虛。多因飲食勞役。以致腎不能生肝。木不能生火。而害脾土。不能滋化。但補脾土。則金旺水生。木得子而自相生矣。

世人但知陰陽為對待之物。陰虛則服涼藥以補陰。陽虛則服煖藥以補陽。又每指陰虛為腎虛。故多用地黃黃柏等類。百治不效。悞人滋多。先生以足三陰虛為陰虛。而歸重于脾。為至陰當補其母。脾土既補。則金旺水生。而木自平。此論創千古之未發。救世之功大矣。



一男子每遇勞後食少胸痞發熱頭痛
瘁作渴脉浮大余曰此脾胃血虛病也脾
虛土為至陰而生血故曰陰虛彼不信服
二陳黃連枳實厚朴之類諸症益甚又服
四物黃芩知母麥門更腹痛作嘔脉洪數
而無倫次余先用六君加炮薑痛嘔漸愈
又用補中益氣全痊

既云脾胃血虛而用六君炮薑不惟

全無補血之藥且有半夏燥血何耶
蓋以用藥太悞脾氣亦傷故先以此
理之而隨用益氣以生之耳

秀才劉貫卿勞役失宜飲食失節肢體倦
急發熱作渴頭痛惡寒誤用人參敗毒散
症喘昏憤揚手擲足胸間發癍如蚊所咬
余用補中益氣加薑桂麥門五味補之而
愈



此內傷作外感治，不死者幾希。非薑
桂，即益氣湯，不能取效。

黃芪、蓮、飲食勞倦，發熱惡寒，或用解表之
藥，至甚，再劑昏憤，胞發黑痧，脈洪數而無
力，余欲用補中益氣之劑，不從而歿。

悞與前條相同，而又不聽先生之言，
不死何待。此等症候，人每悞認為
外感，而以解表害人者甚多，然非精

於脈理，不易辨。予凡旅居，患發熱拘
束等症，恐為醫悞，已不能脈，亦難自
決。每禁不服藥，茹素啖粥，靜以守
之而已。數日後便徐，得愈。此客游
之良方，予已試之，或效也。

一儒者素勤苦，因飲食失節，大便下血，或
赤或黯，半載之後，非便血則盜汗，非惡寒
則發熱，血汗二藥用之無效。六脈浮大，心



脾則瀆。此思傷心脾。不能攝血歸源。然血
即汗。即血。其色赤黯。便血盜汗。皆火之
升降微甚耳。惡寒發熱。氣血俱虛也。乃午
前用補中益氣。以補脾肺之源。舉下陷之
氣。午後用歸脾。加麥門五味。以補心脾之
血。收耗散之液。不兩月而諸症悉愈。
癸卯春。人曰。余在下堡。顧氏會間有儒者
梅村。云舍親馬生者。發熱煩渴。時或頭痛。

昨服發散藥。反加喘急腹痛。其汗如水。晝
夜譫語。余意此勞傷元氣。誤汗所致。其腹
必喜手按。許往詢之。果然。遂與十全大補。
加附子一錢服之。熟睡喚而不醒。舉家驚
惶。及覺。諸症頓退。再劑而痊。凡人飲食勞
後。起居失宜。見一切火症。悉屬內真寒。而
外假熱。故肚腹喜煖。口畏冷物。此乃形氣
病氣俱屬不足。法當純補元氣為善。




此千古格言。症似外感。世人莫辨。而以腹喜暖。口畏冷。二者別之。可為良法。

一男子飲食勞倦而發寒熱。右手麻木。或誤以為疔毒。敷服皆寒涼敗毒。腫脹重墜。面色痿黃。肢體倦怠。六脉浮大。按之如無。此脾胃之氣虛也。詢之果是。銷銀匠因熟手入水。梅銀寒凝隧道。前藥益傷元氣。故耳。遂用補中益氣。及溫和之藥煎湯漬手而愈。

一儒者脩左足。傷其大指甲少許。不見血。不作痛。形體如故。後因飲食勞倦。足重墜。微腫痛。或晝睡。或夜寐。其足如故。誤服敗毒之劑。寒熱腫痛。蓋脾起於足大筋。此是脾氣虛弱下陷。用十全大補湯而愈。


慎服寒涼敗毒之劑。必須溫補乃可。



救之

余素性愛坐觀書久則倦怠必服補中益氣加麥門五味酒炒黑黃栢少許方覺精神清妥否則夜間少寐足內酸熱若再良久不寐腿內亦然且兼腿內筋似有抽縮意致兩腿左右頻移展轉不安必至倦極方寐此勞傷元氣陰火乘虛下注丁酉五十一歲齒縫中有如物塞作脹不安甚則

口舌如有瘡然日晡益甚若睡良久或服前藥始安至辛丑時五十有五晝間齒縫中作脹服補中益氣一劑夜間得寐至壬寅有內艱之變日間雖服前劑夜間齒縫亦脹每至午前諸齒并妝體方得稍健午後仍脹觀此可知血氣日衰治法不同




脾胃虧損心腹作痛等症二

唐儀部胸內作痛月餘腹亦痛左關弦長
右關弦緊此脾虛肝邪所乘以補中益氣
加半夏木香二劑而愈又用六君子湯二
劑而安此面色黃中見青

儀部李柱川嘗患腹痛每治以補中益氣
加山梔即愈一日因怒氣肚腹作痛胸脇
作脹嘔吐不食肝脉弦緊此脾氣虛弱肝

國立中央圖書館
NATIONAL CENTRAL LIBRARY, TAIWAN, R.O.C.



火所乘仍用前湯吞左金丸一服而愈此
面色黃中見青兼赤

時師咸謂痛無補法誰敢以補中湯
治腹痛者自非洞垣如先生人亦誰
敢信服乎加半夏木香及山梔則補
而不壅的妙手木本尅土土衰則
木自勝而乘之故脾病多受肝累而
然然須審黃乃脾色青乃肝色黃中

見青乃為木乘土兼赤則是木又生
火矣故用山梔以清之

愚按腹痛若脾胃虛弱飲食不化或間腹
中作痛用六君子湯若飲食過多停滯未
化或兼腹痛用人參養胃湯若飲食既化
脾胃復傷或兼腹中作痛用六君子加當
歸若胃中有熱心腹中脘作痛嘔吐用二
陳湯加黃連山梔若脾胃虛弱少食心腹



作痛用六君子湯脾胃虛寒亦用前湯加
炮薑大凡腹滿痛按之不痛為虛痛者為
實餘當臨症制宜
一婦人心腹痛諸藥不應余用炒黑山梔
桔梗治之而愈

太守朱陽山因怒腹痛作瀉或兩脇作脹
或胸乳作痛或寒熱往來或小便不利飲
食不入嘔吐痰涎神思不清此肝木乘脾

土用小柴胡加山梔炮薑茯苓陳皮製黃

連一劑即愈製黃連陳黃連吳茱萸等分
用熱水拌濕卷二三日同炒


集取連用
後游此

陽山之內素善怒胸膈不利吐痰甚多吞
酸愛腐飲食少思手足發熱十餘年矣所
服非苓連枳實必換蘓厚朴左關弦洪右
關弦數此屬肝火血燥木乘土位朝用六
味地黃丸以滋養肝木夕用六君加當歸



芍藥以調補脾土不月而愈癸卯夏患背
疽疔屬虐寒用大溫補之藥而愈乙巳夏
因大怒吞酸噉腐胸腹脹滿余以他徃旬
日或用二陳石膏治之吐涎如湧外熱如
灼將用滾痰丸下之余到診之脉洪大按
之如無余曰此乃脾胃虧損而發熱脾弱
而涎泛出也余用六君加薑桂一鍾即睡
覺而諸疔如失又數劑而康

儒者沈尼文內停飲食外感風寒頭痛發
熱心腹痛就治散止余用人參養胃加芎
芷麩藥香附桔梗一劑而愈次日抵家前
病仍作腹痛甚請治腹喜手按痛即止此
脾氣虛弱客寒乘之而作是內虛寒而外
假熱也乃以香砂六君加木香炮薑服之
睡覺痛減六七去二香再服飲食少進又
加黃芪當歸少佐升麻而愈



人參養胃湯內有厚朴草菓而加以
麴蘖芎芷等此先生罕用忌用之藥
蓋以外感寒內停食不得不用此一
劑以疎邪消食耳再劑即用六君子
則先生助正祛邪本意也

府庠徐道夫母胃脘當心痛劇右寸關俱
無左雖有微而似絕手足厥冷病勢危篤
察其色眼胞上下青黯此脾虛肝木所勝
用參朮茯苓陳皮甘草補其中氣用水香
和胃氣以行肝氣用吳茱萸散脾胃之寒
止心腹之痛急與一劑俟滾先服煎熟再
進諸病悉愈向使泥于痛無補法而反用
攻伐之藥禍不旋踵

一婦人懷抱鬱結不時心腹作痛年餘不
愈諸藥不應余用歸脾加炒山梔而愈

前症補劑中加木香吳茱萸而寒痛



遂止後忘補劑中有木香山梔而鬱
火遂散如此卓識信非人可及

脾腎虛寒陽氣脫陷等症 四

譚侍御但頭痛即吐清水不拘冬夏吃薑
便止已三年矣余作中氣虛寒用六君加
當歸黃芪木香炮薑而瘳

一儒者四時極喜熱飲食或吞酸變腐或
大便不實足指縫濕痒此脾氣虛寒下陷
用六君加薑桂治之而愈將理稍為失宜
諸症仍作用前藥更加附子錢許數劑不

國立中央圖書館 國家圖書館 國家圖書館 國家圖書館



再發

脾氣好煖故六君加木香炮薑為先
生嘗用取效之藥 予生平亦喜熱
飲食若稍冷即不易消化食生冷脾
即不佳亦屬虛寒症故補中六君子
二湯十日五服者幸殘喘得延皆遵
先生教也

一男子形體倦怠飲食適可足指縫濕痒

行坐久則重墜此脾胃氣虛而下陷用補
中益氣加茯苓半夏而愈

此症止虛而少寒候故不用煖藥止
用平劑

一男子食少胸滿手足逆冷飲食畏寒發
熱吐痰時欲作嘔自用清氣化痰及二陳
枳實之類胸腹膨脹嘔吐痰食小便淋瀝
又用四物苓連栝知母車前小便不利諸病



益甚。余曰：此脾胃虛寒無火之症。故食入不消而反出。遂用八味丸補火以生土。用補中益氣加薑桂培養中宮。生發陽氣。尋愈。

一男子每勞肢體時痛。或用清痰理氣之劑。不勞嘗痛。加以導濕。臂痛湯腫。形體倦怠。內熱盜汗。脉浮大。按之微細。此陽氣虛寒。用補中益氣加附子一錢。人參五錢。腫痛悉愈。又以十全大補百餘劑而康。彼計服過人參一十三斤。薑附各斤餘。

遇勞體痛而清氣化痰。謬甚矣。然稍知醫者亦必指為血少。况內熱盜汗。必認作陰虛。非先生脈理精妙。誰識其為陽虛。而以附子療之。茲見病治。病害人多矣。

大雅云：家母年四十有二。嘉靖壬寅七月。



患脾虛中滿痰嗽發熱又因濕麵冷茶吞
酸嘔吐絕食誤服苓連青皮等物益加寒
熱口乾流涎不收且作渴聞食則嘔數日
矣迺先生視之曰脾主涎此脾虛不能約
制故涎自出也欲用人參安胃散惑於衆
論以胃經實火宿食治之病日增劇忽思
冬瓜食如指甲一塊頓發嘔吐酸水不止
仍眼前藥愈劇復邀先生視之則神脫脉

絕瀕死矣惟目睛尚動先生曰寒滯於內
治以辛熱然藥不能下矣急用鹽艾附子
炒熱熨臍腹以散寒回陽又以口氣補接
母口之氣又以附子作餅熱貼臍間時許
神氣少甦以參朮附子為末仍以是藥加
陳皮煎膏為丸如粟米大入五七粒於口
隨津液嚥下即不嘔二日後加至十餘粒
諸病少退其涎不止五日後漸服煎劑一



二匙胃氣少復乃思粥飲後按以參朮等藥溫補脾胃五十餘劑而愈大雅敢述病狀之竒用藥之神求附卷末一以見感恩之意一以示後之患者當取法於此云爾
府學晚生長洲鑊潭沈大雅頓首拜書

彙輯薛氏內科醫案卷上終

評註薛氏醫案卷中

古吳薛 巳立齋著

攜李黃承吳履素評輯

命門火衰不能生土等症 五

廷評張汝翰胸膈作痞飲食難化服枳朮丸久而形體消瘦發熱口乾脉浮大而微用補中益氣加薑桂諸症悉退惟見脾胃虛寒遂用八味丸補命門火不月而飲食



二匙胃氣少復乃思粥飲後按以參朮等藥溫補脾胃五十餘劑而愈大雅敢述病狀之竒用藥之神求附卷末一以見感恩之意一以示後之患者當取法於此云爾
府學晚生長洲鑊潭沈大雅頓首拜書

彙輯薛氏內科醫案卷上終

評註薛氏醫案卷中

古吳薛 巳立齋著

攜李黃承吳履素評輯

命門火衰不能生土等症 五

廷評張汝翰胸膈作痞飲食難化服枳朮丸久而形體消瘦發熱口乾脉浮大而微用補中益氣加薑桂諸症悉退惟見脾胃虛寒遂用八味丸補命門火不月而飲食



用八味丸

予少年亦患飲食難化胸中時痞之症簡方書極言枳木丸之妙因服之彌月脾氣大傷溏泄不止幾成劇症蓋枳實峻厲雖二兩之木不足以敵一兩之枳也後大服補脾胃之藥得痊補中湯八味丸所不時嘗服者至今脾氣不耐饑飽猶此丸之貽害也

進三月而形體充此症若不用前丸多變腹脹喘促腿足浮腫小便淋瀝等症急用濟生加減腎氣丸亦有得生者按經云脾胃消化之器薰蒸腐熟五穀者也若飲食自倍腸胃乃傷則不能運化其精微而嘔氣吞酸脹滿痞悶之症作矣故用枳木丸消之若脾胃虛弱者宜用四君子湯脾胃虛寒者宜用四君子加炮薑命門火衰者



故方書所言不可盡信。盡信書則不
如無書。旨哉言也。

一儒者雖盛暑喜燃火。四肢嘗欲沸湯漬
之。而面赤吐痰。又似實火。吐甚宿食亦出。
惟食枳薑之物方快。余謂食之反出。乃脾
胃虛寒。用八味丸及十全大補。加炮薑漸
愈。不月平復。

面赤吐痰。乃是虛火。予嘗病此。知之。

一婦人飲食無過碗許。非大便不實。必吞
酸。酸腐。或用二陳黃連。更加內熱。作嘔。余
謂東垣先生云。邪熱不殺穀。此脾胃虛弱。
未傳寒中。以六君加炮薑。木香。藳劑。胃氣
漸復。飲食漸進。又以補中益氣。加薑木香。
茯苓。半夏。藳劑。全愈。後怒。飲食頓少。元氣
頓怯。更加發熱。脈洪大。而虛。兩尺如無用。
益氣湯。八味丸。兩月餘。諸症悉愈。

薛氏醫案 卷中
三
佐云向因失足，劃然有聲，坐立久則左足麻木，雖夏日足寒如水。嘉靖己亥夏月因醉睡覺，而飲水復睡，遂覺右腹痛結，以手摩之，腹間漉漉有聲，熱摩則氣泄而止。每加劇，飲食稍多，則作痛瀉，求治於醫，令服枳朮丸，固守勿效。甲辰歲，求治於立齋先生，診之喟然嘆曰：此非脾胃病，乃命門火衰，不能生土，虛寒使之然也。若專主脾胃，誤矣。可服八味丸，則愈。予亦敬服，果驗。蓋八味有附子，醫家罔敢輕用。夫附子斬關奪旗，回生起死，非良將莫能用。立齋先生，今之武侯也。家貧不能報德，姑序此以識治驗。嘉靖甲辰，十二月望後二日，杉墩介菴朱佐頓首拜書。

光祿鄺子涇，面白神勞，食少難化，所服皆二陳山梔枳實之類，形體日瘦，飲食日減。



余謂此脾胃虛寒之症法當補土之母彼不信乃徑補土以致不起
羅工部仲夏腹惡寒而外惡熱鼻吸氣而腹覺冷體畏風而惡寒脈大而虛微每次進熱粥甌許必兼食生薑甌許若粥離火食腹內即冷余曰熱之不熱是無火也當用八味丸壯火之源以消陰翳彼反服四物玄參之類而歿

工部陳禪林發熱有痰服二陳黃連枳殼之類病益甚甲辰季冬請治其脈左尺微細右關浮大重按微弱余曰此命門火衰不能生土而脾病當補火以生土或可愈也不悟仍服前藥脾土愈弱至乙巳閏正月病已革復邀治右寸脈平脫此土不能生金生氣絕於內矣辭不治經云虛則補其母實則瀉其子凡病在子當補其母况




病在母而屬不足。反瀉其子。不死何俟。

陳工部發熱有痰。而服黃連枳殼等。猶曰見病治病。羅工部明。寒症而服四物玄參之類。以殞。要知縉紳家。不惟知醫者少。即識藥性者亦少。以性命付之庸醫之手。悲夫。立齋先生曾言。予嘗病脾胃。服補劑及針灸。悍俞等穴。不應。幾殆。吾鄉盧丹谷。

予服八味丸。飲食果進。三料而平。然則先生亦有所受之。而親試得效者也。

許學士云。有人全不進食。服補脾藥不效。予授二神丸。服之。頓能進食。蓋治法虛則補其母。不能食者。戊己虛也。火乃土之母。故以破故紙補腎為。癸水。以肉豆蔻厚腸胃。為戊土。戊癸。




化火同為補土母之藥。再加木香以順其氣。使之斡旋空虛。倉廩自能受物。凡人腎氣怯弱。真陽衰虛。坎水不溫。不能上蒸脾土。是以飲食不進。或食而作脹。大腑滯泄。譬諸鼎釜之中。置諸水穀。下無火力。終日米不熟。其何能化。黃暮且嘗記服兔絲子淘淨。酒浸曝乾。日挑數匙。以酒下之。十日

外飲嗽如湯沃雪。服二神丸。兔絲子與服八味丸。同此一理。是千古不易之妙法。嚴用和云。古人謂補腎不如補脾。予謂補脾不如補腎。氣若壯。丹田火盛。上蒸脾土。脾土溫和。中焦自治。膈開能食矣。予少季悞服庸醫攻伐之藥。脾胃大虛。飲食不化。嘗以八味丸取效。



辛丑年。余在嘉興。屠漸山第有林二守。不
時昏曠。請余治之。謔語不絕。脉洪大。按之
如無。此陽虛之症也。當用參附湯治之。有
原醫者。陽喜而迎。曰。先得我心之同然。遂
服之。即靜睡。覺而進食。午後再劑。神思如
故。其脈頓斂。余返後。又詐云。用附子多矣。
吾以黃連解之。陰仍用參附湯。竊觀仲景
先生治傷寒云。桂枝下咽。陽盛乃斃。硝黃
入胃。陰盛乃亡。不辨而自明矣。吾恐前言
致誤患者。故表而出之。





NATIONAL CENTRAL LIBRARY, TAIWAN, R.O.C.



Inches

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta


White

3/Color


Black


國家圖書館 NATIONAL CENTRAL LIBRARY, TAIWAN, R. O. C.





國家圖書館 NATIONAL CENTRAL LIBRARY, TAIWAN, R.O.C.





INTERNATIONAL



2x bb09mc

國立中央圖書館 NATIONAL CENTRAL LIBRARY, TAIWAN, R.O.C




腎虛火不歸經發熱等症 六

大尹沈用之不時發熱日飲水數碗寒藥二劑熱渴益甚形體日瘦尺脉洪大而數時或無力王太僕曰熱之不熱責其無火寒之不寒責其無水又云倏熱往來是無火也時作時止是無水也法當補腎用加減八味丸不月而愈

症屬無水當壯水之主以鎮陽光則



國立中央圖書館 國家圖書館 國家圖書館 國家圖書館



宜服六味地黃丸矣。而何以服加減
八味丸耶。蓋此方內有肉桂。桂乃火
類。以火招火。方引得歸源耳。

通安橋顧大有父年七十有九。仲冬將出
少妾入房。致頭痛發熱。眩暈喘急。痰涎壅
盛。小便頻數。口乾引飲。遍舌生刺。囊縮如
荔枝。然下唇黑裂。面目俱赤。煩躁不寐。或
時喉腫如烟。火上衝急。飲涼茶少解。已瀕

於死。脈洪大而無倫。且有力。捫其身烙手。
此腎經虛火遊行於外。投以十全大補。加
山茱澤瀉。丹皮山藥。麥門。五味。附子。一鍾。
熟寐良久。脈症各減三四。再與八味丸服
之。諸症悉退。後畏冷物而痊。

下堡顧仁成年六十有一。痢後入房。精滑
自遺。二日方止。又房勞感寒。怒氣遂發。寒
熱。右脇痛連心胸。腹痞自汗。盜汗如雨。四



肢厥冷睡中驚悸或覺上升如浮或覺下
陷如墮遂致廢寢或用補藥二劑益甚脈
浮大洪數按之微細此屬無火虛熱急與
十全大補加山藥山茱丹皮附子一劑諸
症頓愈此等元氣百無一二

二顧是
父子也

本草言寒因熱用熱因寒用又論心
為君火可以直折相火為龍火不可
以水濕折之當逆其性而伏之故世

間龍雷之火及火井之火見水則愈
熾見火即滅此是至可異事而有至
理存焉真陽虛耗火不歸源以致相
火妄動變為假熱諸症此必用桂附
等劑引火歸源而後治若見熱候而
投以清涼必無幸矣蓋好色者久則
陰虛入房而驟病者多屬陽虛不可
不知即陰虛之症亦宜以燥降收之



藥涼而飲之。旋即以甘溫之藥養之。庶可收功。若治以寒涼。必至敗而傷生矣。

一儒者口乾發熱。小便頻濁。大便秘結。盜汗夢遺。遂致廢寢。用當歸六黃湯。二劑盜汗頓止。用六味地黃丸。二便調和。用十全大補湯。及前丸。兼服月餘。諸症悉愈。

州同韓用之年四十有六。時仲夏。色慾過

度。煩熱作渴。飲水不絕。小便淋瀝。大便秘結。唾痰如湧。面目俱赤。滿舌生刺。兩唇燥裂。遍身發熱。或時如芒刺。而無定處。兩足心如烙。以氷折之作痛。脉洪而無倫。此腎陰虛。陽無所附而發於外。非火也。蓋大熱而甚。寒之不寒。是無水也。當峻補其陰。遂以加減八味丸料一斤。內肉桂一兩。以水頓煎六碗。氷冷與飲。半晌已用大半。睡覺



而食溫粥一碗復睡至晚乃以前藥溫飲
一碗乃睡至晚食熱粥二碗諸症悉退翌
日畏寒足冷至膝諸症仍至或以為傷寒
余曰非也大寒而甚熱之不熱是無火也
陽氣亦虛矣急以味丸一劑服之稍緩
四劑諸症復退大便至十三日不通以猪膽導
之諸症復作急用十全大補湯數劑方應
曰峻補其陰而用肉桂熟藥者以此

引地黃等藥歸腎所謂寒因熱用也
熱症甫退寒症忽來即轉用桂附病
固異醫亦奇俟陰陽稍平即以十全
大補湯兼補收功可為醫之聖

舉人陳履賢色慾過度丁酉孟冬發熱無
時飲水不絕遺精不止小便淋瀝或用四
物苓連之類前症益甚更加痰涎上湧口
舌生瘡服二陳黃柏知母之類胸膈不利



飲食少思更加枳殼香附肚腹作脹大便不實脉浮大按之微細余朝用四君為主佐以熟地當歸夕用加減八味丸更以附子唾津調搽湧泉穴漸愈後用十全大補湯其大便不通小腹作脹此直腸乾澀令猪膽通之形體殊倦痰熱頓增急用獨參湯而安再用前藥而愈但勞發熱無時其脉浮洪余謂其當慎起居否則難治彼以

余言為迂至乙巳夏復作乃服四物黃栢知母而歿

吳江晚生沈察頓首云僕年二十有六所稟虛弱兼之勞心癸巳春發熱吐痰甲午冬為甚其熱時起於小腹吐痰而無定時治者謂脾經濕痰鬱火用苓連枳實二陳或專主心火用三黃丸之類至乙未冬其熱多起足心亦無定時吐痰不絕或遍



身如芒刺然。治者又以為陰火生痰。用四
物二陳黃栢知母之類。俱無驗。丙申夏。痰
熱愈甚。盜汗作渴。果屬痰火耶。陰虛耶。乞
高明裁示。云。余曰。此症乃腎經虧損。火
不歸經。當壯水之主。以鎮陽光。乃就診於
余。果尺脉洪大。餘却虛浮。遂用補中益氣
及六味地黃而愈。後不守禁。其脈復作。余
謂火令可憂。當慎調攝。會試且緩。但彼忽
略。至戊戌夏。果歿於都。

勞即發熱無時。此氣血俱虛之症。予
少年亦如此。賴服藥不悞。加意調攝。
幸有今日。又熱起小腹。熱起足間。予
亦曾患此。予向覽方書有云。熱起足
心。直上腹內。乃陰氣虛極。謂之火起
九竅之下。十不救一。又聞賀立菴曾
云。某司理患此。竟不起。予少時劇病。



左腎不時覺熱至廿六歲之春忽然
熱發于足雖不至每次起自足心衝
入腹內然或發於足面或發于足心
或發于腿下游移往來不定大概是
此症候一類不時憂惶百計治之考
方書治法皆用四物黃柏之藥予遵
先生教不敢妄試反以溫補得痊蓋
腎熱足熱其為陰虛水少此不待智

者知之但治以寒涼熱未必去而脾
胃先敗多致傷生惟用補腎養血之
藥而以煖藥引經則以火伏火其火
自平此即龍火井火見水反熾見火
則滅之義乎予此病十年方愈熱起
小腹亦時有之幸確信堅守並無求
速效之心如法調治與病兩忘畢竟
久而奏效要知方書亦未可盡信予



為此方書數年枉費許多憂鬱幾於
病上添病凡抱病者切不須憂鬱只
要調治無差確守而久服之俟之歲
時雖有此惡候亦未必遂隕厥命也
此予親患親試者特書此以告後人
先生治沈孝廉以益氣湯六味丸予
曾如此服不效不若加減八味丸得
力以有肉桂五味故也 以附子末


唾津塗足心乃引火下行之義熱起
足心衝腹亦用此法



脾胃虧損吞酸噯腐等症 七

大司馬王浚川嘔吐宿滯臍腹痛甚手足俱冷脉微細用附子理中丸一服益甚脉浮大按之而細用參附湯一劑頓愈

趙吏部文卿患吐不止吐出皆酸味氣口脉大於人逆二三倍速予投劑予曰此食鬱上宜吐不須用藥乃候其吐清水無酸氣寸脉漸減尺脉漸復翌早吐止至午脉



俱平復。勿藥自安。後撫陝右。過蘓顧訪。傾
蓋清談。厚過於昔。且念余在林下。頻以言
慰之。

吐酸吞酸。大畧不同。吐酸者。濕中生熱。吞
酸者。虛熱內鬱。皆屬脾胃虛寒。中傳末症。
故內經以為火者。指其病形而言也。東垣
以為胃寒者。指其病本而言也。凡患此者。
先當辨其吞吐而治。以固本元為主。若復

寒涼以傷胃氣。則實之虛之者矣。復審其
脾氣虛而飲食不能輸化。濁氣不能下降
者。須用六君子湯。補養脾胃為主。少佐越
鞠丸以清中。故東垣先生云。邪熱不殺穀。
若誤認為實熱而妄用寒涼。必變敗症。
一儒者面色痿黃。胸膈不利。吞酸噯腐。恪
服理氣化痰之藥。大便不實。食少體倦。此
脾胃虛寒。用六君加炮薑木香漸愈。更兼



用四神丸而元氣復此症若中氣虛弱者
用人參理中湯或補中益氣加木香乾薑
不應送左金丸或越鞠丸若中氣虛寒必
加附子或附子理中湯無有不愈
一上舍飲食失宜胸腹腫脹噯氣吞酸以
自知醫用二陳枳實黃連蒼朮黃栢之類
前症益甚更加足指腫痛指縫出水余用
補中益氣加茯苓半夏治之而愈腿足浮
腫或焮腫寒熱嘔吐亦用前藥

此君症候想輕故止用平劑而不及
薑附

儒者胡濟之場屋不利胸膈膨悶飲食無
味眼枳木丸不時作嘔用二陳黃連枳實
痰湧氣促加藪蘓枳殼喘嗽腹脹加厚朴
腹皮小便不利加檳榔蓬朮泄瀉腹痛悉
屬虛寒用六君加薑桂二劑不應更加附




子一錢二劑稍退數劑十愈六七乃以八
味丸全愈

一上舍嘔吐痰涎發熱作渴胸膈痞滿或
用清氣化痰降火前症益甚痰涎自出余
曰嘔吐痰涎胃氣虛寒發熱作渴胃不生
津胸膈痞滿脾氣虛弱須用參芪歸朮之
類溫補脾胃生發陽氣諸病自退彼不信
仍服前藥虛症悉至復請治余曰飲食不

入吃逆不絕泄瀉腹痛手足逆冷是謂五
虛煩熱作渴虛陽越於外也脉洪大脉欲
絕也死期迫矣或曰若然殞於日乎夜乎
余曰脉洪大當殞於晝果然

余母太宜人年六十有五己卯春二月飲
食後偶聞外言忤意嘔吐酸水內熱作渴
飲食不進惟飲凉水氣口脉大而無倫面
色青赤此胃中濕熱鬱火投之以藥入口



即吐。第三日吐酸物。第七日吐酸黃水。十一日吐苦心。脉益洪大。仍喜冷水。以黃連一味煎湯。冷飲少許。至二十日。加白朮白茯苓。至二十五日。加陳皮。三十七日。加當歸。炙甘草。至六十日。始進清米飲。半盞。漸進薄粥。飲調理得痊。

先生治嘔吐腹脹等症。大都責其脾胃虛寒。隨手而效。此症獨以為濕熱


鬱火而治法甚異。至六十日。方進米飲。病亦甚奇。甚危。非先生為子。豈不殆哉。故曰。為人子者。不可不知醫。

一男子脾胃不和。服香燥行氣之劑。飲食少思。兩脇脹悶。服行氣破血之藥。致飲食不入。右脇脹痛。喜手按之。余曰。乃肝木尅脾土。而脾土不能生肺金也。用滋化源之藥。四劑。諸症頓退。余又曰。火令在過。當再



補脾土以養肺金不信後復作吐膿而歿
一婦人吞酸噯腐嘔吐痰涎面色純白或
用二陳黃連枳實之類加蕤熱作渴肚腹
脹滿余曰此脾胃虧損未傳寒中不信仍
作火治肢體腫脹如蠱余以六君加附子
木香治之胃氣漸醒飲食漸進虛火歸經
又以補中益氣加炮薑木香茯苓半夏魚
脹全愈

一婦人性沉靜多慮胸膈不利飲食少思
腹脹吞酸面色青黃用疎利之劑余曰此
脾虛痞滿當益胃氣不信仍用之胸膈果
滿飲食愈少余以調中益氣加香砂炮薑
漸愈後以六君芍歸貝母桔梗炮薑而愈
仙云家母久患心腹疼痛每作必胸滿嘔
吐厥逆面赤唇麻咽乾舌燥寒熱不時而
脉洪大衆以痰火治之屢止屢作迨乙巳



春發熱頻甚用藥反劇有朱存默氏謂服
寒涼藥所致欲用參朮等劑余疑痛無補
法乃請立齋先生以折中焉先生診而嘆
曰此寒涼損真之故內真寒而外假熱也
且脉息弦洪而有怪狀乃脾氣虧損肝脉
乘之而然惟當溫補其胃遂與補中益氣
加半夏茯苓吳茱木香一服而效家母病
蒞月餘竟夕不安今熟寐徹曉洪脉頓斂

怪脉頓除諸症釋然先生之見盖有本歟
家母餘齡皆先生所賜杏林報德沒齒不
忘謹述此乞附醫案諒有太史者采入倉
公諸篇以垂不朽將使後者觀省焉嘉靖
乙巳春月吉日陳湖峇生陸佃頓首謹書
一婦人年三十餘忽不進飲食日飲清茶
三五碗并少用水果三年餘矣經行每次
過期而少余以為脾氣鬱結用歸脾加吳



某不數劑而飲食如嘗。若人脾腎虛而不
飲食。當以四神丸治之。
一婦人年踰二十。不進飲食二季矣。日飲
清茶果品之類。而面微黃浮腫。形體如嘗
仍能步履。但體倦怠。肝脾二脉弦浮。按之
微而結滯。余用六君加木香吳茱下痰積
甚多。飲食頓進。形體始瘦。臥床月餘。仍服
六君之類而安。

婦人患此見女科撮要

附論噎隔反胃等症

愚按王安道先生曰。內膈嘔逆。食不得入。
是有火也。若病而吐。食入反出。是無火也。
治法。若脾胃氣虛而胸膈不利者。用六君
子湯。壯脾土。生元氣。若服辛熱之劑。而嘔
吐噎膈者。用四君子加芎歸。益脾土。以抑
陰火。內格而飲食不入者。用六君子加苓



連清熱養胃。若病嘔吐，食入而反出者，用六君子加木香、炮薑、溫中補脾。若服耗氣之劑，血無所生而大便燥結者，用四君子加芎藭補脾生血。若火逆衝上，食不得入者，用四君子加山梔、黃連、清熱養血。若痰飲阻滯而食不得入者，用六君子加木香、山梔補脾化痰。若脾胃虛寒，飲食不入，或入而不化者，用六君子加木香、炮薑、溫補。

脾胃更非慎房勞節厚味，調飲食者不治。年高無血者亦不治。

一男子食少胸滿，手足逆冷，飲食畏寒，糞熱吐痰，時欲作嘔，自用清氣化痰之劑，胸腹愈脹，呼吸不利，吐痰嘔食，小便淋漓。又用五苓散之類，小便不利，諸病益甚。余曰：此脾土虛寒無火之症，故食入不消而反出，非氣膈所致。遂用八味丸補中益氣，加




半夏茯苓姜桂旬日乃愈

秀才楊君爵年將五十胸痞少食吐痰體倦肌肉消瘦所服方藥皆耗氣破血化痰降火余曰此氣鬱所傷陽氣不能升越屬脾經血虛之症當用歸脾湯解鬱結生脾血用補中益氣壯脾氣生發諸經否則必為中滿氣膈之患不信仍服前藥後果患前症而歿

脾腎虧損停食泄瀉等症

東垣先生云有六淫而致瀉者有七情而致瀉者又有飲食所傷而致瀉者有因胃氣下流而致瀉者有因風而成飧泄者有因痰積於上焦以致大腸不固而泄者有因脾胃氣虛而泄者治法外淫所傷當調六氣七情所傷當平五臟飲食所傷當消停滯胃氣下流當升舉之因風而成當解




散之痰積於上焦當去其痰而不治其泄脾胃氣虛者當補益之

丹溪先生謂飲食畢而腸鳴腹痛瀉盡食物者脾虛食瀉用理中湯加炮薑攻刺腹痛洞下水穀名寒泄用理中湯送大戊已丸寒甚者附子桂香丸惡食者八珍湯糞色青黃肛門痛煩燥作渴小便不利者名熱瀉用五苓散香連丸瀉而惡食而氣噫

腐臭者名食瀉治中湯加砂仁或送感應丸

若泄瀉而腹中重墜此脾胃之氣下陷也宜用補中益氣湯若服尅滯之劑而腹中窄狹此脾氣虛痞也宜用六君子湯若脇脹少食善怒瀉青此脾虛肝所乘也宜用六君子加柴胡升麻木香若少食體倦善噫泄黃此脾虛色陷也宜用六君子加升



此而治之後做此

食憲高如齋飲食難化腹痛泄瀉用六君子加砂仁木香治之而痊後復作完穀不化腹痛頭疼體重困倦余以為脾虛受濕用芍藥防風湯而愈

太僕楊舉元先為飲食停滯小腹重墜用六君子加升麻柴胡漸愈後飲食難化大便不實裏急後重數至圜而不得用升陽

麻柴胡大凡諸症若脾脉弦長者肝木乘脾土也當補脾平肝若脾脉沉弦者寒水侮脾土也當溫中補腎夫黃連枳實雖消停滯開痞悶若人脾胃充實暴患實痞宜暫用之若人屢患屢服或脾胃虛痞者而用之則脾胃反傷而諸症蜂起矣故東垣先生云脾胃實者用黃連枳實瀉之虛者用白朮陳皮補之須分病之虛實人之南



除濕防風湯而痊。後心腹作痛，飲食不甘，用和中丸，倍加益智仁而尋愈。

光祿楊立之，元氣素弱，飲食難化，泄瀉不已，小便短少，澹浙惡寒，體重節痛。余以為脾肺虛，用升陽益胃湯而痊。大凡泄瀉，服分利調補等劑不應者，此肝木鬱於脾土，必用升陽益胃之劑，庶能保生。

進士劉華甫，停食腹痛，瀉黃吐痰，服二陳

一梔黃連，枳實之類，其症益甚。左關弦長，乃肝木尅脾土，用六君加木香治之而愈。若食已消而泄未已，宜用異功散以補脾胃。如不應，用補中益氣，升發陽氣，凡泄利色黃，脾土虧損，真氣下陷，必用前湯加木香肉蔻溫補。如不應，當補其母，宜八味丸。脾胃虛弱，畏寒易泄者，用六君子加補骨脂肉豆蔻治之。脾胃虛寒，畏寒易泄者，用

六君子肉果木香調之

停食泄瀉等症時師未有不以消導
利水為治法者而先生全不用此等
藥所以保完元氣不至損人功莫大
焉食已消而泄未已下一段此先生
治脾病之大綱領千古格言也讀者
詳之 停食之候當兼看瘡疾門彼
有云大凡停食之症宜用六君子加

枳實厚朴食已消而不愈用六君子
湯先生治停食必以參朮助正氣而
佐以消尅庶不傷脾真良法也按王
節齋先生云凡泄瀉病誤用參芪等
甘溫之藥則病不能愈而或變為黃
疸蓋泄屬濕甘溫之藥能生濕熱故
反助病邪久則濕熱甚而為疸矣即
立齋先生案中亦言李少宰泄瀉誤



學以醫業
卷中
三
服參芪變為黃疸然則泄瀉初起補
中益氣湯所宜禁者。歷考先生治法
大都用六君子加木香神麴等藥。蓋
六君無黃芪當歸而又加苦瀉之藥
自非甘溫比耳。

光祿柴黼庵善飲泄瀉腹脹吐痰作嘔口
乾此脾胃之氣虛先用六君加神麴痰嘔
已止再用補中益氣加茯苓半夏瀉脹亦
愈此症若濕熱壅滯當用葛花解醒湯分
消其濕。既去而瀉未已須用六君加神
麴實脾土化酒積然雖為酒而作實因脾
土虛弱不可專主濕熱。

此醫酒病者之準繩。稟壯者可用解
醒湯。若予輩弱質無如六君加神麴
為穩着。

學士吳北川過飲痰壅舌本強硬服降火




化痰藥痰氣益甚肢體不遂余作脾虛濕
熱治之而愈

此條原刻於咳嗽門予移入於此是
疝蓋脾胃本虛而過傷於酒一時痰
壅舌強竟似中風之候故附入傷酒
一類

舊僚錢可久素善飲面赤痰盛大便不實
此腸胃濕痰壅滯用二陳苓連山梔枳實
乾葛澤瀉升麻一劑吐痰甚多大便始實
此後日以黃連三錢泡湯飲之而安但如
此稟厚不多耳

先生此書大都以補兼消散如此條
治法乃所僅見要知世人稟厚者不
過千百中一人耳

一儒者善飲便滑溺瀉食減胸滿腿足漸
腫疝屬脾腎虛寒用加減金匱腎氣丸食



進腫消。更用八味丸胃強脾健而愈。
一男子侵晨或五更吐痰。或有酸味。此是
脾氣虛弱。用六君送四神丸而愈。若脾氣
鬱滯。用二陳加桔梗山梔送香連丸。若鬱
結傷脾。用歸脾湯送香連丸。若胸膈不舒
歸脾加柴胡山梔送左金丸。若胃氣虛津
液不能運化。用補中益氣送左金丸。
吐痰酸味。其病因各有不同。若脾氣

鬱滯以下詳列數則以俟後人切脈
審病而用藥耳。

一羽士停食泄瀉。自用四苓黃連枳實麩
藥益甚。余曰。此脾腎泄也。當用六君加薑
桂送四神丸。不信。又用沉香化氣丸。一服
卧床不食。咳則糞出。幾至危殆。終踐余言。
而愈。蓋化氣之劑。峻厲猛烈。無經不傷。無
臟不損。豈宜輕服。



予少不知醫。但聽時師施治。弱冠以後。雖久抱羸瘵。然脾氣尚王。三十歲之夏。患泄瀉。原無大病。偶遇姑蘓一名下醫者。診予脉。驚曰。脾病已深。不治。將下積。以黃連枳實等劑。付予。惑其言。連服數劑。又服枳木丸。一月。竟致脾胃削弱。飲食不消。幾成脾泄之症。極力補救。始得痊可。而脾氣終

於不王矣。自是以來。每遇胸中停滯。必以白朮為君。而加山查神麩等藥。以消之。若此少停滯不暢。則以六君子加山查或神麩一味以佐之。無不應手而效。有時去白朮服之。便覺脾氣下陷。而痞悶反不得除。乃信先生治法。真萬世準繩也。予脾胃本虛。往時候服消尅之藥。頓覺中氣下陷。



胃脘中空，然意氣倦怠，虛汗不止，手足不溫，急服益氣湯等藥，連服十餘劑，中氣乃漸復，自此不能受饑，即中氣虛怯，一如悞服消藥狀。三十年來益氣湯六君子湯并參朮膏蓋十日五服，時不輟口，而開服八味丸，迄今脾氣雖不能大，而殘喘苟延，則奉先生教也。本草言厚朴悞服

脫人元氣，此乃時師所嘗用之藥，不加慎重，予嘗因傷生冷，腹不和，暫服厚朴，中氣輒虛，即加於六君子湯內，亦覺消尅太過，乃知此藥果峻厲，不可輕用。此先生方藥中，所以不多見歟。予中氣正傷時，偶食犬肉一塊，便覺停滯，須知犬肉較他肉獨難消化，如此是時，又不敢服山查等藥考



本草食犬肉不消。煮蘆根汁飲之可消。予如法煎飲。覺右脇下微痛。次日大痛。殊不可解。日痛一日。有妨坐卧。反側痛似刀刺。右脇下按之。有物如雞子。方書言右脇痛。屬食積痰積。有謂須攻治者。亦有謂不宜攻。必助正以消邪者。時醫主攻。言不治將成痞塊。予不許。確守助正之說。當痛極時

不敢服藥。姑靜以守之。俟痛少定。氣尚痞。予即用六君子加木香等行氣之藥。以漸調之。竟得痊可。若悞信攻伐。不知死所矣。俗有以食消食之法。以飯肉等所傷之物。燒灰存性。為末。同酒下之。頗效。此物不甚傷脾。而能消食。亦良法也。王宇泰先生準繩中亦曾載之。又有以酒藥燒灰服者。



妙法
未詳

便覺傷脾更有生服酒藥者更為峻
厲不宜服

沈大尹每五更即泄余以為腎泄用五味
子散數服而愈後不慎起居不節飲食其
泄復作日夜無度畏寒飲食且難消化肌
體日瘦余曰乃變火衰之症也遂與八味
丸瀉止食進
一儒者季夏患泄瀉腹中作痛飲食無味

肢體倦怠余用補中益氣湯八味地黄丸
月餘而痊後彼云每秋間必患痢今則無
恙何也余曰此閉藏之月不遠悻悻妄泄
真陽而然前藥善能補真火以能生土脾
氣生旺而免患也


嘉靖乙未紹患肝木尅脾面赤生風大腸
燥結炎火衝上久之遂致臟毒下血腸鳴
澹泄腹脹喘急馴至絕穀瀕于殆矣諸醫



方以枳實黃連之劑投之展轉增劇乃求治于立齋先生先生曰爾病脾胃兩虛內真寒而外虛熱法當溫補遂以參朮為君山藥黃芪肉果薑附為臣茱萸骨脂五味歸苓為佐治十劑俾以次服之諸醫皆火病也以火濟火可乎紹雅信先生不為動眼之決句盡劑而血止諸疾遂已先是三年前先生過紹謂曰爾面部赤風脾胃病

也不治將深予心憂之而怠緩以頽疾發又惑於衆論幾至不救微先生吾其上矣嗚呼先生之術亦神矣哉紹無以報盛德敬述梗概求附案末以為四方抱患者告庶用垂惠於無窮云長洲朱紹

大抵脾胃好煖而惡寒脾虛必宜溫煖之藥予內人少患脾有冷痠眼聾
邇玄五炁丹數丸遂不復發予近患



脾不和服胡與辰金鉉丸一丸脾氣
頓佳得兩三月安妥予菴中有一比
丘尼久患脾泄甚殆金鉉一服頓醒
須知紅鉛極宜於脾胃者

王節齋泄症主方用白朮二錢白芍藥一
錢五分陳皮一錢甘草五分若小便赤澀
短少加猪苓澤瀉夏月加茵陳山梔先生
云愚按前症若津液偏滲於大腸大便瀉

而小便少者宜用此藥分利若陰陽已分
而小便短少者此脾肺氣虛而不能生水
也宜用補中益氣湯加麥門五味陰火上
炎而小便赤少者此肺氣受傷而不能生
水也用六味地黃丸加麥門五味腎經陰
虛陽無所生而小便短少者用滋腎丸腎
氣丸腎經陽虛陰無所化而小便短少者
用益氣湯六味丸若誤用滲泄分利復傷




陽氣陰無所生而小便不利。或目睛凸出。腹脹如鼓。或腿膝腫硬。或皮膚斷裂者。先用滋腎丸益氣湯。每見元氣虛而復用澤瀉猪苓之類。以損真陰而致前症益甚者。急投金匱加減腎氣丸。多有復生者。若反服牽牛、大黃峻劑而通之。是速其危也。王節齋云。若口渴引飲。加乾姜、人參、門冬、升麻。烏梅先生云。愚按前症。若胃氣傷而

內止津液者。用七味白朮散。胃氣弱而津液少者。用補中益氣湯。氣血俱虛而津液少者。用十全大補湯。腎虛津液短少者。用六味地黃丸。腎水不足而虛火上炎者。用加減八味丸。若腎水不足之人。患泄瀉。或服分利之劑過多。而患口渴者。若不用前藥以固其本源。則肺腎復傷。多變小便不利。肚腹水腫等危症矣。

人參白朮散
日中
不
不

商
卷中
四十一



憲副屠九峰先瀉而口渴尺脉數而無力
恪用解酒毒利小便之劑不應余曰此腎
陰虧損虛火熾盛宜急壯水之主不然必
發疽而不能收斂也不信別服降火化痰
之劑果患疽而歿
王節齋云若夏秋之間濕熱大行暴注水
瀉加黃連蒼朮澤瀉先生曰愚按東垣云
若值秋燥行令濕熱少退體重節痛口舌

乾燥飲食無味二便不調不欲飲食或食
不化兼灑淅惡寒悽慘面惡此肺之脾虛
而陽氣不伸也用升陽益胃湯治之前症
若濕熱內作脾胃不能通調而致者宜用
此藥分利之濕熱已去脾胃虛弱而致者
宜用六君子當歸調補之濕熱已去脾氣
下陷而致者宜用補中益氣湯升舉之
王節齋云若久瀉脾虛飲食難化加黃芪



參麴、藜木香、乾姜。先生云：愚按前症，或作嘔，或飲食少思，屬脾胃虛弱。用四君子加半夏、木香，或兼作嘔，或腹作痛，屬脾胃虛寒。用六君子加炮姜、木香。若麥芽善損腎神，麴善化胎消腎，不宜輕用。大抵此症，多繇泛用消食利水之劑，損其真陰元氣，不能自主。持遂成久泄。若非補中益氣湯，四神丸滋其本源，後必胸痞腹脹、小便淋瀝，多致不起。


王節齋云：若久瀉，腸胃虛滑不禁，加肉豆蔻、訶子、皮、木香、乾姜。先生曰：愚按東垣先生云：中焦氣弱，脾胃受寒冷，大便滑瀉，腹中雷鳴，或因誤下，未傳寒中，復遇時寒，四肢厥逆，心胃絞痛，冷汗不止，此腎之脾胃虛也。用沉香溫胃丸治之。竊謂前症若脾胃虛寒下陷者，用補中益氣湯加木香、肉



豆蔻補骨脂若脾氣虛寒不禁者用六君子湯加炮姜肉桂若命門火衰而脾土虛寒者用八味丸若脾腎氣血俱虛者用十全大補湯送四神丸若大便滑利小便閉澁或肢體漸腫喘嗽唾痰為脾腎虧損宜用金匱加減腎氣丸

王節齋云若飲酒便泄此酒積熱瀉也加黃連乾姜茵陳木香先生曰愚按前症若


酒濕未散脾氣未虛宜用此藥分利濕熱若濕熱已去中氣被傷宜用六君子調補中氣若誤服剋伐分利之劑胸膈漸滿小便短少或腿足與腹漸腫者急用加減金匱腎氣丸調補脾胃多有生者夫酒性大熱乃無形之物無形元氣受傷當用葛花解醒湯分消其濕往々反服大熱酒癥丸重瀉有形陰血使陽毒大旺元氣消亡折



人長命金匱要略云酒疸下之久而為黑
疸每見善飲服酒癥丸者多患疸症不悟
其因反服分利化痰以致變症而死者多
矣詳見奇效方
秀水卜封君別號長醉翁善飲腹痛便泄
服分利化痰等劑不應其脉滑數皮膚錯
甲余謂此酒毒致腸癰而潰敗也辭不治
不信仍服前劑果便膿而歿


寒月溏泄清冷腹痛若脾腎虛寒宜用四
神丸若脾腎虛脫用六君姜桂如不應急
補命門火以生脾土一儒者小腸急痛溏
泄清冷大便欲去不去余謂此命門火衰
而脾土虛寒也用八味丸月餘而愈向後
飲食失宜前症仍作小腹重墜此脾氣下
陷也用補中益氣湯而瘥

附論痞積傷食



大凡食積痞塊。疔為有形。所謂邪氣勝則實。真氣奪則虛。惟當養正。則邪積自除矣。雖云堅者削之。客者除之。若胃氣未虛。元氣尚實。乃可用也。或病久虛羸。或元氣素弱者。亦當固本為主。而佐用前法。不然。反致痞滿不食。而益其病矣。若傷性熱之物者。用二陳加黃連。山查傷濕。麵等物者。用二陳加神麴。麥芽傷米食者。用六君加

穀。藥傷麩食者。用六君加麥。藥傷肉食者。用六君加山查。傷魚腥者。用六君倍加陳皮。傷角黍炊飯者。用六君倍加酒麴。若物已消而瀉未愈者。此脾胃受傷也。宜用六君子湯。若飲食減少。或食而難化者。屬脾胃虛寒也。加炮姜。木香。肉果。不應。加五味。吳茱萸。骨脂。脾腎虛寒者。須服八味丸。否則多患脾虛中滿之症。其神麴。麥芽。雖助戊




上以腐熟水穀麥芽一味。余嘗以治婦人
喪子乳房脹痛欲成癰者。用一二兩炒熟
煎服。即消。其破血散氣可知矣。丹溪云麥
芽消腎。婦人良方云。神麩善下胎。皆尅伐
之功多而補益之功少。亦不宜輕用。
其有夾氣傷食。氣滯不通。若因中氣虛弱。
不能運行者。宜用六君子加山梔木香。如
不應。送保和丸。


附論能食而難化

愚按東垣先生云。胃中元氣盛。則能食而
不傷。過時而不饑。脾胃俱旺。則能食而肥。
脾胃俱虛。不能食而瘦。或少食而肥。雖肥
而四肢不舉。又有善食而瘦者。胃中火邪
於氣分。則能食而肉削。今能食而難化者。
脾胃氣虛弱。不能腐化水穀。故前藥不應。或
加熱渴嘔吐。或腹脹泄瀉等症者。乃是脾




胃復傷急用六君子加芍藥木香炮薑補
之亦有屬脾氣鬱結者當解鬱健脾若用
清涼降火以致中氣虛痞而下食或食反
出又以為膈噎用行氣化痰者必不能療
也





國家圖書館, NATIONAL CENTRAL LIBRARY, TAIWAN, R.O.C





國立中央研究院民族學研究所





國立中央圖書館藏



000172 44


國家圖書館 NATIONAL CENTRAL LIBRARY, TAIWAN, R.O.C



脾胃虧損停食痢疾等症九
王節齋痢疾主方甘草檳榔木香枳殼黃
芩黃連白芍藥若腹痛加當歸縮砂先生
曰愚按前症若因濕熱鬱結後重不利宜
用此方若飲食停滯用二陳湯加山查送
香連丸仲景先生云脉沉而有力者屬裏
實也宜下之沉而無力者屬裏虛也宜補
之元氣虛滑者宜溫之濕之脈滑而數者



國立中央圖書館藏



有宿食也。當下之。脉浮大。此為虛而強下之故也。脉浮革者。因而腸鳴。當溫之。下痢腹堅者。當下之。下痢譫語。有燥屎。當下之。下痢三部脉皆平。按之心下堅急。下之。下痢脉大浮弦。當自愈。下痢腹滿痛。為實。當下之。治者審焉。

王節齋云。若白痢加朮。苓。滑石。陳皮。初歇下之。再加大黃。先生云。愚按前症。若腹痛後重。喜手按腹。或脈微細。為陽氣虛寒。宜用六君。乾姜溫補之。

王節齋云。若紅痢。加芩。歸。桃仁。初時加大黃。先生云。愚按前症。若病日久。或誤服疎通之藥。而不能愈者。當調補脾胃。大凡血症。久而不愈。多因陽氣虛而不能生血。或因陽氣虛而不能攝血。故丹溪先生治此症。久而不愈。用四君湯。以收其功。



王節齋云。若紅白相雜。加芎歸。菔仁。以理血。滑石。陳皮。蒼朮。以理氣。先生云。愚按前症。若氣滯食積。濕熱所致。宜用此方治之。若脾虛飲食停滯。宜用六君子湯。送香連丸。調補之。經云。脾主血。肺主氣。前症乃氣血俱受病也。若因脾肺血傷所致。宜用四物湯。加白朮。茯苓。煎送香連丸。若因脾肺氣傷所致。宜用四君湯。加當歸。川芎。煎送

香連丸

其白痢久。胃弱氣虛。若數至圜而不能便。或少有白膿者。乃土不能生金。肺與大腸氣傷而下墜也。當用升陽益胃湯。舉其陽氣。則陰自降。而二便自愈矣。飲食不入。發熱作渴。其勢危甚。用十全大補湯。如不應。送二神丸。

其紅痢久。胃弱血虛。若脾經血熱下注。而



不愈者用四物湯加白朮茯苓若脾經氣
虛不能統血而不愈者用四君子加川芎
當歸若中氣下陷不能攝血而不愈者用
補中益氣湯

王云若赤黑相雜此濕膠也及小便赤澀
短少加木通澤瀉茯苓山梔以分利之先
生曰愚按初患濕膠而小便赤澀者宜用
前藥若病久而陽氣下陷或老弱者宜用
升陽除濕防風湯若脾土虧損寒水來侮
先用六君子湯加姜桂以溫而補之後用
補中益氣湯加茯苓半夏以升而補之
王云若血痢加當歸川芎生地黃桃仁久
不愈減苓連去檳榔枳殼再加阿膠珠側
柏葉白朮乾姜陳皮先生曰前症亦有因
脾氣虛弱者有因脾氣下陷者有因肝氣
虛弱者有因肝血虛熱者宜審而治之



其痢已久而後重不去有因大腸氣滯者
有因大腸氣陷者有因大腸血虛者有因
脾腎虛寒者若大腸氣滯墜下宜用四君
子送香連丸若大腸氣虛陷下宜用四君
子加柴胡升麻送香連丸若大腸血虛後
重宜用四物湯加參朮送香連丸東垣先
生裏急者腹中不寬快也亦有虛坐而大
便不行者皆血虛也血虛則裏急後重

王節齋云若嘔吐食不得下加軟石膏陳
皮山梔生薑緩呷之以瀉胃口之熱先生
曰愚按前症若脾胃素有實熱或過食厚
味辛辣而暴患之宜用此方若胃氣虛膈
氣逆而作嘔吐者用六君子加生薑若胃
氣虛寒亦用前藥加炮姜木香
有一樣風血虛而痢者若脾氣虛而血弱
宜用四君子湯若胃氣虛而血弱宜用補



中益氣湯若久病氣血俱虛宜用八珍湯
大凡此症久而不愈或變症百出但守前
法久之自愈

有一樣寒痢東垣先生云前症若脈沉細
而身不動作睛不了了飲食不下鼻準氣
息者用姜附湯身重四肢不舉者用木附
湯暴下無聲身冷自汗小便自利大便不
禁氣難布息脈微嘔吐者用漿水散

本草中附子
藥性論
云云

痢症如法下之又如法調理而久不愈有
因脾氣虛寒下陷者宜用補中益氣湯加
粟殼姜桂如不應急用附子若氣血虛弱
宜用十全大補湯加附子粟殼若命門火
衰用八味丸以補土母若腹痛作渴飲湯
手按腹痛稍止者俱溫補脾胃

崔司空年踰六旬患痢赤白裏急後重此
濕熱壅滯用芍藥湯內加大黃二錢一劑

本草中
曰此
不若下
張綱下
灼石者
香附片




減半。又劑全愈。惟急重未止。此脾氣下陷。用補中益氣送香連丸而愈。
羅給事小腹急痛。大便欲去不去。此脾腎氣虛而下陷也。用補中益氣送八味丸二劑而愈。此等症候。因痢藥致損元氣。肢體腫脹而死者。不可枚舉。

蓋此非痢症。若誤用痢藥。必損元氣而成腫脹也。

少宗伯顧東江。停食患痢。腹痛下墜。或用疎導之劑。兩足脹腫。食少體倦。煩熱作渴。脈洪數。按之微細。余以六君加薑桂各二錢。吳茱五味各一錢。煎熟冷服之。即睡覺。而諸症頓退。再劑全退。此假熱而治以假寒也。

太常邊華泉。嘔吐不食。腹痛後重。自用大黃等藥。一劑。腹痛益甚。自汗發熱。昏慣。脈



大余用參朮各一兩炙甘草炮薑各三錢
升麻一錢一鍾而甦又用補中益氣加炮
薑二劑而愈


判官汪天錫年六十餘患痢腹痛後重熱
渴引冷飲食不進用芍藥湯內加大黃一
兩四劑稍應仍用前藥大黃減半數劑而
愈此等元氣百無一二

一上舍患痢後重自知醫用芍藥湯後重

益甚飲食少思腹寒肢冷余以為脾胃虧
損用六君加木香炮薑二劑而愈

司馬王荆山患痢後重服枳殼檳榔之類
後重益甚食少腹痛余以為脾胃傷而虛
寒也用六君木香炮姜而愈

同一痢也治崔司空以芍藥湯加大
黃而愈上舍何以自用芍藥湯而益
甚而取效於六君子邊太常何以自



用大黃而益甚而取效於參朮豈稟
賦有強弱而脉症亦有不同耶讀者
詳之

一老婦食後因怒患痢裏急後重屬脾氣
下陷與大劑六君加附子均菟煨木香各
一錢吳茱五分骨脂五味各一錢五分二
劑諸症悉退惟小腹脹悶此肝氣滯於脾
也與調中益氣加附子木香五分四劑而

愈後口內覺醜此腎虛水泛與六味地黃
丸二劑頓愈

先母年八十仲夏患痢腹痛作嘔不食熱
渴引湯手按腹痛稍止脉鼓指而有力真
氣虛而邪氣實也急用人參五錢白朮茯苓
各三錢陳皮升麻附子炙甘草各一錢
服之睡覺索食脉症頓退再劑而安此取
症不取脉也凡暴病毋論其脉當從其症



時石閣老太夫人其年歲脉症皆同彼乃
專治其痢遂致不起

豈以年高所以如此治法耶

橫金陳梓園年六十面帶赤色吐痰口乾
或時作瀉癸卯春就診謂余曰僕之症或
以為脾經濕熱痰火作瀉率用二陳黃連
枳實神麩麥芽白朮柴胡之類不應何也
余脈之左關弦緊腎水不能上肝木也右

關弦大肝木乘尅脾土也此乃脾腎虧損
不能生尅制化當滋化源不信余謂其甥
朱太守陽山曰令舅不久當殞於痢至甲
辰夏果患痢而歿

祠部李宜散患血痢腹胸膨脹大便欲去
不去肢體殊倦余以為脾氣虛弱不能攝
血歸源用補中益氣湯加茯苓半夏治之
漸愈後因怒前症復作左關脉弦浮按之



而愈
微弱此肝氣虛不能藏血用六味丸治之

廷評曲汝為食後入房翌午腹痛去後似
痢非痢次日下皆膿血煩熱作渴神思昏
倦用四神丸一眼頓減又用八味丸料加
五味吳茱萸骨脂肉寇二劑全愈

通府薛允頤下血服犀角地黃湯等藥其
血愈多形體消瘦共熱少食裏急後重此
脾氣下陷余用補中益氣加炮薑一劑而
愈

一老人素以酒乳同飲去後似痢非痢脘
膈不寬用痰痢等藥不效余思本草云酒
不與乳同飲為得酸則凝結得苦則行散
遂以茶茗為丸時同清茶送三五十九不
數服而瘥

此四條皆似痢非痢不作痢治者曲



廷評病起於色。故用溫腎之藥而愈。
酒乳不可同飲。世人不知。多有同飲
者。須識之。


脾胃虧損瘡疾寒熱等症 十

瘡症皆因先傷於暑。次感於風。客於榮衛
之間。腠理不密。復遇風寒。閉而不出。舍於
腸胃之外。與榮衛並行。晝行於陽。夜行於
陰。並則病作。離則病止。併於陽則熱。併於
陰則寒。淺則日作。深則間日。在氣則早在
血則晏。按本經曰。瘡脉自弦。弦數者多熱。
弦遲者多寒。弦短者傷食。弦滑者多痰。弦



而緊者宜下。浮大者宜吐。弦遲者宜溫。此
治瘡之大法。其病熱多寒少。心煩少睡者。
屬心。名曰溫瘡。用柴芩湯。但寒少熱。腰疼
足冷者。屬腎。名曰寒瘡。用桂附二陳湯。先
寒而後大熱。咳嗽者。屬肺。名曰癰瘡。用參
蘓飲。熱長寒短。筋脈抽搐者。屬肝。名曰風
瘡。用小柴胡加烏藥香附。寒熱相停。嘔吐
痰沫者。屬脾。名曰食瘡。用清脾飲。瘡愈之
後。陰陽兩虛。夢遺咳嗽。不善保養。遂成勞
瘵。若能清心養體。節食避風。如此調治。無
不愈矣。

愚按劉宗厚先生云。從卯至午發者。邪在
大腸小腸也。宜大柴胡湯下之。從午至酉
發者。邪亦在心與腎也。宜大承氣湯下之。
此皆邪入於內也。從酉至子發者。邪在心
與膽也。或至寅發者。此邪在氣在血也。宜



用桃仁承氣湯微下之更以小柴胡湯微
其餘邪若身熱目痛熱多寒少其脈實長
者先以大柴胡湯下之餘熱不盡再用白
芷湯若甚寒微熱或但寒不熱者名曰牝
瘡用柴胡桂枝湯以解表

愚按仲景先生云瘡無他症但隔日發而
先寒後熱寒多熱少用桂枝石膏湯發於
夜麻黃黃芩湯竊謂症若中氣虛而間日

發者用補中益氣湯若氣血俱虛而三日
一發者用十全大補湯大抵邪氣在陽分
者淺而易治邪氣在陰分者深而難治
愚按仲景云處暑以前瘡發而頭項痛脉
浮惡風有汗者桂枝羌活湯若惡風無汗
者麻黃羌活湯若久而汗多腠理開泄陽
不能固必補斂之無汗則腠理緻密邪不
能解必發散之若屬飲食所傷用六君子



湯為主勞傷元氣用補中益氣湯為主
若寒熱大作不論先後此太陽陽明合病
寒熱作則必戰經曰熱勝而動也發熱則
必汗泄又曰汗出不愈知內熱也陽盛陽
虛之症當內實外虛不治恐久而傳陰經
也宜用桂枝芍藥湯若病久須大補脾胃
為主蓋養正邪自除矣

王節齋云若胃氣弱飲食少或服截藥傷
脾胃而少食宜蒼白朮柴胡乾葛陳皮甘
草加人參芍藥麥芽先生曰愚按前症若
用寒涼止截脾胃傷損必致連綿不已若
非培養元氣決不能愈然芍藥麥芽善損
脾胃恐不宜多用

若中氣虛而痰甚用補中益氣湯加茯苓
半夏如未應用一味姜汁尤好

若血氣俱虛用人參生薑各一两煎服頓




止不問新久並效

若病勢止熾一二發間未宜遽截恐邪氣
不去正氣反傷耳

日久虛瘡寒熱不多或無寒而微熱愚按
前症若因胃氣虛用四君加升麻當歸若
脾血虛用四君加川芎當歸若因中氣下
陷用補中益氣湯加茯苓半夏大凡久瘡
多屬元氣虛寒蓋氣虛則寒血虛則熱胃

虛則惡寒脾虛則發熱陰火下流則寒熱
交作或吐涎不食戰慄泄瀉手足逆冷皆
脾胃虛弱但補中益氣諸症悉愈若悞投
以清脾截瘡二飲多致不起

冬官朱省庵停食感寒而患瘡自用清脾
截瘡二藥食後腹脹時或作痛服二陳黃
連枳實之類小腹重墜腿足浮腫加白朮
山查吐食未化謂余曰何也余曰食後脹



痛乃脾虛不能尅化也小腹重墜乃脾虛不能升舉也腿足浮腫乃脾虛不能運行也吐食不消乃脾胃虛寒無火也治以補中益氣加吳茱炮薑木香肉桂一劑諸症頓退飲食頓加不數劑而瘥大凡停食之症宜用六君枳實厚朴若食已消而不愈用六君子湯若內傷外感用藿香正氣散若內傷多而外感少用人參養胃湯若勞

傷元氣兼外感用補中益氣加川芎若勞傷元氣兼停食補中益氣加神麩陳皮若氣惱兼食用六君加香附山梔若噯酸或食後口酸當節飲食病作時大熱燥渴以薑湯乘熱飲之此截瘡之良法也每見發時飲啖生冷物者病或少愈多致脾虛胃損往、不治大抵內傷飲食者必惡食外感風寒者不惡食審係勞傷元氣雖有百




症但用補中益氣湯其病自愈其屬外感者主以補養佐以解散其邪自退若外邪既退即補中益氣以實其表若邪去而不實其表或過用發表虧損脾胃皆致綿延難治凡此不問陰陽日夜所發皆宜補中益氣此不截之截也夫人以脾胃為主未
有脾胃實而患瘧痢者若專主發表攻裏降火導痰是治其末而忘其本 前所

云乃瘧之大略如不應當分六經表裏而治之說見各方

此條詳言致瘧之因及因症治法甚為明晰此不惟瘧症即一切外感內傷俱宜參看

大尹曹時用患瘧寒熱用止截之劑反發熱惡寒飲食少思神思甚倦其脉或浮洪或微細此陽氣虛寒余用補中益氣內參



芪歸朮各加三錢甘草一錢五分加炮薑
附子各一錢一劑而寒熱止數劑而元氣
復

一儒者秋患寒熱至春未愈胸痞腹脹余
用人參二兩生薑二兩煨熟煎頓服寒熱
即止更以調中益氣加半夏茯苓炮薑數
劑元氣頓復後任縣尹每飲食勞倦疾作
服前藥即愈

予嘗見患山瘡久不止者多成壞症
想不知先生治法而醫藥亂投之故
予表兄沈鴻生孝廉精神素壯自閩
遊回患山瘡幾一載元氣都耗後雖
獲止而面黑眼黃見者驚異如是又
二載卒以鼓脹而亡先生指久瘡為
元氣虛寒信為確論患者慎之
一上舍每至夏秋非停食作瀉必瘡痢霍




亂遇勞吐痰頭眩體倦發熱惡寒用四物
二陳芩連枳實山梔之類患瘡服止截之
藥前症益甚時或遍身如芒刺然余以補
中益氣加茯苓半夏內參芪各用三錢歸
木各二錢十餘劑少愈若間斷其藥諸病
仍至連服三十餘劑全愈又服還少丹半
載形體充實

一婦人瘡久不愈發後口乾倦甚用七味
白朮散加麥門五味作大劑煎與恣飲再
發稍可乃用補中益氣加茯苓半夏十餘
劑而愈凡截瘡余嘗以參朮各一两生姜
四兩煨熟煎服即止或以大劑補中益氣
加煨薑尤效生薑一味亦效

截瘡此法絕佳何必更尋截藥大都
清脾截瘡二飲斷不可服

一婦人飲食後因怒患瘡嘔吐用藿香正



薛氏醫案 卷中
氣散二劑而愈後復怒吐痰甚多狂言熱
熾胸脇脹痛手按少止脉洪大無倫按之
微細此屬肝脾二經血虛以加味道遙散
加熟地川芎二劑脉症頓退再用十全大
補而安此症若用疏通之劑是犯虛之戒
矣

東洞庭馬志卿瘧後形體骨立發熱惡寒
食少體倦用補中益氣內參芪歸朮各加

三錢甘草一錢五分炮薑二錢一劑而寒
熱止數劑而元氣復

一婦人久患寒熱服清脾飲之類胸膈飽
脹飲食減少余用調中益氣加茯苓半夏
炮薑各一錢二劑而痊

一婦人勞役停食患瘧或用消導止截飲
食少思體瘦腹脹余以補中益氣倍用參
芪歸朮甘草加茯苓半夏各一錢五分炮




薑五錢一劑頃安又以前藥炮薑用一錢
不數劑元氣復而全愈

先生治瘡大都用補中益氣湯加炮
薑茯苓半夏而更倍加參芪歸朮以
助旺元氣予見時師治瘡大都用黃
芩柴胡之類云必先散其邪而後用
補劑予少時曾患此雖不敢服清脾
截瘡等狠劑而柴胡黃芩等劑不知

眼過多少十四五伐方得止亦甚狼
狽矣此病不宜食生冷最要亦不宜
食葷腥使滋味淡泊邪氣自衰予病
時守戒甚嚴瘡止後茹素者半月饒
極乃葷以是脾胃頓開幼時飲食少
進更不能多食葷腥自與食量大長
較昔倍增精神彌王是為病後調理
之法



脾肺虧損咳嗽痰喘等症十一
春若傷風咳嗽鼻涕有因風寒所傷
咳嗽聲重頭痛用金沸草散咳嗽聲重身
熱頭痛用局方消風散蓋肺主皮毛肺氣
虛則腠理不密風邪易入治法當解表兼
實肺氣肺有火則腠理不閉風邪外乘治
宜解表兼清肺火邪退即止若數行解散
則重亡津液邪蘊而為肺疽肺痿矣故凡



國立中央圖書館藏



肺受邪不能輸化而小便短少皮膚漸腫
咳嗽日增者宜用六君子湯以補脾肺六
味丸以滋腎水

夏多火熱炎上最重按王太僕云壯水之
主以制陽光前症若喘急而嗽面赤潮熱
其脉洪大者用黃連解毒湯熱燥而嗽用
梔子仁湯咳嗽唾有血用麥門冬湯俱兼以
六味丸夏月尤當用此壯腎水以保肺金

秋多濕熱傷肺若咳而身熱自便口乾便
赤脉虛而洪者用白扁湯身熱而煩氣高
而短心下痞滿四肢困倦精神短少者香
薷飲若病邪既去宜用補中益氣加乾山
藥五味子以養元氣柴胡升麻各二分以
升生氣


冬多風寒外感若風寒外感形氣病氣俱
實者宜用麻黃之類所謂從表而入自表



而出若形氣病氣俱虛者宜補其血氣而
佐以解表之藥若專於解表則肺氣益虛
腠理益疎外邪乘虛易入而其病愈難治
矣若病日久或誤服表散之劑以致元氣
虛而邪氣實者急宜補脾土為主則肺金
有所養而諸病自愈若人老弱或勞傷元
氣而患前症誤用麻黃枳殼紫蘓之類而
汗出亡陽者多患肺癰肺痿治失其宜多
致不起

嗽而有熱痰若心火乘肺輕則用麥門冬
湯重則用人參平肺散若上焦實熱用涼
膈散虛熱用六君子湯中焦實熱用竹葉
石膏湯虛熱用竹葉黃芪湯下焦虛熱用
六味丸

王云上半日咳者胃中有火以貝母石膏
黃連之類泄之先生曰愚按前症若胃中



熱甚為患者宜用本方泄之若胃中微熱
為患者當用竹葉石膏湯清之若胃中虛
熱所致者須用補中益氣湯補之俱少佐
以治痰之劑其五更咳嗽者當作脾虛宿
食為痰者治之

若黃昏嗽者屬脾肺氣虛以致腎經陽虛
陰弱而虛火上炎或房勞太過虧損真陰
為患法當補脾肺生腎水不可專主於肺
也

若午後嗽者屬腎氣虧損火炎水涸或津
液湧而為痰者乃真臟為患也須用六味
地黃丸壯腎水滋化源為主以補中益氣
湯養脾土生肺腎為佐設用清氣化痰則
誤矣

若咳嗽久肺虛者肺屬金生於脾土凡肺
金受邪繇脾土虛弱不能生肺乃所生受




病治者審之

王云若火鬱嗽為痰鬱火邪在中宜開鬱
消痰用訶子皮香附瓜蒌仁半夏麩海石
青黛黃芩為末蜜丸噲化仍服補陰降火
藥失治則成勞先生曰愚按前症若因肺
胃蘊熱痰氣不利宜用前藥若因脾肺不
清氣鬱痰滯用二陳加山梔枳殼桔梗若
因鬱結傷脾氣血虛損用濟生歸脾加山

梔柴胡若勞役失宜傷損元氣用補中益
氣加山梔桔梗

王云若痰積食積作咳嗽者用香附瓜蒌
貝母海石青黛半夏麩軟石膏山查枳實
黃連為末蜜丸噲化先生曰愚按前症若
因飲食停滯胃口濕熱所化者宜用本方
若因脾胃氣虛而痰積滯用六君子加枳
殼木香若因脾胃氣虛而食積滯用六君



子加神麩麥芽夫早間吐痰咳嗽屬食積喘促咳嗽屬肺氣虛火旺大抵當助胃氣為主不可崑攻其痰

勞嗽見血等症有勞傷元氣內火妄動而傷肺者亦有勞傷腎水陰火上炎而傷肺者有因過服天門生地寒藥損傷脾胃不能生肺氣而不愈者有因誤用黃栢知母之類損傷陽氣不能生陰精而不愈者凡此皆脾肺虧損而腎水不足以致虛火上炎真臟為患也須用補中益氣湯補脾土而生肺金用六味地黃丸滋腎水而生陰精否則不救

大參李北泉時唾痰涎內熱作渴肢體倦怠勞而足熱用清氣化痰益甚余曰此腎水泛而為痰法當補腎不信另進滾痰丸一服吐瀉不止飲食不入頭暈眼閉始信



內口醫案
卷中
十一
余用六君子湯數劑胃氣漸復却用六味
九月餘諸症悉愈

腎經陽氣虛憊者用八味丸脾肺氣虛不
能攝涎歸源而痰盛咳嗽者用六君子湯
加桔梗虛寒者更加炮薑

李北泉不嗽而惟吐痰兼以體倦之
熱自是腎陰不足之症奈何進滾痰
丸乎予往時曾咳嗽多痰自知起於

房室之事遵先生腎虛水泛為痰之
言恪服六味丸旋愈更不須服別劑
也此先服六君子蓋因滾痰丸傷脾
故不得已用此先救脾耳否則竟服
六味丸矣

鴻臚蘓龍溪咳嗽氣喘鼻塞流涕余用參
蘓飲一劑以散寒邪更用補中益氣湯以
實腠理而愈後因勞怒仍作自用前飲益



甚加黃連枳實腹脹不食小便短少服二
陳四苓前症愈劇小便不通余曰腹脹不
食脾胃虛也小便短少肺腎虛也悲因攻
伐所致投以六君加黃芪炮薑五味二劑
諸症頓退再用補中益氣加炮薑五味數
劑全愈

地官李北川每勞咳嗽余用補中益氣湯
即愈一日復作自用參蘓飲益甚服人參

敗毒散項強口噤腰背反張余曰此誤汗
亡津液而變症矣仍以前湯加附子一錢
四劑而痊感冒咳嗽若誤行發汗過多喘
促呼吸不利吐痰不止必患肺癰矣

咳嗽未有大患服藥一悞遂致種
變症先生云感冒咳嗽悞汗過多將
患肺癰可不慎歎

侍御譚希魯咳嗽吐痰手足時冷余以為



脾肺虛寒用補中益氣加炮薑而愈

手足冷之為脾虛易知也痰嗽似肺
火益氣湯加炮薑時師死不敢用也
職方王用之喘嗽作渴面赤鼻乾余以為
脾肺有熱用二陳加苓連山梔桔梗麥門
而愈

金憲阮君聘咳嗽面白鼻流清涕此脾肺
虛而兼外邪用補中益氣加茯苓半夏五

味治之而愈又用六君芎歸之類而安

肺脾虛而兼外邪益氣湯不妨用也
而加之以五味子所不可解或傳寫
偶悞未可知此當闕疑者也

儒者張克明咳嗽用二陳苓連枳殼胸滿
氣喘侵晨吐痰加蘓子杏仁口出痰涎口
乾作渴余曰侵晨吐痰脾虛不能消化飲
食胸滿氣喘脾虛不能生肺金涎沫自出




脾虛不能收攝口乾作渴脾虛不能生津
液用六君加炮薑肉果溫補脾胃更用
八味丸以補水母而愈

司應陳國華素陰虛患咳嗽以自知醫用
發表化痰之劑不應用清熱化痰等藥其
症愈甚余曰此脾肺虛也不信用牛黃清
心丸更加胸腹作脹飲食少思足三陰虛
志悉見余朝用六君桔梗升麻麥門五味

補脾土以生肺金夕用八味丸補命門火
以生脾土諸症漸愈經云不能治其虛安
問其餘此脾土虛不能生肺金而金病復
用前藥而反瀉其火吾不得而知也

中書鮑希伏素陰虛患咳嗽服清氣化痰
丸及二陳芩連之類痰益甚用四物黃柏
知母玄參之類腹脹咽啞右關脈浮弦左
尺脈洪大余曰脾土既不能生肺金陰火



又從而尅之當滋化源朝用補中益氣加
山茱參朮五味夕用六味地黃加五味子
三月餘喜其慎疾得愈

陰虛咳嗽三條之症相同此同益氣
湯六味丸而加朮冬五味其理易明
獨前兩條用八味丸以補火似與陰
虛相妨想三公初病雖同及服藥悞
後前二公皆現脾症故急在脾而用

八味以補母此則咽啞猶是熱症故
止用六味丸補陰耶

武選汪用之飲食起居失宜咳嗽吐痰用
化痰發散之藥時仲夏脉洪數而無力胸
滿面赤吐痰腥臭汗出不止余曰水泛為
痰之症而用前劑是謂重亡津液得非肺
癰乎不信仍眼前藥翌日果吐膿脉數左
三右寸為甚始信用桔梗湯一劑膿數頓



止再劑全止面色頓白仍自憂惶余曰此
疴面白脉濇不治自愈又用前藥一劑佐
以六味丸治之而痊

此乃悞藥而成肺癰先生治肺癰之
法非治咳嗽也

錦衣李大用素不慎起居吐痰自汗咳嗽
發熱服二陳苓連枳殼山梔之類前疴不
減飲食少思用四物二陳苓連黃柏知母

玄參之類前疴愈甚更加胸腹不利飲食
益少內熱晡熱加桑皮紫蘇杏仁紫菀桔
梗之類胸膈膨脹小便短少用豬苓澤瀉
白朮茯苓枳殼青皮半夏黃連蘇子胸膈
痞滿脇肋膨脹小便不通加茵陳葶藶喘
促不卧飲食不進余診之六脉洪數肺腎
二部尤甚余曰脾土既不能生肺金而心
火又乘之此肺癰之作也當滋化源緩則



不救不信後唾膿痰復求治余曰胸膈痞滿脾胃敗也喘促不卧肺金敗也小便不通腎水敗也脇肋膨脹肝木敗也飲食不化心火敗也此化源既絕五臟已敗藥豈能生耶已而果然

此兩條皆因咳嗽悞藥而成肺癰一則治之即愈一則不治而殞蓋此條眼藥太悞雜亂無紀五臟皆傷所以

同病而一治一不治也

絲客媿荃者素鬱怒年近六十脾胃不健眼香燥行氣飲食少思兩脇脹悶眼行氣破血飲食不入右脇脹痛喜用手按彼疑為膈氣痰飲內傷余曰乃肝木尅脾土而脾土不能生肺金也若內有瘀血雖單衣亦不敢著肉用滋化源之藥四劑諸症頓退彼以為愈余曰火令在通當補脾土以




保肺金彼不信後復作另用痰火之劑益甚求治左關右寸滑數此肺內潰矣仍不信乃眼前藥果吐穢膿而歿

現症皆脾病而先生脈之即知其脾土不能生肺金神哉若信服滋化源之藥豈至肺金之大敗乎不惟不保肺更眼痰火之劑以傷之所謂自求禍也

一儒者咳嗽痰甚胸腹不利飲食少思肢體倦怠脈浮大按之微弱服二陳枳殼等藥愈甚余曰脾胃腎虛也用補中益氣湯六味地黃丸而愈


余甥范允迪咳嗽痰盛胸腹不利飲食少思肢體倦怠脈浮大按之微弱服二陳枳殼等藥愈盛余曰脾肺腎虛也用補中益氣六味丸而愈



周上舍每至夏患咳嗽服降火化痰之劑
咳嗽愈甚脾肺腎脉皆浮而洪按之微細
余曰此脾土虛不能生肺金肺金不能生
腎水而虛火上炎也朝用補中益氣湯夕
用六味地黃丸而痊後至夏遂不再發
一男子神勞冬月患咳嗽服解散之劑自
以為便余曰此因肺氣虛弱腠理不密而
外邪所感也當急補其母是治本也始服

六君子湯內去參朮反加紫蘊枳殼之類
以致元氣益虛生肺癰而歿

太守錢東圩先患肩疽屬足三陰虛火不
歸源用壯水之主以制陽光而愈余曰瘡
法雖愈當屏去侍女恐相火一動其精暗
流金水復竭必致癩瘕後果喘嗽痰出如
湧面目赤色小便淋瀝又誤認為外感風
寒用麻黃湯表散汗出不止迎余視之其



脈已脫惟太冲未絕余曰此脾虛不能攝
涎腎虛不能生水肺虛不能攝氣水泛為
痰虛寒之症也辭為難治勉以益火之源
以消陰翳而愈繼又勞傷神思外邪乘之
仍汗出亡陽以致不起

上舍史瞻之每至春咳嗽用參蘓飲加苓
連棗杏乃愈乙巳春患之用前藥益甚更
加喉瘡就治左尺洪數而無力余曰此是
腎經陰火刑剋肺金當滋化源遂以六味
丸料加麥門五味炒梔及補中益氣湯而
愈

上舍陳道復長子虧損腎經久患咳嗽午
後益甚余曰當補脾土滋化源使金水自
能相生時孟春不信乃服黃柏知母之類
至夏吐痰引飲小便頻數面目如緋余以
白朮當歸茯苓陳皮麥門五味丹皮澤瀉



四劑乃以參芪熟地山茱為丸俾服之諸
症頓退復請視余以為信遂用前藥如嘗
與之彼仍泥不服卒致不起

一男子夏月吐痰或嗽用胃火藥不應余
以為火乘肺金用麥門冬湯而愈後因勞
復嗽用補中益氣加桔梗山梔芍苓麥門
五味而愈但口乾體倦小便赤澆日用生
脉散而痊若咳而屬胃火有痰宜竹葉石

膏湯胃氣虛宜補中益氣加貝母桔梗若
陰火上衝宜生脉散送地黃丸以保肺氣
生腎水此乃真臟之患非滋化源決不能
愈

先生動言滋化源化源者何土乃生
萬物之母補脾土以生肺金保肺金
以生腎水滋肝木此所謂金水相生
而所用之藥則無如補中益氣湯六




味地黄丸是已湯以補脾肺之氣丸以滋腎中之水氣血兼補使陰陽沖和而病自愈真純王之藥也然王道必世而後仁此藥亦積久而後效可與知醫者言難為求速效者道也

一婦人患咳嗽脇痛發熱日晡益甚用加味道遙散熟地治之而愈年餘因怒兼勞前症仍作又太陽痛或寒熱往來或咳嗽



國家圖書館 NATIONAL CENTRAL LIBRARY, TAIWAN, R. O. C.





INTERNATIONAL



REPRODUCTION OF THE ORIGINAL DOCUMENT



100/177 v. 5

國立中央圖書館 NATIONAL CENTRAL LIBRARY, TAIWAN, R O C



遺尿皆屬肝火血虛陰挺痿痺用前散及
地黃丸月餘而瘥
表弟婦咳嗽發熱嘔吐痰涎日夜約五六
碗喘咳不寧胸滿躁渴飲食不進崩血如
湧此命門火衰脾土虛寒用八味丸及附
子理中湯加減治之而愈詳見婦人血崩
一婦人不得於姑患咳嗽胸膈不利飲食
無味此脾肺俱傷痰鬱於中先用歸脾湯

國家圖書館 NATIONAL CENTRAL LIBRARY, TAIWAN, R.O.C.



加山梔撫芎貝母桔梗諸症漸愈後以六
君加芳歸桔梗間服全愈

治鬱症用歸脾湯加山梔撫芎貝母
桔梗此妙方也

一婦人咳嗽早間吐痰甚多夜間喘息不
寐余謂早間多痰乃脾虛飲食所化夜間
喘急乃肺虛陰火上衝遂用補中益氣加
麥門五味而愈

中卷終

評註薛氏醫案卷下



古吳薛 已立齋著

樵李黃承昊履素評輯

脾腎虧損頭眩痰氣等症 十二

聞老梁厚齋短氣有痰小便赤瀉足跟作
痛尺脈浮大按之則瀉此腎虛而痰飲也
用四物送六味丸不月而康仲景先生云
氣虛有飲用腎氣丸補而逐之誠開後學



加山梔撫芎貝母桔梗諸症漸愈後以六
君加芳歸桔梗間服全愈

治鬱症用歸脾湯加山梔撫芎貝母
桔梗此妙方也

一婦人咳嗽早間吐痰甚多夜間喘息不
寐余謂早間多痰乃脾虛飲食所化夜間
喘急乃肺虛陰火上衝遂用補中益氣加
麥門五味而愈

中卷終

評註薛氏醫案卷下




古吳薛 已立齋著

樵李黃承昊履素評輯

脾腎虧損頭眩痰氣等症 十二

聞老梁厚齋短氣有痰小便赤濇足跟作
痛尺脈浮大按之則濇此腎虛而痰飲也
用四物送六味丸不月而康仲景先生云
氣虛有飲用腎氣丸補而逐之誠開後學



之曠噴濟無窮之天枉腎氣丸即六味丸也

四物湯治頭目不清故用之

都憲蓋有涯氣短痰暈服辛香之劑痰盛遺尿兩尺浮大按之如無余以為腎家不能納氣歸源香燥致甚耳用八味丸料三劑而愈

孫都憲形體豐厚勞神善怒面帶陽色口

渴吐痰或頭目眩暈或熱從腹起左三脉洪而有力右三脉洪而無力余謂是三陰虧損用補中益氣加麥門五味及加減八味丸而愈若人少有老態不耐寒暑不勝勞役四時迭病皆因少時氣血方長而勞心虧損或精血未滿而御女過傷故其見症難以悉狀此精氣不足但滋化源其病自痊又若飲食勞役七情失宜以致諸症




亦當治以前法。設或六淫所侵而致諸症，亦因真氣內虛而外邪乘襲。尤當固胃氣為主。蓋胃為五臟之根本，故黃栢知母不宜輕用。恐復傷胃氣也。大凡瘵症屬內因，乃形氣病氣俱不足，當補不當瀉。傷寒雖屬外因，亦宜分其表裡虛實治當審之。

先生此論發前人之奧義，開後世之拘攣，救人利物德莫大焉。滋化源固

胃氣真醫雜症者之龜鑑。讀者須細心體察，不得草草。

儒者王錄之素痰甚，導吐之後大便燥結，頭暈眼花等症。尺脈浮大，按之則滿。此腎氣虛而兼血虛也。四物送六味丸，四劑諸症悉退，仍用前丸月餘而康。

愈憲高如齋，素唾痰，服下痰藥痰去甚多，大便秘結，小便頻數，頭暈眼昏，尺脈浮大。



按之如無余謂腎家不能納氣歸源前藥復耗金水而甚用加減八味丸料煎服而愈

儒者楊文魁素稟痰疾諸藥不應服牛黃清心丸吐痰甚多或頭暈或熱從脇起左脈洪大有力右脈浮大而無力余曰此足三陰虧損虛火不能歸源用補中益氣加麥門五味及加減八味丸補其化源而愈

秋官張碧崖面赤作渴痰盛頭暈此腎虛水泛為痰用地黃丸而愈

儀制賀朝鄉吞酸胸滿痰盛作瀉飲食少思用清氣化痰等藥前症益甚兩膝漸腫寒熱往來余謂脾胃虛濕熱下注用補中益氣倍參朮加茯苓半夏炮薑而愈

昌平守王天成頭暈惡寒形體倦怠得金稍愈勞而益甚寸關脈浮大此脾肺虛弱




用補中益氣加蔓荊子而愈後因勞役發
熱惡寒謔言不寐得食稍安用補中益氣
湯而痊

天尹祝支山因怒頭暈拗內筋攣時或寒
熱日晡熱甚此肝火筋攣氣虛頭暈用八
珍加柴胡山梔牡丹皮二十餘劑而愈
上舍顧桐石會飲於周上舍第問余曰向
蓋有涯東谷俱為無嗣納寵已而得疾皆

頭暈吐痰並用蘓合香丸惟有涯得生何
也余曰二症因腎虛不能納氣而為頭暈
不能制水而為痰涎東谷專主攻痰行氣
有涯專於益火補氣故耳後余應杭人之
請桐石房勞過度亦患前症或用清氣化
痰愈甚顧曰我病是腎虛不能納氣歸源
治者不悟而歿惜哉

一男子素厚味胸滿痰盛余曰膏粱之人



內多積熱與法製清氣化痰丸而愈彼為
有驗脩合餽送脾胃虛者無不受害


先兄體貌豐偉唾痰甚多脰洪有力殊不
耐勞遇風頭暈欲仆口舌欲裂或至赤爛
誤食薑蒜少許口瘡益甚服八味丸及補
中益氣加附子錢許即愈停藥月餘諸症
仍作此命門虛火不歸源也

此當與火不歸源條參看

侍御譚希曾喘咳吐痰或手足時冷此中
氣虛寒用補中益氣炮姜而愈

職方盧抑齋飲食素少或痰壅氣喘頭搖
目劄揚手擲足難以候脈視其面色黃中
見青此肝木乘脾土如小兒慢驚之症先
用六君柴胡升麻而安更以補中益氣加
半夏而痊

考功楊朴菴嘔吐痰涎胸腹膨脹飲食少



思左關脈弦長按之無力右關脈弦長按
之微弱此木尅土用六君子加柴胡山梔
木香而愈

一儒者體肥善飲仲秋痰喘用二陳苓連
益甚加桑皮杏仁盜汗氣促加貝母枳殼
不時發熱余以為脾肺虛寒用八味丸以
濟土母補中益氣以接中氣而愈

此條原載暑濕所傷門內殊無交涉

今移入痰嗽後

二守陳子忠飲食少思吐痰口乾常服二
陳枳實黃連之類脾胃受傷乃問於余余
述東垣先生曰脾胃之症實則枳實黃連
瀉之虛則白朮陳皮補之彼遂以二味等
分為丸常服由是多食而不傷過時而不
饑

徽州江商常服二陳枳實黃連青皮厚朴



胸腹快利後患腹脹請治脉已脫余曰至
暮必歿已而果然內經千言萬語只在人
有胃氣則生又曰四時皆以胃氣為本凡
脉促代屋漏之類或暴脫余急用參附等
藥多有復生者

一武職形體魁梧素不圍爐不喜熟食行
則喘促自謂氣實老痰眼碑記丸攻伐之
診其脉洪數重按全無余謂命門火衰脾
肺虛寒與八味丸一眼痰喘稍止數服全
止遂能親火喜熱飲食蓋碑記丸出自西
域浼方外人所製者經云西域水土剛強
其民不衣而褐薦其民華色而脂肥故邪
不能傷其形體其病生於內其治宜毒藥
由此觀之恐不可槩用也

太倉陸中舍以腎虛不能攝水肚腹脹大
用前丸未數服而歿于京今之專門治蠱



者即此方也又名黑丸子用之無不速亡
機房蔡一素不慎起居患症同前更加手
足逆冷惡寒飲食余用補中益氣湯加附
子一錢先回其陽至數劑諸症漸愈余因
他往或用峻厲之劑下鮮血甚多亦致不
起


一男子素吐痰遇怒其痰益甚胸膈痞滿
此肝木制脾土也用六君加木香治之而

痊

一婦人素鬱結胸膈不寬吐痰如膠用加
味歸脾湯乃瘳

一婦人吐痰頭暈帶下青黃用四七湯送
白丸子小紫胡加白朮茯苓治之而安

一婦人元氣素弱痰氣時作或咽間不利
或胸痞等症余以為鬱結傷脾用加味歸
脾湯治之而愈後遇恙怒前症仍作感於




象言以為痰飲妄用祛痰之劑吐瀉數次
變諸異症口禁不醒余以為脾胃復傷日
用六君子一劑米飲濃煎常服匙許至四
日漸進粥食乃服前藥間以歸脾湯喜其
善調養兩月餘諸症悉愈

附論各項痰症

愚按痰症有因脾氣不足者有因脾氣鬱
滯者有因脾肺之氣虧損者有因腎氣虛
不能攝水泛而似痰者有因脾氣虛不能
攝涎上溢而似痰者有因熱而生痰者有
因痰而生熱者有因風寒暑濕而得者有
因驚而得者有因氣而得者有因酒而得
者有因食積而得者有脾虛不能運化而
生者有胸中痰鬱而似鬼附者各審其原
而治之
痰者脾胃之津液或為飲食所傷或因七



情六淫所擾故氣壅痰聚諺云肥人多痰
而在瘦人亦有之何也蓋脾統血行氣之
經氣血俱盛何痰之有皆繇過思與飲食
所傷損其經絡脾血既虛胃氣獨盛脾為
己土胃為戊土戊癸化火是以濕因氣化
故多痰也遊行周身無所不至痰氣既盛
客必勝主或奪於脾之大絡之氣則倏然
仆地者此痰厥也升於肺則喘急咳嗽迷
於心則怔忡恍惚走於肝則眩暈不仁脇
肋脹痛關於腎不哈而多痰唾留於胃脘
則嘔瀉而作寒熱注於胸則咽膈不利着
稜骨痛入於腸則瀉、有聲散則有聲聚
則不利竊謂若脾氣虛弱不能消濕宜用
補中益氣湯加茯苓半夏若因脾氣虛弱
濕熱所致宜用東垣清燥湯若因胃氣虛
弱寒痰凝滯宜用人參理中湯若因脾胃



虛寒而痰凝滯者宜用理中化痰丸若因
脾胃虛弱而痰滯氣逆宜用六君子加木香若
因脾胃虛弱而肝木乘侮宜用六君子加
柴胡頭痛宜用半夏白朮天麻湯若因脾
腎虛弱寒邪所乘以致頭痛宜用附子細
辛湯


若因肺經風熱而生痰者宜用金沸草散
若因風火相搏肝經風熱熾盛而生痰者
宜用牛黃抱龍丸或牛黃清心丸若因肝
經血燥而生痰者宜用六味地黃丸若因
熱盛制金不能平木而生痰者宜用柴胡
梔子散若因中氣虛弱不能運化而生痰
者宜用六君柴胡鈞藤

若風寒鬱熱宜用參蘓飲加山楂芩若
中氣虛宜用補中益氣加半夏桔梗若腎
虛陰火炎上空用六味丸若腎氣虛寒痰



上湧用八味丸若肺氣虛弱不能清化而有痰者宜用六君子加桔梗若因脾經氣滯而痰中有血者宜用加味歸脾湯若因肝經血熱而痰中有血者宜用加味逍遙散若因肝腎陰虛而痰中有血者宜用六味地黃丸若因過服寒涼之劑而吐痰有血者必用四君子湯之類以主之

虛者多因脾氣衰弱不能生血也皆當調補脾胃之氣則無食積之患而血自生矣王節齋立加味化痰丸治痰滿胸膈咽喉不利先生不以為然云前症若因鬱傷脾氣脾血虛損用歸脾湯加炒梔柴胡治之若因怒動肝火脾土受尅用六君子加炒梔柴胡平之若因飲食傷脾營氣虛弱用六君子湯調之若因勞傷元氣用補中益



氣湯主之東垣先生云胃為五臟之根本
胃氣益虛脾無所稟五臟皆虛諸症蜂起
矣

王節齋又立化痰丸以治老痰鬱痰在心
肺之分咽喉之間而吐不出咽不下者其
方用門冬海石半夏瓜蒌香附連翹黃芩
芒硝等先生亦以為非謂前方味屬甘苦
鹹寒之劑雖能軟堅開鬱化痰降火而不

無損胃之禍若脾土太過氣滯鬱熱而生
痰者用之得宜若脾土不及氣痞虛熱而
生痰者用之必致中滿吞酸吐腹腫脹小
便不利而歿愚謂痰結之症若飲食少思
或胸膈不利者此中氣虛弱也宜用補中
益氣湯為主中氣既健其痰自運化若腎
氣虧損津液難降敗濁為痰者乃真臟之
症宜用六味地黃丸為主腎氣既壯津液



清化而何痰之有哉亦有因脾胃虧損中
焦氣虛不能運化而痰者亦有因峻厲過
度脾氣愈虛不能運化津液凝滯而為痰
者凡此皆當健脾胃為主又有因脾經鬱
結而傷陰血者有因腎水虧損而陰火上
炎者有因脾肺火鬱而生痰者治法若因
七情鬱結痰涎滯於喉間者先用局方四
七湯調和滯氣後用歸脾湯調補脾血脾
火傷血用加味歸脾湯肺經鬱火用知母
茯苓湯若婦人患此而兼帶下皆由鬱結
傷損肝脾當佐以四七湯送青州白丸子
此等症候屬脾胃氣虛為本而氣滯痰結
為末也古方用十棗湯控涎丹神祐丸滾
痰丸異香枳實利膈滌痰透羅破飲降氣
化痰等湯蘊合香丸之類皆形病克實之
藥也西北人用之多有效驗其屬虛弱者



皆致臍腹脹滿而歿

肝腎虧損血燥結核等症 十二

若頭面頸頰身中有結核不痛不紅不作
膿者皆痰注也宜隨處用藥消之

若脾肺氣逆而痰滯於肉裏或散或作肉
色不變亦不作痛按之不硬此為痰核宜
推其因而治其本則痰自消若因鬱怒虧
損肝脾或因暴怒觸動肝膽經火以致血
病結核或筋攣於項側耳前後或胸脇腫



痛或發寒熱。此為瘰癧。宜用柴胡清肝散。
加釣藤、鈞山、梔。以養血氣。清肝火。若肉色
不變。晡熱內熱。屬肝經血虛火旺。宜用逍
遙散。加龍胆草。以養肝血。清肝火。或結於
肢節。或累。如貫珠。其色不變。亦為肝火。
血燥而筋攣。宜用柴芍參苓散。加釣藤。以
養血氣。佐以六味丸。以生腎水。

儒者楊澤之。性躁嗜色。缺益結一核。此肝
火血燥筋攣法。當滋腎水。生肝血。不信。乃
內服降火化痰。外敷南星商陸。轉大如碗。
余用補中益氣。及六味地黃。間以蘆薈丸。
年餘。元氣漸復。而腫消。

一男子素善怒。左項微腫。漸大如升。用清
痰理氣。而大熱作渴。小便頻濁。余謂腎水
虧損。用六味地黃。補中益氣。而愈。亦有胸
脇等處。大如升斗。或破。而如菌。如榴。不問



大小俱治以前法

一男子頸間結核大潰年餘一男子脅間
一核初如豆粒二年漸大如桃悉用清肝
火養肝血益元氣而愈

舉人江箭夫頸臂脇肋各結一核恪服祛
痰降火軟堅之劑益甚余曰此肝膽經血
少而火燥也彼執前藥至明年六月各核
皆潰脈浮大而濇余斷以秋金將旺肝木

被尅必不起後果然此等症候世人多視
以為外科之病而付之瘍醫且忽為小病
而不慎抑知江孝廉竟以此喪其生耶

一婦人經事不調肝膽經分結核如棒如
豆不計其數肉色不變大按方痛或投化
痰消毒之藥不按白痛發熱作渴日晡益
甚余謂屬肝火之症用養血解鬱清肝之
藥百餘劑諸症已退惟項核未消更以當



歸龍菴丸數服及四物柴胡山梔而愈

一婦人耳前後結核耳內微腫寒熱口苦
用小柴胡山梔桔梗川芎四劑而愈後因
恚怒耳前後頭兩角俱痛發熱憎寒以小
柴胡山梔川芎桔梗菴活二劑而愈

詳見外科

樞要

脾腎虧損小便不利肚腹膨脹等症


十四

大尹劉天錫內有濕熱大便滑利小便瀉
滯脹淡滲之劑愈加滴瀝小腹腿膝皆腫
兩眼脹痛此腎虛熱在下焦淡滲導損陽
氣陰無以化遂用地黃滋腎二丸小便如
故更以補中益氣加麥門五味兼服而愈
州守王用之先因肚腹膨脹飲食少思服



二陳枳實之類小便不利大便不實咳痰
腹脹用淡滲破氣之劑手足俱冷此足三
陰虛寒之症也用金匱腎氣丸不月而康
世醫見小便不利大便不實多用茯苓
澤瀉等淡滲之藥不以為意先生
每謂淡滲導損陽氣而兢兢乎慎之
絕不用以治此症識見高出等夷吾
人不宜輕忽淡滲之劑而頻服之也

州同劉禹功素不慎起居七情以致飲食
不甘胸膈不利用消導順氣肚腹痞悶吐
痰氣逆用化痰降火食少泄瀉小腹作脹
用分利降火小便瀉滯氣喘痰湧眼清氣
化痰丸小便愈滯大便愈瀉肚腹脹大肚
臍突出不能寢卧六脈微細左寸虛甚右
寸短促此命門火衰脾腎虛寒之危症也
先用金匱加減腎氣丸料內桂附各一錢



五分二劑下痰穢甚多又以補中益氣送
二神丸二劑諸症悉退五六又用前藥數
劑并附子之類貼腰臍及湧泉六寸脈漸
復而安後因怒腹悶感於人言服沉香化
氣丸大便下血諸症悉至余曰此陰絡傷
也辭不治果歿

一富商飲食起居失宜大便乾結常服潤
腸等丸後胸腹不利飲食不甘口乾體倦
發熱吐痰服二陳黃連之類前症益甚小
便滴瀝大便泄瀉腹脹少食服五苓薤麥
之類小便不通體腫喘嗽用金匱腎氣丸
補中益氣湯而愈

一儒者失於調養飲食難化胸膈不利或
用行氣消導藥咳嗽喘促服行氣化痰藥
肚腹漸脹服行氣分利藥睡卧不能兩足
浮腫小便不利大便不實脉浮大按之微



細兩寸皆短此脾腎虧損朝用補中益氣
加薑附夕用金匱腎氣加骨脂肉果各數
劑諸症漸愈再佐以八味丸兩月乃能步
履却服補中八味半載而康
一男子素不善調攝唾痰口乾飲食不美
服化痰行氣之劑胸滿腹膨痰涎愈盛服
導痰理脾之劑肚腹膨脹二便不利服分
氣利水之劑腹大脇痛睡卧不得服破血
消導之劑兩足皆腫脈浮大不及於寸口
朝用金匱加減腎氣丸夕用補中益氣湯
煎送前九月餘諸症漸退飲食漸進再用
八味丸補中湯月餘自能轉側又兩月而
能步履却服大補湯還少丹又半載而康
後稍失調理其腹仍脹眼前藥即愈
一男子患前症余為壯火補土漸愈彼欲
速服攻積之劑下血甚多余診之曰此陰




絡傷故血內溢非所宜也後果歿

一男子胸膈痞悶專服破氣之藥余曰此血虛病也血生於脾土若眼前藥脾胃氣弱而血愈虛矣不信又用內傷之藥反吐血余曰此陽絡傷也後果然


陰絡傷故下血陽絡傷故吐血悞服攻積之藥故傷陰絡悞服破氣之藥故傷陽絡不可不知 大都飲食難

化胸膈痞悶小便不利大便不實等症決不可過于攻尅多成壞症先生但以壯火補土為主所用藥惟金匱加減腎氣丸八味丸及補中益氣湯湯丸兩者兼而服之信為純王妙理大方世家湖鄉離群索居山妻趙氏忽嬰痰熱治者多以寒涼偶得小愈三四年餘屢進屢退于是元氣消燼庚子夏遍身浮



腫手足麻冷日夜咳嗽煩躁引飲小水不利大肉盡去勢將危殆幸遇先生診之脉洪大而無倫按之如無此虛熱無火法當壯火之源以生脾土與金匱腎氣丸料服之頓覺小水潰決如泉俾日眼前丸及大補之藥二十餘劑而愈三四年間卒康無恙迄今甲辰仲春悲哀動中前症復作體如焚燎口肉盡腐胸腹腫滿食不下咽者

四日夫婦相顧束手待斃而已又承先生視之投以八味丸二眼神思清爽服金匱腎氣丸料加參芪歸朮未竟夕而胸次漸舒陡然思食不三日而病去五六矣嗣後日用前二丸間服逾月而起至秋初復患痢又服金匱腎氣丸料加參芪歸朮黃連吳茱朮香黃連吳茱五味數劑而全愈大氣加朮香黃連吳茱五味數劑而全愈大



方自分寒素命亦蹇剝山妻抱病沉痾本
難調攝苟非先生援救填壑未免今不肖
奔走衣食於外而可無內顧之憂矣然則
先生之仁庇固不肖全家之福亦不肖全
家之感也斯言也當置之座右以為子孫
世誦之不肖常侍先生之側檢閱醫案始
知山妻奏效巖末遂秉書紀二丸藥之聖
且彰先生用藥之神萬一云吳門晚學生

沈大方履文再拜頓首謹書

附論喘脹二症


愚按前症若肺中伏熱不能生水而喘且
渴者用黃芩清肺飲以治肺用五苓散以
清小便若脾肺虛弱不能通調水道者宜
用補中益氣湯以培元氣用六味地黃丸
以補腎水若膏梁厚味脾肺積熱而喘者
宜清胃散以治胃用滋腎丸以利小便若



心火尅肺金而不能生腎水者用人參平
肺散以治肺用滋陰丸以瀉小便若腎經
陰虧虛火燥肺金而小便不生者用六味
地黃丸以補腎水用補中益氣湯以培脾
土若脾氣虛弱不能相制而喘者用補中
益氣湯以培元氣用六味地黃丸以生腎
水若肝木尅脾土不能相制而喘者用六
君紫胡升麻以培元氣六味地黃丸以補
腎水若脾胃虛寒不能相制而脹者用六
味丸以補脾肺生腎水若脾腎虛寒不能
通調水道而脹者宜用金匱加減腎氣丸
補脾肺生腎水若酒色過度虧損足三陰
而致喘脹痰瀉二便不調或大便道相牽
作痛者亦宜用此丸多有生者



脾胃虧損暑濕所傷等症十五附命生
冷入房
一儒者每春夏口乾發熱勞則頭痛服清
涼化痰藥瀉喘煩躁用香茹飲神思昏憤
脈大而虛此因閉藏之際不遠幃幕為患
名曰注夏用補中益氣去柴胡升麻加五
味麥門炮姜一劑脈益甚仍用前藥加肉桂
五分服之即甦更用六味丸而痊
此條係注夏症



國立中央圖書館藏



一男子盛暑發熱胸背作痛飲湯自汗用發表之藥昏憤譫語大便不實吐痰甚多用十全大補湯一劑頓退又用補中益氣湯加炮姜二劑全愈

大司徒李蒲汀南少宰時濕熱泄瀉因未生子惑于人言淡滲之劑能瀉腎因服參芪之藥後變黃疸小便不利胸滿腹脹余曰有是病必用是藥以茵陳五苓散加苓

連山梔二劑而愈至辛卯得子公執余手而笑曰醫方猶公案也設君避毀譽殘喘安得享餘年而遂付託之望哉繇是禮遇益厚

若小便不利四肢沉重渴不欲飲此濕膠於熱用大茵陳湯大便自利茵陳梔子黃連湯若往來寒熱身黃者宜用小柴胡加梔子若因勞傷形體飲食失節而身黃者



用小半夏湯蓋黃疸為內傷不足之症宜
調補脾胃元氣為主若妄用驅逐復傷元氣多
致不起

此二條係黃疸症

應天王治中遍身發黃妄言如狂苦于胸
痛手不可近此中焦畜血為患用桃仁承
氣湯一劑下瘀血而愈

太守朱陽山弟下部蓄血發狂用抵當湯
而愈

此二條係畜血症

一男子夏月入房食水果腹痛余用附子
理中湯而愈有上舍徐民則同患此不信
別用二陳苓連枳實香茹飲之類而死


附論傷暑諸症

愚按東垣先生曰暑熱之時無病之人或
避暑熱納涼於深堂大廈得之者名曰中



暑其病必頭痛惡寒身形拘急肢節疼痛
煩熱無汗為房室陰寒之氣所遏名曰中
暈以大順散熱藥主之若行人或農夫於
日中得之者名曰勞役中熱其病必苦頭
痛躁熱惡熱肌熱大渴汗泄懶動為天熱
外傷肺氣以蒼朮白扁湯涼劑主之若人
元氣不足用前藥不應宜補中益氣湯主
之大抵夏月陽氣浮於外陰氣伏於內若


人飲食勞倦內傷中氣或酷暑勞役外傷
陽氣者多患之法當調補元氣為主而佐
以解暑若中暈者乃陰寒之症法當補陽
氣為主少佐以解暑故先哲多用姜桂附
子之類此推內經捨時從症之良法也今
患暑症歿而手足指甲或肢體青黯此皆
不究其因不溫補其內而泛用香薷飲之
類所誤也夫香薷飲乃散陽氣濕真陰之



劑也。須審有是症而服。亦何患哉。若人元氣素虛。或犯房勞過度。而飲之者。適所以招暑使中也。至若清暑益氣湯。內用澤瀉。猪苓之類。必審其果有濕熱壅滯。方可用之。否則虧損其陰。而傷其目矣。所當審察儀部李北川仲夏患腹痛吐瀉。兩手足捫之。則熱。按之。則冷。其脈輕胗。則浮大。重診則微細。余曰。此陰寒之症也。急服附子理中湯。不應。仍服至四劑而愈。

文選姚海山中暑頭痛發熱。氣高而喘。肢體倦怠。兩手麻木。余謂熱傷元氣。用人參益氣湯。頓安。又用補中益氣湯。加麥門五味而痊。

愚按丹溪先生云。天地以五行更迭。衰旺而成。四時人之五臟六腑亦應之。而衰旺四月屬巳。五月屬午。為火太旺。火為肺金。



之夫火旺則金衰六月屬未土太旺土為
水之夫土旺則水衰况腎水嘗藉肺金為
母以補其不足古人於夏月必獨宿而淡
味保養金水二臟經曰冬藏精者春不病
温十月屬亥十一月屬子正火氣潛藏必
養其本然之真而為來春發生之本能於
此時不恣欲以自戕至春升之際根本壯
實何病之可言哉

王節齋言傷暑發熱汗大泄無氣力脉虛
細而遲此暑傷元氣也治法以參芪麥門
冬白芍陳皮茯苓黃連甘草黃柏白朮香
薷知母白匾豆水煎服薛先生云愚按前
症有熱傷元氣而汗出者有勞傷元氣而
汗出者有因元氣素虛腠理不密而汗出
者治法暑傷元氣者清暑益氣湯勞傷元
氣者補中益氣湯元氣素虛而自汗者十



全大補湯如兼盜汗佐以六味丸加五味子前云大汗無力脈虛細遲屬陽氣虛弱內黃栢知母恐後復傷陽氣芍藥茯苓恐導損陰氣也治者審之

王節齋云若暑月過用生冷茶水傷其內又過取涼風傷其外以致惡寒發熱胸膈飽悶飲食不進或兼嘔吐泄瀉此內外俱傷寒涼也治法以人參乾姜厚朴陳皮菴活茯苓枳實白木甘草姜水煎服薛先生云前症宜用此方如未應宜用藿香正氣散若內外已解寒熱未退或飲食不進宜用六君子保命集云霍亂屬陽明症宜用和中平胃建中湯葷或四君子湯脈浮自汗四君子加桂枝主之脈浮無汗四君子加麻黃吐利轉筋脇下痛脈弦者木尅土也用平胃散加木瓜或建中加柴胡木瓜



吐利轉筋腹痛體重脈沉而細四君子加
白芍藥良姜吐利四肢拘急脈沉而遲屬
少陰四君加姜附厚朴吐利四肢厥冷脈
微緩屬厥陰建中加歸附吐利頭痛而身
熱熱多欲飲水者五苓散寒多不欲水者
埋中丸主之元戎云太陰症霍亂者理中
加橘紅吐下腹痛手足逆冷理中加熱附
子吐利後轉筋者理中加火煨石膏一兩

進士劉華甫夏月食生冷菓而患腹痛余
用附子理中一鍾頓安


凡方內用木瓜者俱用
砂器煎炒忌鐵故也餘

此方依

若人元氣虛弱或在途中宜常服補中益
氣湯去升柴加麥門冬五味子或少加炒
黑黃栢甚妙人參益氣湯亦佳



肝脾腎虧損目耳鼻等症 十六
給事張禹功目赤不明服祛風散熱藥反
畏明重聽脉大而虛此因勞心過度飲食
失節以補中益氣加茯神棗仁山藥山茱
五味頓愈又勞後復甚用十全大補兼以
前藥漸愈却用補中益氣加前藥而痊東
垣云諸經脉絡皆走於面而行空竅其清
氣散於目而為精走於耳而為聽若心煩



事冗飲食失節脾胃虧損心火太甚百脈
沸騰邪害孔竅而失明矣况脾為諸陰之
首目為血脈之宗脾虛則五臟之精神皆
失所自而不能歸明于目矣心者君火也
主人之神宜靜而安相火代行者令相火
者包絡也主百脈皆榮於目既勞役運動
勢乃妄行又因邪氣所并而損血脈故諸
病生焉凡醫者不理脾胃及養血安神治

證不治本是不明正理也若唯用辛涼若
寒之劑損傷真氣促成內障之疾矣又云
目者五臟之華上榮於目得氣血之精者
若昏暗或有黑荅皆腎經不足也用滋陰
腎氣丸若視物散大或見非常之狀者皆
陰血虛弱也用滋陰地黃丸若兩目昏暗
四肢倦怠者乃脾虛五臟之精不能上騰
用東垣益氣聰明湯若兩目緊小羞明畏



明或痛如刺者上焦風熱也用黃連飲子
若久視生蒼畏日遠視如霧者神氣傷也
用神效黃芪湯大凡午前甚而作痛者東
垣助陽活血湯午後甚而作痛者黃連天
花粉丸午後甚而不痛者東垣益陰腎氣
丸能近視不能遠視地芝丸能遠視不能
近視定志丸

一男子年二十素嗜酒色兩目赤痛或作


乃脾肺之氣虛不能上行也用東垣神效
黃芪湯若病後或日晡或燈下不能觀物
者乃陽虛下陷陰盛故也用決明夜光丸
或鎮陰升陽湯 又云若體倦少食視物
昏花或飲食勞倦益甚者脾胃虛也用補
中益氣湯眩多緊澀赤脈貫睛或臟腑秘
結者用芍藥清肝丸若赤翳布白異日蚤



或止兩尺洪大按之微弱余謂少年得此
目當失明翌早索途而行不便天日衆皆
驚異余與六味地黃丸料加麥門五味一
劑頓明

一儒者兩目作痛服降火祛風之藥兩目
如緋熱倦殊甚余用十全大補湯數劑諸
症悉退服補中益氣兼六味丸而愈復因
勞後午後目濇體倦服十全大補而痊

時師治目痛大都散風祛熱其少有
識者止與養血先生則推本於脾胃
予六旬矣而忽患此症戒勿散風祛
熱確服四物湯加甘菊決明子稍愈
即眼益氣湯是以不傷元氣而得全
愈蓋祛散得速效而補養無近功然
祛散則傷氣血而補養則益本源必
不以彼易此目赤痛而因於勞心




過度飲食不節此先生高識實所未
知方書無不指為因風因熱因肝經
火盛而然或謂勞心所致則亦有之
至指為飲食不節所致則實辨論獨
見也

一儒者日晡兩目緊澁不能瞻視此元氣
下陷用補中益氣倍加參芪數劑全愈
一男子亦患前症服黃柏知母之類更加

便血六脾虛不能統血肝虛不能藏血也
用補中益氣六味地黃而愈

予弱冠抱羸疾一二年後氣血愈耗
目視無力不能覽細書每強閱及久
閱則兩目酸澁無措非累日不復光
醫者咸為血少腎枯服養陰補血藥
都不效及後因指麻多服益氣湯因
力漸充始信亦因元氣下陷之故非




關血少也

已上係目症

少宰李蒲汀耳如蟬鳴服四物湯耳鳴益甚此元氣虧損之症五更服六味地黃丸食前服補中益氣湯頃愈

少司馬黎仰之南銀臺時因怒耳鳴吐痰作嘔不食寒熱脇痛用小柴胡合四物加山梔茯苓神陳皮而瘥

惡按前症若血虛有火用四物加山梔柴胡若中氣虛弱用補中益氣湯若血氣俱虛用八珍湯加柴胡若怒便聲而或鳴者屬肝膽經氣實用小柴胡加芩歸山梔虛用八珍湯加山梔若午前甚者陽氣實熱也小柴胡加黃連山梔陽氣虛用補中益氣湯加柴胡山梔午後甚者陰血虛也四物加白朮茯苓若腎虛火動或痰盛作渴



者必用地黃丸經云頭痛耳鳴九竅不利
腸胃之所生也脾胃一虛耳目九竅皆為
之病

已上係耳症

尚實劉毅齋怒則太陽作痛用小柴胡加
茯苓山梔以清肝火更用六味丸以生腎
水後不再發

譚侍御每頭痛必吐清水不拘冬夏吃姜

便止余作中氣虛寒用六君當歸黃芪木
香炮姜而瘥

商儀部勞則頭痛余作陽虛不能上升以
補中益氣加蔓荊子而瘥

一男子房勞兼怒風府脹悶兩脇脹痛余
作色慾損腎怒氣傷肝用六味地黃丸料
加柴胡當歸一劑而安

一儒者酒色過度頭腦兩脇作痛余以為



腎虛而肝病亦用前藥頓安
人有久頭痛畧感風寒便發寒月瀕重綿
包裹者此症多主於痰痛甚者乃風毒上
攻有血虛者有諸經氣滯者有氣虛者有
四氣外傷有勞後所傷有可吐者有可下
去當分虛實寒熱兼變而治之若夫偏正
頭風久而不愈必內挾痰涎風火鬱遏經
絡氣血壅滯甚則目昏紫小二便秘澀宜
及出其血以開鬱解表

已上係頭脇諸症

一男子面白鼻流清涕不聞馨穢三年矣
用補中益氣加麥門山梔而愈

臭塞之症有因飢飽勞役所傷脾胃發生
之氣不能上升邪害空竅故不利而不聞
香臭者宜養脾胃使陽氣上行則鼻通矣
按東垣云膽移熱於腦則辛頰鼻淵治之



川邊僻處
生也
外解下


以防風湯大抵胃氣不和之所致者多矣

已上係鼻疰

附論齒痛

愚按齒痛若因手足陽明經濕熱用東垣
清胃散若因風寒入腦之痛齒亦痛用羌
活附子細辛湯若因思慮傷脾用歸脾湯
若因鬱火所致用越鞠丸若因酒麪炙博
而發用清胃散若因飲食傷脾用六君子


湯若因勞傷元氣用補中益氣湯若因脾
胃素弱用六君當歸升麻若因腎經陰虛
用六味丸若因腎經陽虛用八味丸若陰
陽俱虛用十補丸若脾腎虛寒用安腎丸
徐用誠先生云凡齒病惡寒熱等症觸手
足陽明經齒搖斷脫屬足少陰經齒齲
痛出血皆胃火所致也亦有諸經錯雜之
邪與外因為患者



廷尉張中梁齒動掇用安腎丸考功楊仲
玉齒動用補中益氣湯侍御王濟川齒掇
靛露用承氣湯文選鄭伯興齒腦痛用菟
活附子湯顏僉憲齒痛用涼膈散郭職方
過飲用清胃散党吏部熱風犀角升麻湯朱
工部血氣虛用十全大補湯沈大尹頭腦
齒痛手足厥冷此風寒入腦用麻茸附子
細辛湯並愈

附論陰痿

學士徐崦西口乾有痰欲服瓊玉膏余曰
此沈陰降火之劑君面白口乾而有痰屬
脾胃氣虛也常用溫補之劑不信乃服兩
劑餘大便不實飲食少思且兼陰痿始信
余言先用補中益氣加茯苓半夏二味以
溫補脾胃飲食漸加大便漸實乃去二味
服月餘而痊更服六味丸三月餘陰道如



常凡瓊玉膏固本丸坎離丸此輩俱是沈
寒瀉火之劑非腸胃有燥熱者不宜服若
足三陰經陰虛發熱者久而服之令人無
子蓋謂損其陽氣則陰血無所生故也屢
驗

附論疝氣

愚按疝症專主肝經者多如運氣或在泉
寒勝木氣攣縮禁於此經或司天燥勝木

氣抑鬱於此經或忿怒悲哀憂抑損挫結
於此經或藥淋外固閉尾縮精壅於此經
其病差別如此且夫遺溺閉癢陰痿疝痺
精滑白淫皆男子之疝也不可妄歸之腎
冷血涸不月，罷腰膝上熱足臂，嗇乾癢
閉少腹有塊或移前陰突出後陰痔核皆
女子之疝也但女子不謂之疝而為之瘕
若年少而得之不計男子婦人皆無子故



隱菽委曲之事了不干脾胃小腸之事乃
只厥陰之症也竊謂前症若因肝經濕熱
當用炒山梔茯苓黃柏澤瀉川芎當歸吳
茱萸黃連山查若肝腎二經濕熱當用六
味地黃丸料加柴胡山梔若肝脾二經陰
虛熱宜補中益氣加炒山梔炒黑黃連吳
茱萸蓋症名有七形症所因不同治法亦
異詳玉機微義


脾肺腎虧損小便自遺淋瀝等症十七

愚按經云膀胱不約為遺溺小便不禁常
常出而不覺也人之漩溺賴心腎二氣之
所傳送蓋心與小腸為表裡腎與膀胱為
表裡若心腎氣虧傳送失度故有此症治
宜溫煖下元清心寡欲又有產蓐不順致
傷膀胱若內虛寒者秘元丹韭子丸之類
若內虛濕熱者六味地黃丸或加五味杜



仲補骨脂年老者八味丸產蓐收生不謹
損破尿胞者參朮補胞湯加猪羊胞煎之
竊謂肝主小便若肝經血虛用四物山梔
若小便澁滯或莖中作痛屬肝經濕熱用
龍膽瀉肝湯若小便頻數或勞而益甚屬
脾氣虛弱用補中益氣湯加山藥五味子
若小便無度或淋瀝不禁乃陰挺痿痺也
用六味地黃丸若小便澁滯或補而益甚

乃膀胱熱結也用五淋散其脾肺燥不能
化生者黃芩清肺飲膀胱陰虛陽無所生
者滋腎丸膀胱陽虛陰無所化者六味丸
劉大參年踰六旬形氣瘦弱小便不禁
或頻數內熱口乾或咳痰喘暈余以為肺
腎氣虛用六味丸益氣湯以滋化源彼不
信反服補陰降火澁精之劑降竅作痛或
小便不利仍服前藥不兩月而愈



大司徒許函石有南銀臺時因勞發熱小便自遺或時不利余作肝火陰挺不能約制午前用補中益氣加山藥黃栢知母午後服地黃九月餘諸症悉退此症若服燥劑而頻數或不利用四物麥門五味甘草若數而黃用四物加山茱黃栢知母五味麥門若肺虛而短少用補中益氣加山藥麥門若轉筋小便不通或喘急欲死不問

男女孕婦急用八味丸緩則不救若老人陰痿思色精不出而內敗小便道澀痛如淋用加減八味丸料加車前牛膝若老人精已竭而復耗之大小便道牽痛愈痛愈欲便愈便則愈痛亦治以前藥不應急加附子若喘嗽吐痰腿足冷腫腰骨大痛面目浮腫太陽作痛亦治以前藥若痛愈而小便仍澀宜用加減八味丸以緩治之



此症病因不一治者詳之有疑寧勿
藥也予有時小便忽清而長有時忽
黃而短且淋瀝都不可解予搃聽之
而不治亦無大害小便頻人皆謂
下元虛獨予小便若少體便不佳小
便若多體便覺健此不可解先生言
肺不能生腎故小便短少予病想坐
此

司徒邊華泉小便頻數瀉滯短赤口乾藥
痰此腎經陽虛熱燥陰無以化用六味滋
腎二丸而愈

司馬李梧山莖中作痛小便如淋口乾唾
痰以思色精降而內敗用補中益氣六味
地黃而愈

考以楊朴庵口舌乾燥小便頻數此膀胱
陽燥陰虛先用滋腎丸以補陰而小便愈



再用補中益氣六味地黃以補肺腎而安
若汗多而小便短少或體不禁寒乃脾肺
氣虛也

司空何燕泉小便赤短體倦食少缺盆作
痛此脾肺虛弱不能生腎水當滋化源用
補中益氣六味丸加五味而安

陶主客素膏梁小便赤數口乾作渴吐痰
稠粘右寸關數而有力此脾肺積熱遺於

膀胱用黃芩清肺飲調理脾肺用滋腎六
味二丸滋補腎水而愈

一儒者發熱無時飲水不絕每登廁小便
瀉痛大便牽痛此精竭復耗所致用六味
丸加五味子及補中益氣喜其謹守得愈
若肢體畏寒喜熱飲食用八味丸

儒者楊文魁痢後兩足浮腫胸腹脹滿小
便短少用分利之劑遍身腫兼氣喘余曰



兩足浮腫脾氣下陷也胸腹脹滿脾虛作痞也小便短少肺不能生腎也身腫氣喘脾不能生肺也用補中益氣加附子而愈半載後因飲食勞倦兩目浮腫小便短少仍眼前藥頓愈

甲戌年七月余奉侍 武廟湯藥勞後過其飲食失節復兼怒氣次年春莖中作痒時出白津信或痛甚急以手緊捻纔止此

肝脾之氣虛也服地黃丸及補中益氣加黃柏紫胡山梔茯苓木通而愈至丁酉九月又因勞後小便淋瀝莖痒竅痛仍眼前湯加木通茯苓膽草澤瀉及地黃丸而愈大尹顧榮甫尾閭作痒小便赤瀉左尺脈洪數屬腎經虛熱法當滋補彼不信乃服黃柏知母等藥年許高骨腫痛小便淋瀝肺腎二脉洪數無倫余曰子母俱敗無能




為矣後果歿

余甲辰仲夏在橫金陳白野第會其外舅
顧同厓求余診脉左尺澁結右寸洪數余
曰此肺金不能生腎水誠可慮果至季冬
莖道澁痛如淋愈痛則愈欲便愈便則愈
痛而歿

予臆友賀立庵常言其伯父賀岳精
于醫曾治一孕婦將坐草患小便不

通百藥不效愈飲愈飽衆醫束手待
斃賀君診之曰此乃脾氣虛弱不能
脘胞故胞下墜壓塞膀胱水道以致
不通大健其脾則胞舉而小便自通
矣以白朮二兩加砂仁數錢別加一
二輔佐之藥服一劑小便立通其神
如此予常記此言于懷中壬寅歲予
內人有姪竟患此症醫藥無效危甚



予以此言告于醫者喜醫者虛心如
賀法治之立効遂生長子寅錫予若
不記斯言母子殆矣 予家有一僕
婦患小便不通藥之不効亦危甚矣
一草澤醫人教取白蘿蔔子炒香以
湯吞之立効此予所目擊者故載之
以于指上將竭例起印於小便通利矣






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C



Inches 1 2 3 4 5 6 7 8
Centimeters 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007
Blue Cyan Green Yellow Red Magenta White 3/Color Black



2010-2011 METROPOLITAN MUSEUM OF ART



211700 > v. 6


國家圖書館 NATIONAL CENTRAL LIBRARY, TAIWAN, R.O.C.



脾肺腎虧損虛勞怯弱等症
此當與咳嗽吐血遺精等門互看
愚按虛損之症設若腎經陰精不足陽無
所化虛火妄動以致前症者宜用六味地
黃丸補之使陰旺則陽化若腎經陽氣燥
熱陰無以生虛火內動而致前症者宜用
八味地黃丸補之使陽旺則陰生若脾虛
不能生腎陰陽俱虛而致前症者宜用補



國家圖書館 NATIONAL CENTRAL LIBRARY, TAIWAN, R.O.C.



中益氣湯六味地黄丸培補元氣以滋腎
水若陰陽絡傷血隨氣泛行而患諸血症
者宜用四君子加當歸純補脾氣以攝血
歸經太僕先生云大寒而盛熱之不熱是
無火也大熱而盛寒之不寒是無水也又
云倏忽往來時發時止是無水也晝見夜
伏夜見晝止不時而動是無火也當求其
屬而主之無火者宜益火之源以消陰翳

無水者宜壯水之主以鎮陽光不可泥用
沉寒之劑

凡男子少年色慾過度先見潮熱盜汗咳
嗽倦怠等病此屬足三陰虧損虛熱無火
之症故晝發夜止夜發晝止不時而作當
用六味地黄丸為主以補中益氣湯調補
脾胃若脾胃先損者當以補中益氣為主
以六味地黄丸溫存肝腎多有得生者若



誤用黃柏知母之類則復傷脾胃飲食日少諸藏愈虛元氣下陷腹痛作瀉則不可救矣夫衄血吐血之類因虛火妄動血隨火而泛行或陽氣虛不能攝血歸經而妄行其脉弦洪乃無根之火浮於外也大抵此症多因四五月為火土大旺金水衰涸之際不行獨宿淡味保養二藏及十一月火氣潛藏不遠幃幙戕賊真元故至

春末夏初忘頭疼脚軟食少嗜熱注夏之病或少有老態不耐寒暑不勝勞役四時迭病皆因氣血方長而勞心虧損或精血未滿而早斷喪故其見症難以名狀若左尺形虛弱或細數是左腎之真陰不足也用六味丸右尺脉遲軟或沉細而數欲絕是命門之相火不足也用八味丸至於兩尺微弱是陰陽俱虛也十補丸此皆滋其



化源也仍參前發熱及後咳嗽諸症治法
用之

若寅卯辰時潮熱者肝經燥熱也用六味
丸補腎水以生肝血若午未時潮熱者心
經虛熱也用六味丸壯水之主以制陽光
申酉戌時潮熱者肺經虛熱也用補中益
氣湯培脾土以生肺金亥子丑時潮熱者
腎經虛熱也用六味丸蕪手足逆冷者腎

經虛敗也用六味丸大凡潮熱發熱晡熱
者五臟齊損也宜用六味丸氣血虧損者
須用十全大補湯

庶吉士黃伯鄰發熱吐痰口乾體倦自用
補中益氣湯不應余謂此金水俱虛之症
蕪服地黃丸而愈後背患一癆煩痛寒熱
彼因前月嘗偕往視郭主政背疽郭不經
意余決其殞於金旺之日果符余言已而



郭氏妻孥感其毒皆患惡瘡伯鄰所患與郭患同心甚恐余曰此小瘡也憎寒等症皆陰虛舊症果是瘡毒亦當補氣血余在弟就以地黄丸料煎與服之即睡良久合症頓退自後常有頭面耳目口舌作痛或吐痰眩暈之類服前藥即愈後任都憲贊益法道出於蘊必垂顧焉

少司空何瀟川足熱口乾吐痰頭暈服四

物黃連黃栢飲食即減痰熱益甚用十全大補加麥門五味山茱而愈

一儒者或兩足發熱或脚眼作痛用六味丸及四物加麥門五味玄參治之而愈後因勞後發熱惡寒作渴煩燥用當歸補血湯而安

丹溪心法載一男子兩足常熱冬月不可加綿自誇壯實丹溪曰此陰虛



也。急宜養陰。不信。年近四十。患痿而
死。要知足。處陰地。而反得熱。候且三
陰之脈。皆始于足。故足熱。為陰虛之
候。然止宜平補。如薛先生治法。斷不
可知。丹溪方法。服四物加黃柏。知母
之類。陰氣未充。胃氣先敗。害人不淺。
予當年極苦此症。幸奉先生教。得保
殘生。予弱冠時。患傷風。不慎于色。

鼻重吐痰。月餘不醒。遂於痰中見血。
自是面熱。手冷。口乾。喉間有痰。臍兩
背時作酸。楚夜間蒸。內熱皆陰虛
症候。此時若得先生治之。必使服益
氣湯六味丸。緩收功矣。素何不知。
醫藥石。亂投。曾讀先生書。亦取前湯
前丸。服之矣。但不知。須以久。取効。乍
服。不見奇功。竟謂先生之言。平耳。



輒置不服病久成鬱、火彌盛一口
就醫于姑蘓有庸醫以為火症以苓
連栢苦寒之劑藥之纔服二劑忽覺
手足冷俄而冷過節俄而冷上于膝
即覺鼻間冷氣出恍如高橋上墜入
重淵之狀神思陰、欲脫予危甚急
煎人參生姜湯服之稍定邀名醫張
蓮水過治張謂雖悞服寒劑然不可

又服熱藥傷陰平治之足矣于是治
以八珍湯加天麻服之月餘神氣雖
稍定然自此陰陽愈虛種、變病不
一而足楚苦二十年迨登第後心氣
大開仍多服補中益氣湯及溫暖之
丸而精神稍生前病稍痊若初病即
守先生法而久之服之豈受此許多
磨折也 予後來變症有丹田氣虛



之候甚異每遇多言丹田下即覺虛
怯非累日緘口則氣不服若悞服寒
藥即甚或至夜半陰極時下元氣欲
脫手足冷大汗出殊是可畏急煎參
芪少加附子服之每至子丑時候乃
定必服溫暖之藥彌月方得稍安蓋
久病久鬱生機遏抑一身中幾無陽
氣故見此奇症三十四歲登賢書後

心氣稍開陽氣漸生此病得減迨登
第後則更覺氣王不難應酬矣

府庠王以道元氣素弱丙午丁未二年以
科場歲考積勞致疾至十二月間其病盛
作大熱淚出隨凝目赤面黧揚子露胸氣
息沉、幾絕脈洪大鼓指按之如無舌乾
捫之如刺此內真寒而外假熱也遂先服
十全大補湯余曰既服此湯其脉當收歛



為善少頃熟睡覺而惡寒增衣服頓微細如絲此真寒之象也余以人參一兩加熟附三錢水煎頓服而安夜間脈復脫余以參二兩熟附五錢仍愈後以大劑參朮歸身炙甘草等藥調理而安

儒者劉允功形體魁偉冬日飲水自喜壯實余曰此陰虛也不信一日口舌生瘡或用寒涼之劑肢體倦怠發熱惡寒余用六味地黃補中益氣而愈

一男子腿內作痛用滲濕化痰藥痛連臀肉面赤吐痰脚跟發熱余曰乃腎虛陰火上炎當滋化源不信服黃柏知母之類而歿

凡人腿足作痛此係腎家內症切不可視為風濕而亂投藥石予姊夫吳公甫生平精神壯盛多內寵年及四



旬時已酉歲予同公甫在南都應試
春中會飲其神氣方王夏初忽患腿
痛竟視為風濕終日服祛風散濕之
劑不輟口未幾吐痰吐血肌肉盡削精
氣頓衰臨塲已病甚至仲冬遂殞蓋公
甫多姬妾腿痛的係腎虛乃竟悞藥
致死此編其可不讀乎

余甥居宏年十四而娶至二十肌體豐厚

發熱作渴面赤作脹或外為衄血內用降
火肢體倦怠痰涎愈多肌洪數鼓指用六
味丸及大補湯加麥門五味而痊
余甥凌雲漢年十六庚子夏作渴發熱吐
痰唇燥遍身生疥兩腿尤多色黯作痒日
晡愈熾仲冬腿患瘡尺脈洪數余曰疥腎
疝也瘡骨疽也皆腎經虛症針之膿出其
氣氤氳余謂火旺之際必患瘡症遂用六



味地黄十全大補不二旬諸症愈而瘵症
具仍用前藥而愈抵冬娶妻至春其疴復
作父母憂之俾其外寢雖其年少謹疾亦
服地黄數斤煎藥三百餘劑而愈
按內傷發熱者因飲食過時勞後過度而
損耗元氣陰火得以乘其土位故翁；然
而發熱宜用補中益氣湯以升其陽若因
勞力辛苦入房不節虧損精血虛火妄動
而發熱者宜用六味地黄丸以補其陰不
可認作有餘之火而用黃栢知母之類也
錫凌雲霄年十五壬寅夏見其面赤唇
燥形體消瘦余曰子病將進矣癸卯冬復
見之曰子病愈深矣至甲辰夏胃脘部分
有青色此木乘土也始求治先以六君加
柴胡芍藥山梔蕪荑炒黑黃連穀劑及四
味肥兒六味地黄二丸及參苓白朮歸芍



山梔麥門五味炙甘草三十餘劑肝火漸
退更加膽草柴胡三十餘劑乃去芍加肉
桂三十餘劑及加減八味丸元氣漸復而
愈

大都虛勞怯弱之症當審其陰陽氣
血受病之處而溫平調劑之切勿可
有求速效之心即見種熱症必不
可治以苦寒六味地黃丸極能除熱

予所親試者但收功極緩人不耐耳
最要保其胃氣胃氣不傷病終可救
予每見弱症醫藥亂投致脾敗而死
者多矣此症大都陰虛者多而陽
虛者少陰虛之論莫妙于先生已詳
于前篇學者所當深究而確奉者也
切不可信丹溪補陰丸方論悞人不
淺據丹溪論人身中陽常有餘陰常



不足而專主于補陰其論非謬然陽
為天陰為地有天然後有地天施然
後地生又如日月然月必借日之光
以為光故陽生則陰長其理相須非
可盡遺陽而專言補陰也補陰丸之
方一概皆屬沉陰之藥傷陽傷胃頗
不相宜予少年曾確服之全不見效
又如人參一味乃中和妙品雖專主
補氣入血藥中即能補血此即陽生
陰長之義乃王節齋謂此症服人參
過多者不治亦非確論惟先生以益
氣湯與六味丸兼服此是獨得之見
虛勞瘵大約兼咳嗽吐血遺精等
候而此書各分門類當以意並參之
方全


通府黃廷用飲食起居失宜兩足發熱口



乾吐痰自用二陳四物益甚兩尺數而無力余曰此腎虛之症也不信乃眼前藥足跟熱痒以為瘡毒又服導濕之劑赤腫大熱外用敷藥破而出水久而不愈及用追毒丹瘡突出如桃始信余言滋其化源半載得瘥

儒者章立之左股作痛用清熱滲濕之藥色赤腫脹痛連腰脇腿足無力余以為足三陰虛用補中益氣六味地黃兩月餘元氣漸復諸症漸退喜其慎疾年許而瘥府庠鍾之英兩腿生瘡色黯如錢似癩者三四痒痛相循膿水淋漓晡熱內熱口乾面蠶此腎虛之症用加味六味丸數日而愈此等症候用祛風敗毒之劑以致誤人多矣

一男子素遺精脚跟作痛口乾作渴大便



乾燥午後熟甚用補中益氣加芍藥玄參
及六味丸而愈

此四條原載下部瘡腫門予閱之與
虛勞所載大略相同因改附於此瘡
腫自有外科樞要在可考也

附足軟無力

愚按前症多因足三陰虧損若脾腎不足
而無力者用還少丹肝腎虛熱而足無力
者用六味丸如不應急用八味丸

大尹徐克明因飲食失宜日晡發熱口乾
體倦小便赤濇兩腿酸疼無力彼知醫自
用四物黃柏知母之劑反頭眩目赤耳鳴
唇燥寒熱痰湧大便熱痛小便赤澁又用
四物苓連枳實之類胸膈痞滿飲食少思
汗出如水再用二陳苓連黃柏知母麥門
五味言語謔妄兩手舉沸余謂汗多亡陽



神無所依用參芪各伍錢歸朮各三錢遠志茯苓神酸棗仁炙草各一錢服之熟睡良久四劑稍安又用八珍湯調補而愈一儒者因累婚脚腿軟痛面黑食減惡寒足腫小腹脹痛上氣痰喘余以為少陰虧損陽氣虛寒之症用八味丸料煎服諸症頓除又服九劑半載元氣漸充形體如故証治要訣云治勞之法當以調心補

腎為先不當用峻烈之劑惟宜溫養滋補以久取効天雄附子之類投之適足以發其虛陽然不可因有熱純用甜冷之藥以傷其胃氣蓋藥物養生惟取溫和為上辟如天道大寒則肅殺大熱則枯焦惟春令一行則陽和之氣能使百昌遂而萬物榮故偏寒偏熱之劑所以治實熱實寒之病



而不可以施于虛勞怯弱之人蓋人
之臟腑稟受大異有稟熱臟不獨苓
連無害即大黃亦不能動者有稟寒
臟附子每日服半兩者治者不可不
審也

王損菴先生曰丹溪論勞瘵主乎陰
虛者蓋自子至巳屬陽自午至亥屬
陰、虛則熱在午後子前寤屬陽寐
屬陰、虛則汗泛寤時盜出也升屬
陽降屬陰、虛則氣不降氣不降則
痰涎上逆而連綿生出不絕也脈浮
屬陽沉屬陰、虛則浮之洪大沉之
空虛也此皆陰虛之證用四物湯加
黃柏知母主之然世醫遵用治疾乃
百無一效者何哉蓋陰既虛矣火心
上炎而川芎當歸皆味辛氣大溫非




滋虛降火之藥又川芎上竈尤非虛
炎短乏者所宜地黃泥膈非胃弱食
少痰多者所宜黃栢知母苦辛大寒
雖曰滋陰其實燥而損血雖曰降火
其實苦先入心久而增氣反能助火
至其敗胃所不待言用藥如此烏能
奏功也子每用薏苡仁百合天門冬
麥門冬桑根白皮地骨皮牡丹皮枇

杷葉五味子酸棗仁之屬佐以生地
汁藕汁乳汁童子小便等如咳嗽則
多用桑皮枇杷葉有痰則增貝母有
血則多用薏苡仁百合增阿膠熟地
則多用地骨皮食少則用薏苡仁至
七八錢而麥門冬常為之主以保肺
金而滋生化之源無不應手而効蓋
諸藥皆稟燥降收之氣之薄者為



陽中之陰氣薄則發泄辛甘淡平寒涼是也以施於陰虛火動之症猶當溽暑伊鬱之時而商颺颯然倏動則炎歎如失矣與治暑熱用白虎湯同意然彼是外感為有餘故用寒沉蘆之藥而後能輔其偏此是內傷為不足但用燥降收之劑而已得其平矣此用藥之權衡也 虛勞之疾百脉

空虛非粘膩之物填之不能實也精血枯涸非滋濕之物潤之不能潤也宜用人參黃芪地黃天麥門冬枸杞子五味子之屬各煎膏另用青蒿以童便熬膏及生地汁白蓮藕汁人乳汁薄荷汁隔湯煉過酌定多少并麋角膠霞天膏合和成劑每用匙湯化服之如欲行瘀血加入醋製大黃



木子玄明粉桃仁泥韭汁之屬欲止
血加入京墨之屬欲行痰加入竹瀝
之屬欲降火加入童便之屬 凡虛
勞之症大抵心下引脇俱疼蓋滯血
不消新血無以養之也尤宜用膏子
加韭汁桃仁泥 大略前言薏苡仁
之屬治肺虛後言參芪地黃膏子之
類治腎虛蓋肝心屬陽肺腎屬陰

虛則肺腎虛矣故補肺腎則是補陰
非四物黃柏知母之謂也 又云治
虛勞當以脾腎二藏為要何以言之
腎乃繫元氣者也脾乃養形體者也
經曰形不足溫之以氣者也謂真氣
有少火之溫以生育形體然此火不
可使之熱；則壯；則反耗真氣也
候其火之壯少皆在兩腎間經又曰



精不足補之以味五味入胃各從所
喜之歲而歸之以生津液輸納於腎
者若五味一有過節反成其歲有餘
勝克之禍起矣候其五味之寒熱初
在脾胃次在其所歸之歲即當補其
不足瀉其有餘謹守精氣調其陰陽
使神內臟夫如是則天樞開發而胃
和脉生故榮衛以周於內外無不被

滋養而病愈矣 以上數條乃王損
菴先生治虛勞之法迥異時流予曾
遵服亦有效故并誌之


王節齋云人若遇勞倦辛苦用力過度即
以炙黃芪一錢五分人參白朮陳皮麥門
冬各一錢炙甘草七分加薑棗煎服免生
內傷發熱之症如勞倦甚加熟附子四五
分先生曰愚按前論開世俗之矇瞶濟無



湯

若人勞心過度神眩目昏心虛氣短即以
人參當歸酒炒白芍茯苓神棗仁各一錢麥
冬炒山梔生地陳皮川芎甘草五味子各


五分煎服先生曰愚按前症宜用此方不
宜多服其麥門冬芍藥山梔生地性寒恐
復傷損脾氣若脾胃素虛熱而患前症但
以補中益氣湯加麥門五味亦可若因饑
渴勞後或因誤行攻伐以致氣高而喘身
熱而煩或自汗此為陽氣內傷宜用補中
益氣湯若因飢飽勞後或因悞出汗以致
飢熱大渴引飲目赤面紅脈洪大按之如




無此為血脫煩燥宜用當歸補血湯

脾肺腎虧損遺精白濁吐血便血等
症十九

愚按遺精有四有用心過度心不攝腎而致者有因色慾不遂精氣失位輸精而出者有色慾太過滑泄不禁者有年壯氣盛久無色慾精氣滿溢者有小便出多不禁者或不出小便而自出或莖中出而痺痛者如欲小便者宜辰砂妙香散或威喜丸



引自國家圖書館藏 NATIONAL CENTRAL LIBRARY TAINAN TAIWAN



大抵調補元氣為主聖人教人收心養性
厥有旨哉

少宰汪涵齋頭暈白濁余用補中益氣加
茯苓半夏愈而復患腰痛用山藥山茱五
味草薛遠志頓愈又因勞心盜汗白濁以
歸脾湯加五味而愈後不時眩暈用八味
丸全愈


此條雖係白濁而眩暈居多當與痰

暈條參看

司廳陳石鏡久患白濁發熱體倦用補中
益氣加炮薑四劑白濁稍止再用六味地
黃蕪服諸症悉愈

先祿紫黼庵因勞患赤白濁用濟生歸脾
十全大補二湯間服而愈

愚按赤白濁之症若脾肺虛熱者用補中
益氣湯送六味丸肺腎虛熱者用黃芩清



肺飲送六味丸肝腎虛熱者加味逍遙散
送六味丸勞傷心腎者清心蓮子飲鬱結
傷脾者歸脾湯若鬱怒傷肝脾者加味道
遙散若心腎虛弱者小温金散若思慮傷
心腎者菝葜丸夢遺精滑赤白二濁治法
當互參用之

司廳張檢齋陰囊腫痛時發寒熱若小腹
作痛則莖出白津用小柴胡加山梔龍膽

草茱萸芩歸而愈

一男子莖中痛出白津小便秘時作痒用
小柴胡加山梔澤瀉炒連木通膽草菝葜
二劑頓愈又蕪六味地黄丸而痊

以前數條俱係白濁類 予少時患
白濁醫者投以通利之類並未有效
服益氣湯地黄丸者有一單方用黃
柏二兩煎湯頓服之豈不大傷元氣



從今追思令人寒心予病此百藥不
効聽其自衰而愈

一儒者患此兼脚眼作痛口乾作渴大便
乾燥午後熱甚用補中益氣加芍藥玄參
并加減八味丸而愈

朱工部勞則遺精齒牙即痛用補中益氣
加半夏茯苓芍藥并六味地黃丸漸愈更
以十全大補加麥門五味而痊

一男子白濁夢遺口乾作渴大便閉澀午
後熱甚用補中益氣加芍藥玄參并加減
八味丸而愈 一男子發熱便血精滑
一男子尿血發熱 一男子發熱遺精或
小便不禁俱屬腎經虧損用地黃丸益氣
湯以滋化源並皆得愈

以前三條俱係夢遺遺精之類

愚按夢遺精滑之症屬足三陰虧損所致



蓋腎主閉藏肝主疎泄若肝腎虛熱者用
四物加柴胡山梔山茱萸山藥或用六味
丸加味逍遙散脾胃氣虛者用補中益氣
丸加山茱萸山藥思慮傷脾者兼用歸脾湯
加山茱萸山藥肝腎虧損者六味丸真陽虛
敗八味丸心腎不交用單薤分清飲心氣
虛熱者清心蓮子飲若腎氣不足用益志
湯金鎖正元丹脾虛熱者用六味丸補中

益氣湯凡此悉屬不足之症亦可用十全
大補湯或單薤分清飲送八味丸

世人遺精之症少而夢遺之症多夢
遺之病原不一然大較心腎二經之
候故士人患此者尤多凡心火亢盛
則相火隨動而夢遺斯頻清其心而
涼其腎所以治其標交通其心腎乃
所以治其本舍此而議所以澁之止



之非徒無益而又害之矣先大夫少
時極苦此病先大夫為舉子時功名
心至急每至臨場無夜不遺百治不
效迨場畢即稀矣及發解後愈稀至
登第後則稀之稀矣予少亦苦此至
僥倖後亦遂稀踈要知此症大半屬
心非可獨責于腎也凡人少年多患
此迨年漸暮則漸稀則知此症全屬


火旺故火衰則自減也 大都夜卧
太煖則遺陽道著物則遺睡次側臥
縮一足勿使著物則可免先大夫臨
場多遺無法可治將所卧床席鑿一
大孔以防夜睡著物及發解武林居
停親戚到主家稱喜特看解元書室
見床席間大竅無不驚怪捧腹云
不夢而遺謂之遺精子三十二歲曾



患之龜頭時有精微、流出晝夜常
然予初時驚懼特甚人身幾許精血
而堪此消、不絕乎高明醫者慰予
無害但勿服澁藥予病以悞服附子
得之知是火症勸予涼補而勿熱補
仍服六味地黃丸加沙苑蒺藜兔絲
子及炒黑黃柏少許等藥將此病什
之度外莫置諸懷如常將理凡兩年

而始全愈龍骨牡蠣金櫻子等藥澁
未入口蓋人身中惟氣血周流斯得
快暢豈可澁之使滯雖得暫效貽害
實深患者審之予初有恨心及兩年
間應酬如常絕無倦態豈此精與交
媾之元精不同故無大害耶

一男子年踰二十斲喪太早夢遺精滑睡
中盜汗唾痰見血足熱痿軟服黃柏知母



之類余曰此陽虛而陰弱也當滋其化源
不信恪服之前症益甚其頭漸大顛門漸
開視物皆大吐痰叫喊余以如法調補諸
症漸退頭顛漸斂而安

一男子鰥居數年素勤苦勞則吐血發熱
煩躁眼犀角地黃湯氣高而喘前病益盛
更遺精白濁形體倦怠飲食少思脉洪大
舉按有力服十全大補加麥門五味山茱

小藥而愈

儒者楊啟元素勤苦吐血發瘕不知人事
余以為脾胃虛損用十全大補湯及加減
八味丸而瘕愈再用歸脾湯而血止

一童子年十四發熱吐血余謂宜補中益
氣以滋化源不信用寒涼降火愈甚始謂
余曰童子未室何腎虛之有參芪補氣奚
為用之余述丹溪先生云腎主閉藏肝主



疎泄二臟俱有相火而其系上屬於心、
為君火為物所感則易於動心動則相火
翕然而隨雖不交會其精亦暗耗矣又精
血篇云男子精未滿而御女以通其精則
五臟有不满之處異日有難狀之疾遂用
補中益氣及地黃而瘥
一男子咳嗽吐血熱渴痰盛盜汗遺精用
地黃丸料加麥門五味治之而愈後因勞


怒忽吐紫血塊先用花蓋石散又用獨參
湯漸愈後勞則咳嗽吐血一二口脾肺腎
三脉皆洪數用補中益氣六味地黃而全
愈

一男子吐血遇勞即作余以為勞傷肺氣
血不歸源與補中益氣加麥門五味山藥
煎地茯神遠志服之而愈
辛丑夏余在嘉興屠內翰第遇星士張東




谷談命時出中庭吐血一二口云久有此
症遇勞即作余意此勞傷肺氣其血必散
視之果然與補中益氣加麥門五味山藥
熟地茯神遠志服之而愈翌早請見云每
服四物黃連山梔之類血益多而倦益甚
余得公一七吐血頓止神思如故日也余
曰脾統血肺主氣此勞傷脾肺致血妄行
故用前藥健脾肺之氣而唾血歸源耳後
率其子以師余余曰管見已行於世與子
宜覽之

昔時治吐血者皆言犀角地黃湯近
世醫家亦多言此症不宜以寒涼遏
之治法稍異矣有言此病只須服
地黃丸者予亦曾聞之至兼用益氣
湯則先生之獨見而時師不敢措手
者也人謂此症係血熱妄行但知求



端于陰血而不知陰陽互為其根此
非兩截不相關者先生深明此理故
每兼用湯丸以取效若十全湯內有
桂血因熱而吐反用熱藥時師必為
吐舌此則先生灼見二男子素勤苦
診得病因在脾胃故毅然用十全湯
而不疑若此脉因尚須斟酌不可
輕用者也花益石散止血止後補以獨

參湯此古時定法先生用以治吐紫血
塊者學者試精心思之 諸條但言
吐血而不分吐咳嗽諸症想皆
非效略等病也予少覽方書有云諸
血症惟效血為家重難治蓋此症乃
肺病因火尅金故痰帶血而從效出
亦有痰中見血如縷者其粉紅色狀
似肺者不可治後見醫者談此症亦



言竄為難治較之大吐更甚予識曰
中有此語弱冠時傷風後忽然患此
不勝驚疑遂成大病受累二三十年
予此症乍愈乍發後以為常不甚實
諸懷及觀親友中患此者頗多皆不
至殞命真所謂盡信書則不如無書
者耶大概火盛欬頻而血多誠是危
症如此而死者屢見之矣若效稀而

血少此偶傷于熱或傷于酒而然但
遵先生治法以益氣湯補其脾肺而
以六味丸滋其腎水當自愈不必視
為重病而介之于懷反傷神氣如予
可為殷鑒

古人治血症諸方多用寒劑惟上古之人
形病俱實者宜用之今之患者多屬形病
俱虛治者當求其屬而主之若前症鬱熱



傷肺而衄血者用黃芪益氣湯肺氣虛熱不能攝血而衄者用四君子加芎歸五味子鬱結傷脾而嗽吐血者用歸脾湯胃經有熱而嗽吐血者用犀角地黄湯胃氣弱而嗽吐血者用四君子加芎歸升麻腎經虛熱陰火內動而咯吐血用六味丸補中益氣湯怒動肝火而見血者用加味道遙散腎涸肝火動而見血者用六味丸雖曰

血行熱而錯經妄行亦有衛氣虛不能統攝榮血而為妄行者不可不察已上諸症皆屬足二陰虧損虛火內動所作非外因所致者宜六味丸補中益氣湯滋其化源是治本也其因甚多不能枚舉治者當臨症以別宜庶無悞矣


愚按劉宗厚先生云榮者水穀之精也和調於五藏灑陳於六腑乃能入於脈也源



源而來生化於脾總統於心藏受於肝宣
布於肺施泄於腎灌溉一身是以出入升
降濡潤宣通者繇此使然也故經云氣主
噓之血主濡之又云肺朝百脉之氣肝統
諸經之血氣血為人身之橐籥也觀此多
因飲食起居六淫七情失宜虧損元氣以
致諸經失職不能司攝法當調補脾肝之
氣使血各歸其源諸症自愈矣若潮熱咳
嗽而脈數者元氣虛弱假熱之脉也尤當
用甘溫調補脾胃為善

附論盜汗自汗

若陽氣虛弱汗出不止肢體倦怠用芪附
湯上氣喘急盜汗氣短頭暈者用參附湯
腎氣虛弱盜汗發熱者用六味丸若腎氣
虛之盜汗惡寒者用八味丸氣血俱虛而
盜汗者用十全大補湯陽盛陰虛者當歸



六黃湯心腎虛弱者班龍丸

一儒者因飲食勞役及惱怒鬢眉髮脫落
余以為勞傷精血陰火上炎所致用補中
益氣加麥門五味及六味地黃丸加五味
眉髮頓生如故

一男子年二十巔毛脫落用六味地黃丸
不數日髮生寸許兩月復舊 吳江史萬
湖云有男女偶合眉髮脫落無藥調治至

數月後復生



此二條係眉髮脫落症



脾肺腎虧損大便秘結等症 二十

一儒者大便素結眼搜風順氣丸後胸膈不利飲食善消面帶陽色左關尺脉洪而虛余曰此是三陰虛也彼特知醫不信乃服潤腸丸大便不實肢體倦怠余與補中益氣六味地黃月餘而驗年許而安若脾肺氣虛者用補中益氣湯若脾經鬱結者用加味歸脾湯若氣血虛者用八珍湯加

國立中央圖書館



內蘗蓉若脾經津液涸者用六味丸若發熱作渴飲冷者用竹葉黃芪湯若燥在直腸用豬膽汁導之若肝膽邪侮脾者用小柴胡加山梔郁李枳殼若膏梁厚味積熱者用加味清胃散亦有熱燥陽燥陽結陰結者當審其因而治之若復傷胃氣多成敗症

前症屬形氣病氣俱不足脾胃虛弱津血枯涸而大便難耳法當滋補化源又有脾約症成無已云胃強脾弱約束津液不得四布但輸膀胱小便數而大便難者是也宜用脾約丸陰血枯槁內火熾灼肺金受邪土受木尅脾肺失傳大便秘而小便數者宜用潤腸丸病氣有餘之治法也經云脾為至陰已土而主陰然老弱之人當補中益氣以主陰血



又曰經云腎主大便腎主五液若腎氣調和津液滋潤則大便自然通調矣凡此皆宜實脾土補肺金諸病自愈若因大腸火燥而大便秘者宜六味丸凡虛勞火病大便多燥

進士張禹功飲食停滯胸滿噁痰或用藥導之痰涎上湧眩暈熱渴大便秘結喜冷飲食手足發熱余謂腎水虛弱津液難降

敗液為痰用六味丸而愈

一老儒素有風熱飲食如常大便十七日不通肚腹不脹兩尺脈洪大而虛此陰火內燠津液用六味丸二十餘劑至三十二日始欲去用豬膽潤而通利如常

一婦人年七十有三痰喘內熱大便不通兩月不寐脈洪大重按微細此屬肝肺腎虧損朝用六味丸夕用逍遙散各三十餘



劑計所進飲食百餘碗腹始痞悶乃以猪
膽汁煎而通之用十全大補調理而安若
間前藥飲食不進諸症復作
一男子年五十餘因怒少食大便不利服
潤腸丸大便秘結胸脇作痛欲兼服脾約
丸肝脾腎脉浮而濇余曰此是三陰精血
虧損之症也今滋其化源則大便自調矣
如法果驗

一儒者懷抱鬱結復因場屋不遂發熱作
渴胸膈不利飲食少思服清熱化痰行氣
等劑前症益甚肢體倦怠心脾二脉濇滯
此鬱結傷脾之變症也遂用加味歸脾湯
治之飲食漸進諸症漸退但大便尚濇兩
額赤色此肝腎虛火內傷陰血用八珍湯
加茯苓麥門五味至三十餘劑大便自愈
一男子所患同前不信余言服大黃等藥



起後果然

泄瀉便血遍身黑黯復求治余視之曰此
陰陽二絡俱傷也經曰陽絡傷則血外溢
陰絡傷則血內溢辭不治後果然
職方陳莪齋年踰六旬先因大便不通月
內疏等劑後飲食少思胸腹作脹兩脇作
痛形體倦怠兩尺浮大左關短瀆右關弦
瀆時五月請治余意乃命門火衰不能生
脾土而肺金又尅肝木憂其金旺之際不




症所繇生也治當固陽氣實腠理為主若
多用表散之藥則陽氣愈虛風邪益盛解
有不悞者矣苟係外邪為患則當解散之
外邪既解而病仍作肺氣傷也用補中益
氣湯若頭目不清胃氣不能上升也加藹
荊子若飲食少思胃氣虛也用四君子湯
若食而難化脾氣虛也用六君子加芍藥
當歸若長寒久飲食或久酸脾氣虛寒

也前藥更加炮姜不應再加吳茱萸四分
黃連二分餘各當推而治之額南瘴癘為
患諸症詳見衛生篇凡宦遊此地者當備
此書而嘗覽之

傷風寒

愚按前症若內停飲食外感風寒用霍香
正氣散若脾氣虛弱而寒熱作嘔用金不
換散蓋嶺南之地濕熱薰蒸腠理不閉津




薛氏醫案 卷下 九
液妄泄陽氣內虛法當調補肺氣為主蓋
肺主氣而司腠理肺氣虛則腠理不密故
津液妄泄多患前症若外邪既去當補脾
土以生肺金

瘴瘧

王節齋方蒼朮黃芩乾葛陳皮半夏川芎
甘草柴胡知母加薑烏梅煎服先生曰愚
按前症若因外邪未解而寒熱往來者宜

用原方解散之若因脾氣虛弱或服前藥
外邪既去而寒熱不止或欲嘔少食者脾
氣虧損也宜用補中益氣湯加半夏乾葛
茯苓調補之若午前寒熱屬氣虛用四君
子加當歸升麻若午後寒熱屬血虛用八
珍湯加柴胡升麻大凡病久氣虛而血弱
者必發熱須用四君之類調補脾胃脾胃一
健氣血自生若悞認為血虛而用四物沉陰




之劑徑生其血則脾土復傷諸臟皆病虛
症蜂起反為難治甚致不救

久瘧

愚按瘧久不愈屬中氣虛不能滋養諸臟
但調補脾胃諸病自退其汗自出者乃陽
氣虛而不能衛固於腠理也用四君加歸
芪陳皮未應加薑桂手足逆冷急加附子
盜汗者陰虛而腠理不密也宜用八珍加

肉桂五味子煩熱作渴暫用當歸六黃湯
其中三黃俱炒黑倍加參芪汗既止仍用
八珍散之類若腎氣素虛發熱作渴宜六
味丸手足逆冷或痰氣上攻宜用八味丸
若邪氣既散而寒熱仍作此真氣虛也即
用補中益氣湯若氣血虛而寒熱者用八
珍湯若治失其宜則元氣虧損變症百出
不但久瘧而已矣



瘡後變痢


王節齋方黃連木香砂仁黃芩陳皮白朮
甘草白芍當歸煎服先生曰愚按前症乃
病氣有餘形氣不足而變症也宜用原方
以清解脾胃邪熱若病氣形氣俱不足而
不能愈宜補中益氣湯滋養諸臟自愈

溫暑之月民病瘟疫

王方黃芩升麻乾葛知母人參白芍石膏

黃連甘草羌活生地薑水煎服先生曰愚
按前症若邪在足陽明表裏不解者宜用
本方和解之若踈通過度胃氣虧損而發
熱煩渴者用竹葉黃芪湯以生津液若悞
汗亡陽而發熱煩渴者用升陽益胃湯若
悞下亡陰而發熱煩燥者用理中湯


王云前病若胸膈痞悶痰涎壅塞者加枳
實半夏生姜汁四五匙脾胃不實加白朮



先生曰愚按前症若形病表裏俱實而痰
邪痞悶者宜用本方若脾氣虛痰涎不得
運化而痞悶者宜用六君子少加桔梗枳
殼若脾胃虛弱不能攝涎歸源而痞悶者
宜用六君炮姜

王云若時氣發熱變為黃病治以茵陳黃
連山梔茯苓厚朴木通白朮人參木香白
芍乾薑姜水煎服先生曰愚按前症若因



濕熱壅滯所致者宜用此方若因病久元
氣益虛而脾之正色見於外者宜用補中
益氣加茵陳茯苓若中氣虛寒四肢厥冷
或浮腫黑黃者用人參理中湯加茯苓茵
陳觀東坡任黃州用聖散子正謂此意土
人不知反用檳榔導損真氣踈泄腠理外
邪易感病繇是作若節飲食慎起居適寒
暑固元氣以却外邪雖患是症亦為輕淺



嘉靖甲申春南都大疫煎散（聖子普濟老
 幼並服來者接踵死者塞途良可哀憫殊
 不知此方因嶺南風土而作且南之與廣
 相去萬里殊域異方天時人事各不相侔
 豈有槩一治療而無悞者哉

評註薛氏醫案卷下終





國立中央圖書館, NATIONAL CENTRAL LIBRARY, TAIWAN, R.O.C



